

甘肅全省新通志

卷玖

76587

地180

39

部=10

甘肅新通志卷之九

關梁

形勝天成關梁則人力為之然水陸要衝亦地利所在也今參考諸郡邑志乘求往昔設關建梁之意豈禦暴適以為暴便民反以厲民哉蓋隱以樂利貽之矣至堡寨之勢當要隘鎮鋪之地介衝衢平時便於懋遷有事藉以保聚連類相及以見地利之不容忽焉其他分州分縣關梁不具者姑從闕云

蘭州府

皋蘭縣

金城關在縣北二里黃河西北山要隘處倚山臨河乃通甘涼要

路關始置自漢

關關十三州記金城郡有金城關

周武帝置金城津隋開皇十八

年復改為關宋紹聖四年重築鍾傅修苗履展築明設巡司於河南岸萬

甘肅新通志

卷九

輿地志 關梁

歷二十五年易土以甄屢加修葺

明黃諫金城關記黃河經皋蘭城北距城西八十步架浮梁以

渡河河之北有關凡甘肅官員之朝會陝右民庶之轉輸腹裏軍士之輪班操備皆踰於是舊關創自洪武甲子乃指揮僉事楊廉移置至次年乙丑工完計今年乙丑凡六十一年其城垣頽圯成樓傾壞而邊備亦廢弛弗修去冬朝廷以互刺潛蓄窺伺邊徼之心乃命鎮守陝西右都御史陳公鑑巡撫邊衛整飭武備選將練兵以禦之公至蘭州相是地通連外境為西陲重鎮宜得大臣以守備焉事聞於朝遂以山東僉事司事李公進膺欽差把總守備之任至則首以是關為西州要塞其墮圯若此豈所以壯威遠夷而屏藩中國也哉乃恢畫經理勸工募力重修葺之拓其城郭甃以甃石而戍樓睥睨以次而成其外又廣其地為甕城城內正北築臺高丈餘上構真武殿肇工於正統十年八月十一日辛亥至次年三月初三庚午訖工衛之官屬喜公能成是功而不煩民力也乃相率徵文以記其修葺之歲月予惟修城郭完要塞守備者之重事也李公守備是邦委託甚重而能先致謹乎此誠知所重輕矣然不迫之以速成而必興事於秋後者恐妨農之耕穫也苟使民力一匱雖外侮不侵於治何補雖然昔先零諸羌背畔趙充國馳至金城分屯要塞而羌人竟不煩兵而下今西虜之在沙漠聞朝廷之選邊將公能體朝廷之心急所先務修城完塞練習軍士休息民力如此則必將怖懾遁逃矣噫一夫怒當關百萬不敢傍謹書於石以冀將士之胥助云張棟重修金城關記金城當兩河重險自漢以來重之蓋辟之人身三韓五郡則匈奴左右臂而遼與金城咽喉也扼咽喉以斷其臂至便計也本朝開基四郡

仍漢唐之舊而斥地則自關以北尚數百里曾踰定火城見隴畔遺迹與由涼莊徑抵甯夏故道猶存正嘉以來守臣不戒浸淫損沒遂使松山前後莽為虜穴胡兒往往立黃河飲馬甚為當關奪河橋大肆恐喝則此關為尤重矣歲乙未予備兵於此與參戎閻君登九龍臺之巔周環四顧見洪波西來層巒北峙居然天塹獨金城關路纔一綫西達四郡而關門頽矮僅數木覆其上宜虜之易視也遂謀所以設險者參戎則直任其事而石伐之山木取之稅登臺構基直接河流門上為注孔防火山城為礮眼防攻上為樓三楹擬下石矢可百步人不能近蓋屹然足守不獨雄壯可觀已矣工起於丁酉歲四月初六日竣於九月二十二日凡費金錢若干口糧若干諷日借計部周昆明氏落成之會金米免等數十夷來求款呼賞其上謂曰若能踰此望河橋乎各夷咋舌不敢應計部適酌而謂曰是真重險矣然楚不以彭蠡恆霸吳不以大江永存蜀道稱雄陳倉幾踰泰山永固函谷數夷在人謀也哉予與參戎稽首謝焉因併歲月記之石 唐岑參金城關詩古戍依重險高樓接五涼山根盤驛道河水浸城牆庭樹巢鸚鵡園花隱麝香忽如江浦上憶作捕魚郎

京玉關在縣西北九十里本名把拶橋宋置關改今名元廢

摩雲嶺關在縣南六十里摩雲嶺上最高而險接狄道沙泥界

青石關在縣西八十里青石峽南岸咸豐十年置

甘肅新通志

卷九

輿地志 關梁

二

鳳林關在縣北二里許黃河北久廢光緒二十一年重修

詳見辨譌

玉壘關在縣北即廟灘子城樓光緒三十一年蘭州道黃雲修

東關堡在縣東十八里即東岡鎮宋元豐四年置名鞏哥關六年重修改名東關堡

國朝同治九年總督穆圖善重修

柳溝堡在縣東三十里

鼇峰寨在縣東七十里乾隆四十六年修同治初重修同亂時難民保據此寨全活二千餘人

阿干堡在縣南四十里宋元豐六年置今名阿干鎮

夏官營在縣東南八十里同治中重修

三角城在縣東南九十里唐時戍兵所築

蘭州府志河西羌人所居土人每掘地得錢

皋蘭堡在縣東南九十五里宋元豐四年置明宏治十八年重修

質孤堡在縣東五十四里宋元豐五年置又置勝如堡在縣東南
買子堡在縣東五十里金縣西北五十里把石溝堡在縣東六十
里金縣西北四十里十字川堡在縣東北一百三十里金縣東北
八十里一條城堡在縣東北一百二十里金縣東北一百里四堡
皆在二縣交會處

甘草店堡在縣東南一百三十里同治中重修又有新營亦在東
南一百三十里

貢馬營在縣東南二百三十里

土城在袖川門外二百步許同治二年築南自龍尾山後麓起沿
阿干河而北至黃河濱止約長二里門二西曰永定南曰保安

西關堡在縣西五十里皋蘭新志謂即今西古城漢金城縣地也
宋置關逼臨黃河與夏人接界元廢明宏治十二年重修

甘肅新通志

卷九

輿地志 關梁

三

國朝同治二年堡民廖登選等再築

明彭澤西古城記蘭州治西五
十里許有古城焉郡志以為漢

故允吾周環三里有奇廢為古蹟久矣宏治戊午秋巡撫都憲許
公季升始允守備都閻梁公暄之請令修之用退虜衝未幾蘭
州衛指揮使周侯倫董其役凡軍民夫匠計若干名每歲率以農
隙一月修之歷庚申至辛酉冬城池之工畢壬戌廬舍官署之工
畢癸亥樓櫓門禁之工畢儲峙有庾訓教有學程督嚴而不苛分
布公而不徇用不及公帑科不及兵民皆侯所經畫而規措之者
既告成乃請於撫鎮諸公分兵守禦之以為常閭閻並起貨物充
積生理且漸裕焉城之耆庶仰而歎曰昔為豺狼食今為華屋居
昔為荆榛場今為衣冠會誰之功與乃相率屬澤以為記澤唯國
以民為本而兵以衛乎民使無城池以捍衛之甯能暴師於久耶
然土木之工先王所重不得已而後舉之所謂以佚道使民者固
矣苟董之者不得其人亦重困其民哉世有大興工作費公帑
而資侵漁者侯能因力生財上下無擾而厥績用底於成其賢於
人何啻倍蓰哉蓋侯報國憂民之心出於天性而學問足以輔之
故其施為有如此者特書以為侯功名遠大期為後之重修是城
者勸固宜况澤於侯有師生之雅而耆庶拳拳思報有周人忠厚
之風於是乎書

皋蘭新志云彭記據郡志謂此城即漢允吾城
黃志譏其為馬端臨所誤是矣然以為即乞伏國仁自金城所遷
之苑川又以為即宋之蘭泉縣則亦誤考通鑑輯覽注苑川城在
蘭州府金縣宋史地理志蘭州蘭泉縣倚郭皆與此城無涉今以
歷代地理韻編宋史地理志續通鑑長編證之此城應即漢之金
城縣治而宋之西關堡也韻編稱漢金城縣在皋蘭縣西南宋志

載湟州至西關堡里數共計一百五十五里遼川至蘭州二百餘里中除去一百五十五里餘五十里即西關堡至蘭州里數正與彭記五十里許之說合漢金城至明越千有餘年基址應無復存宋西關堡元時始廢至明宏治時不過百餘年自應如舊

積積灘堡在縣西七十里一名箕箕灘堡又曰新城明成化二十年置

國朝同治二年堡民劉仗宰等補葺

明趙英城新城記皇明太平日久邊備漸弛北虜乃深入寇吾

蘭時蘭之鎮守太監藍兵備副使邊守備都閫張僉議所以扼賊衝保障吾人者咸曰先王禦夷狄之道守備為本易稱王公設險以守其國是則深溝高壘乃設險之具也議既定請諸太監歐總兵白巡撫賈咸報允蘭之西七十里有箕箕灘者環山濱河河凍時賊往來之要地也於斯築城中兵於內則進可以遏賊來退可以截賊去然動大眾興大役非能而幹者不可也鎮守諸公詢於眾得周侯璜而委任之侯以都閫視蘭州衛象既得命乃卜日率數千人往築至則度地利均人力具畚器鳩材幹壯者役弱者爨晨而興夜而息凡勸相鼓舞之方設施布置之術皆有程度城之垣高凡若干雉厚凡若干尺隍之深減高之半其闕殺厚之一東西長以引計南北闊以繩計則又凡若干尺若干丈焉東西開二門門之上俱有樓垣之上俱有堞創始於七月十五日至九月三十日而落成請予言以紀其事夫城之築貴乎得地役之興在乎得人使城不迫險地不居衝即有城與無城等耳於守何益然非

甘肅新通志

卷九

輿地志 關梁

四

得人以委之則土木之工亦安能眾不知勞役不踰時哉然則是舉也其得人得地可知矣自今以後吾蘭有備賊必不敢踰河為寇如蹈無人之境若往年者蘭之人庶乎耕牧蕃息而安土樂業也抑何幸歟

苦盧灣堡在縣西一百里

黃峪溝堡在縣西南十五里

羅日堡伽羅總堡俱在縣西宋元豐五年李憲言羅日伽羅總兩

堡東接蘭州北臨黃河每歲河凍須藉羅日等處控遏賊衝

華林山城在縣西南三里乾隆四十七年建

國朝魏源 聖武記先是四十六年撤

拉爾平 詔展寬蘭州城令據山臨河大學士阿桂奏言龍尾華林二山暴潦衝成溝壑水悍沙汕難城惟有展寬東面而盡撤西關外城以遠山麓抑或移督標右營於華林山而建四墩堡於龍尾山與城中犄角則無庸改建 命工部侍郎成德來勘奏從後議遂築此城

四墩堡在縣西南郭外龍尾山乾隆四十七年與華林山城同築

皋蘭新志四堡正方如墩形中空可容百餘人俗名頭墩二墩三墩四墩分列龍尾山上俯瞰西關城而四墩尤切近袖川門平時

每歲設守兵二十名同治六年八月既望河州逆回來犯時督標營已廢惟第四墩有兵賊遂越頭二三墩徑窺西關記名提督彭文林率所部千人登山迎剿敗死餘勇退保第四墩下墩上兵開礮擊之賊不敢逼旋為統帶河鎮三營遊擊康達所卻蓋皆藉此墩為犄角也當時其餘三墩若皆有守兵賊未必猖獗至此附記之以告後之設守者

古城堡在縣西南一百三十里半箇川近堡有廢城

長川堡在縣北四十五里同治三年築

鹽場堡在縣東北五里明萬曆三年置守備駐防

貢馬井堡在縣東北二百里同治九年總督穆圖善修

安甯堡在縣西北三十里黃河北又縣西北四十里沙井堡六十

里**梁家臺堡**八十里莊河堡一百里**達家臺堡**一百一十里**張家**

臺堡

哨馬營天岔口堡俱在縣西北十里泉蘭新志云以地望準之即名已不可考矣明黃諫大岔口堡記陝右之屬衛曰蘭州古名

金城郡國朝治邑隸臨洮以是地北據大河西通沙漠乃建武備

甘肅新通志

卷九

輿地志 關梁

五

以保障之今上皇帝在位之十年以山東都指揮僉事李公進以把總守備之任使鎮其地既至即修城浚隍完要塞以為守邊計黃河西北十里有山蜿蜒相接中有路曰大岔口僅容往來人行二十里出口外平川一望如掌與瓦刺赤金哈密相接公以是為慮欲於山口築哨馬堡以防奸宄十一年冬畫圖以聞報可今年春始經理之越月工完以百戶一員率銳卒百餘守之是舉也蘭邑近城地多瘠非得灌溉之利鋤治之勤則其獲也鮮河北之地多在山阪每遇時雨方霽邑人竟往播種不待灌溉鋤治而所收者十倍往往以地臨邊恐被侵掠故前此守備者禁弗許今則有所保障不禁其耕種矣每隆冬盛寒冰梁既合必嚴設守衛以備之今則塞其要隘無復慮矣之二者其所利於民生益於封疆者甚大故書之以告

鎮遠橋在縣西北二里黃河上明洪武年宋國公馮勝建於城西

七里以濟師越四年移建於縣西十里名曰鎮遠十八年守禦指

揮楊廉又移建於城西北三里金城關用巨舟二十四艘橫互河

上架以木梁棚以板圍以欄南北兩岸鐵柱四木柱四十五鐵

二各長一百二十丈綜麻草繩各相屬冬拆春建為通河西要路

宏治初馬文升言陝西之路可通甘涼者惟蘭州浮橋一道敵若

據此橋則河西隔絕饒援難矣

國朝因之橋事舊係蘭州同知專司乾隆三十六年裁缺四十二年設縣主簿司之道光三年裁缺建拆修補歸縣報銷木植由洮州廳購運工料銀兩由蘭州府徵收稅項開支其抽收木稅巡查夫役等事歸府經歷管理每春冰泮時搭橋需人數百或在岸或在舟或乘皮筏巨繩繫舟從上流緩放舟繫大筐四五盛以石候舟至洽好處則擲筐於水舟稍定即繩纜交加一一牽綴而橋成壓以巨鐵纜舟隨水高下夏秋盛漲時經理失宜仍虞冲散冬冰既堅狀如積雪可通車馬俗名冰橋明徐蘭河橋記蘭州城北近河宋國公馮勝奉命西征守禦指揮兪事趙詳去城西七里許造浮橋以濟師師還遂撤弗用又三年衛國公鄧愈帥師定地置西涼西甯莊浪諸衛仍去城西約十里造橋以通往來給饋饗因而弗革名曰鎮遠然河流悍急隄壩弗固成謂非久遠計又九年蘭衛指揮兪事楊廉相城北河水少緩擬改置橋近且易守詢諸父老以為古之金城關在焉謀諸同僚兪以為允乃圖上形勢陝西都

甘肅新通志

卷九

輿地志 關梁

六

指揮使司轉聞制曰可愛於夏六月鳩工明年春二月冰解齋戒率僚屬虔祀於神協心齊力某日橋成按漢史趙充國初擊羌戎遣三校銜枚夜渡即營陣以防衝突時橋未造也逮上方略其一以為治橋道以制西域伸威千里從枕席上過師是橋之利涉自古而然今祇承上命屏翰藩維乃能以古良將自期躬督吏士決意改作造舟二十有八常用二十有五河漲則用其餘以廣之每舟相去一丈五尺上流定以石釐如舟之數舟上加板欄楯兩傍以衛行者橋南北岸各樹鐵柱一木柱六鐵鎖大繩貫橋合相屬隨波升降帖若坦途橋之南去城八十步新築小城延袤數丈中置門以誌行旅城上建樓東偏創公廡凡若干橋門西偏創祠宇以奉河神橋之北因山為城延袤二百丈東西置門連樓其上又建漢壽亭侯祠制度一一各適其宜嗟夫大河西置門連樓其上又梁橫互徑接康衢棟宇翬飛照耀丹碧雉堞環繞隱約蔽虧誠邊徼之要津千古之偉觀也諸葛武侯有曰治世以大德不以小惠若斯橋者其可謂上昭聖天子之德下以康濟斯人者乎夫善作必藉夫善繼是橋也歲月滋久風水撼頓葺理蔽漏必賴後人繼承之故紀其始末庶嗣事者之有徵焉國朝齊世武天下第一橋記域中之水因瀆為大濟淮俱入於黃河而河源星宿較江源為更遠是域中之水必以黃河為第一流也黃河歷雍豫以至於海皆無梁惟皋蘭有橋絲互黃河上游其稱為天下第一橋無疑此橋西通張掖武威酒泉湟中諸鎮凡塞外部落重譯來王者莫不經此橋而東以達於京師若置郵商旅藉以濟者更無俟言是橋之設顧不重哉壬午春余奉命撫甘二月冰解例設橋余齊宿祀河視維續浮舟皆不甚固亟諭有司整頓未幾夏雨時行河

水隨漲余臨河省視橋復連雨橋斷雖由水漲實司事者疏慢致之也因特疏糾劾悉釐舊弊凡派民製繩草束有禁派鄰邑協辦麻斤有禁派民水夫工食有禁派民挑土挽船有禁良以此橋責成在駐蘭之郡丞舊則商經此橋有稅郡丞經收除征解外羨餘可供橋費又木商經此例抽木稅供橋用是修橋之費郡丞例應專任何得纖毫派我民哉惟守橋水夫三十人額設工食銀五十兩似有不敷民私相輸助今亦盡革於額設外增至三百餘金共計三百六十金每夫歲給銀一十二兩蘭牧亦收土稅量協濟六十金餘俱郡丞足其數以給水夫俾晝夜巡視以防不虞至若置造浮舟二十鐵纜二麻纜草纜各若干樁木橋板各若干務壯實堅韌蓋凡工作之事其始勤不可苟簡惜費便能經久多費正以省費也至每年修整更換俱不可苟且草率便無疏虞今責成既專郡丞亦不得慢忽從事自貽伊戚九月二十日河橋重修告成余復臨流督率紳挽建置中流較前加壯麗改觀行旅悉坦然波河余攷此橋創自明朝洪武之壬子歲初置二十四隻後登埠減舟二隻繼隨水勢旋復旋減今仍替埠又減舟二隻共計舟二十隻邇來橋廢時渡河者皆泛牛皮鴨夷牲畜浮水而過者水勢湍激每激下數里不止人畜間有淹沒者以致遠邇畏阻滯驛遞亦復不少今橋成均可免所患矣惟慮後之經理者無可徵考爰詳記之俾得永遠遵循焉銘曰河流云邈稽禹隨刊甫歷積石旋經皋蘭浮舟作梁利涉用安卧龍文鱗蜿蜒急湍鐵鎖橫互貞固如磐有司恪守毋急毋慢控制西域撫馭重邊遠人賓服億萬斯年劉於義河橋記蘭州當兩河孔道縮東西來往之襟喉而城之北面即枕黃河車馬輻輳絡繹不絕成賴橋以濟河橋之制

甘肅新通志

卷九

輿地志 關梁

七

創自明初編聯二十四舟浮於河面中空水道架以橫梁上鋪平板旁挾紅欄東西兩岸各立二鐵柱柱以鐵鎖二條各一百二十丈又立木椿數根大草索數根夾護貫船平直如絃隨波高下縱怒濤濁浪奔雷捲雪任其盤渦於船底而上則人馬通行如履康莊坦道制甚善也雍正八年余奉命來西在蘭查造軍需冊籍其時河橋被衝經前任巡撫河南許公重葺今乾隆初元余奉命攝署撫篆歲之六月大水驟漲河橋又經衝斷夫七年之間兩遭決壞費財勞人不可不尋經久之法及推求其故蓋有二弊焉一曰減舟而惜費一曰樁弊而不更攷蘭州志有前明衛守備李進改修河橋記云洪武初原用二十四舟後守備苗旺以造舟費大乃於兩岸登出埠頭減去二舟止用二十二舟埠頭水急將舟衝激流蕩每多損壞雖云惜費反致重費正統乙丑奏請退修埠頭增造二舟以復其舊於是河東水緩而舟咸無衝激之虞庶為永遠之計恐後之守斯土者莫究其義復欲減造舟之費以蹈其弊故刊石誌之夫減去二舟尚為不可况今之浮橋減去四舟止用二十舟是馬頭益出水益湍激宜乎屢被損失勞費不貲此一事也又考臨洮府志浮橋兩岸鐵柱凡四各長二丈一落河底鐵盤尙存今查所存三柱在河東岸者有二其一上鑄洪武五年歲在壬子不著官爵攷之洪武五年統兵平定河西者為宋國公馮勝此必馮宋公所建也其一上鑄洪武九年歲次丙辰八月吉日總兵官衛國公建斯柱於浮橋之南繫鐵纜一百二十丈斯乃衛公鄧愈領兵征西番時所建也至西岸所存一柱亦係衛公所建但云建斯柱於浮橋之北其餘年月官爵鐵纜字數與南相同而宋公之一柱已亡矣夫鐵纜本長一百二十丈止存七十丈鐵柱

迺遠既不能繫遂別立木椿於馬頭之上又不爲時易新木則河
流震撼風霜摧蝕其力幾何故浮橋之斷不至於索朽而在於椿
毀又一事也余既有事茲役且所見又加確核遂奏明 聖天子
將兩岸馬頭各減退三丈五尺仍照洪武原制用二十四舟鐵索
兩條各增五十丈仍各一百二十丈繫於鐵柱以復宋衛二公之
舊惟西岸所少鐵柱一根用大椿木代之約定三年一易新木以
期堅固至於河橋修費用本係監收同知之事而現例河橋稅
銀儘收儘解無有贏餘同知之力不能捐貽查雍正八年所費二
千九百餘兩余乃捐銀一千兩布政司徐三百兩按察司齊二百
兩臨洮道吳一千兩監收同知馮慶會設法捐造至於贈置四舟
添索一百丈以及修改馬頭諸費請動帑銀伏蒙 聖恩俱報可
是役興工於六月十六日巳卯竣工於八月初十日幸未恐後人
不知木椿之應三年一易或妄議減舟借小費而致大費也爰歷
敘重建仿古復舊緣由書而鏡之於石 巫揆浮橋詩懸崖跨壑
俯洪河鐵鎖鏐然壓艦多兩霽雲中飛蝦蟇風高海上駕鼉鼉行
人題柱竟留字燕子穿船閒弄歌天下浮橋原第一桃花譜慮漲
春波 王光晟冰橋行朔風凜冽當空號兩山黯澹寒雲高大地
陰森氣凍塞銀潢膠結停波濤一夜河凝駭神異碎玉零瓊誰委
積錯落元冰大壑填經過漫水如平地邊郵遠接輪蹄多渾忘足
底凌蒼波最是天公惜物力澤堅應候通人過往來雜沓樂安逸
百日銷鎔歲可必峽形逼仄山蟠行天下神橋此第一春色綺麗
春風翔岸冰初解浮寒光廿四鉅舸鐵纜長請看竟日成浮梁

石橋在縣東關今廢

甘肅新通志

卷九

輿地志 關梁

小川渡在縣西一百二十五里船一

天慶橋在縣南五里

船底岡橋在縣南二十里

白石頭渡在縣東北六十里船一

東岡鎮渡在縣東二十里船一

一條城渡在縣北百一十里船一

橋兒溝橋在縣東四十里

通濟橋在縣東二十里黃河上今廢

西津橋有三一在縣西二里以木架空俗名卧橋跨阿干水又名

三公橋歲久傾圮嘉慶二年縣民劉漢捐銀三千兩重修十一年

布政使蔡廷衡修橋西迤南隄岸道光二十一年紳士曹曉霞補

修光緒三十年公募重修

國朝楊春和西津橋隄岸記嘗考周制十一月徒杠成十二月輿梁成此特

為冬寒病涉歲歲修舉初非一勞永逸也金城袖川門外里許有
阿干河跨水建橋相傳昉於唐代我朝乾隆以來火於辛巳水
於乙未兵燹於辛丑壞之三修之三每費輒復不貲先是兩岸逼
直水從中流西岸雷壇佛寺安於磐石厥後金天觀前水道東徙
而東岸民田梗其下游山水暴發則轉折之勢倍助狂瀾西岸重
受衝墮廟地甚且虞冲刷况所稱雲際虹梁空中翬背者幾何不
付之洪波哉嘉慶癸亥邑人士自其事於大方伯仁和蔡公撥給
銀千兩修築隄岸橋始藉以無恙惜董事辦理未善旋復傾圮歲
次丙寅公復慨然以增修為己在親詣河干借諸能事者踏看指
畫購東岸民田以拓水道築西岸石隄以禦奔衝自此壇廟孔固
而橋工永保無虞矣是役也經始於三月上旬落成於四月之望
倘所謂經之營之不日成之者非耶夫公之仁心仁政久播閭閻
所以嘉惠斯民者豈惟此橋然為此橋謀一勞永逸之計尚不憚
勤勞不惜清俸若此宜乎往來行人咸謳歌於不置云曹曉霞
修隄橋隄岸官路及冬搭小橋記吾蘭袖川門外半里許有雷壇
河水源出自阿干北入黃流平時深厲淺揭人不病涉遇山水暴
發奔騰澎湃望洋束手無策自古以來建有橋梁遺行即今所
謂外橋是也惜旋修旋廢苦無經久計嘉慶戊午歲有義士振西
劉公者見義勇為捐貲獨修插木凌空架屋為梁人人稱義舉焉
遂至丙寅前任蔡公大方伯捐廉築隄以期堅固五十年來人無
言及之若旅無濡首之虞賦歌功德於弗衰奈歷年既多橋板腐
朽隄岸傾危余日擊形勢思岸一危則其基不固板一朽則其勢
易壞用是不憚力繼將石岸重加修整木植盡為更換且於橋下
北首磊以石隄俾水勢急下不致汎濫此非余好事喜功欲使前

甘肅新通志

卷九

輿地志 關梁

人利濟善心愈久愈彰已耳獨是事必期諸垂久功必要諸萬全
橋下每歲當入冬後建搭小橋為車馬往來之路但經費無出寺
僧募化鄉民值歲歉往往延至嚴冬而尚未告成余捐貲一百串
呈請縣尊發商生息每年得息錢十串交卧橋寺住持以作添
補物料僱匠工之費橋之東係官路狹且陡取道者擁擠至終
日不得通行蓋因路東建有鋪面六間與路礙余即向僧何坦
籌議將鋪拆為官路即在橋北補蓋鋪面七間作為香火之需計
寬出地地南北長七丈七尺東西寬二丈六尺所有毗連之火祖
樓其下兩邊皆鋪面中屬路僅容一軌每當車與車相值雖隻身
亦難動步余亦同社眾酌籌將靠北一間改為大路俾肩挑單行
者便於往來再有橋南向東鋪面二間命工改為坐南以擴地勢
業主亦樂於從事其空地計南北寬三丈二尺至於橋之西路亦
狹隘幸義士陳公希榮者讓出地基一段計北面寬一丈五尺東
西長二丈餘後有金天觀住持朱功葆聞善斯行拆去圍後鋪面
讓地計南北寬一丈五尺東西長六尺旋將拆損牆垣修築完好
易日積善書曰降祥余何敢以此自多但以瑣屑功程余匪勉於
前而即有諸君子玉成於後人之好善誰不如我非明徵歟是舉
也與工於辛丑年三月落成於孟秋竊恐年代久遠或有漸次侵
佔其湮沒善行者失猶小其窒礙官路者弊且大也因又一名上
橋在西園西南一名下橋在西園西北均以木為之道道光九年里
人楊應魁等捐砌石橋

〔南秀橋〕在拱蘭門外〔西秀橋〕在縣西十里土門墩〔沙井橋〕在縣西北四十里〔巖望溝橋〕在縣東二十里許今廢〔兜溝橋〕在縣東四十里〔石橋〕在東關

〔先登橋〕在縣南五泉山麓明正德中建萬曆中重修

國朝道光二十二年紳士曹曉霞改建石橋有明時碑記見金石

〔惠遠橋〕在縣西南三里船底岡橋在縣南二十里

〔鞏金橋〕在東岡鎮舊以木爲之道光十一年知府陳士楨知縣龔均捐建石橋名鞏金

〔近旭橋〕在段家灘咸豐中紳士溫自勵等重修光緒十年紳士段子廉等改建石橋

〔太平橋〕在通遠門南里許道光五年建〔天慶橋〕在縣南五里〔張家橋〕在東柳溝光緒十四年縣民任瑜等重修

甘肅新通志

卷九

輿地志 關梁

十

〔阿干鎮上中下三橋〕光緒十九年山水沖沒知縣潘齡皋重建

〔黃河沿渡〕在慶安門外船二又縣東里許教場河渡二里〔段家灣渡〕十里〔空心墩渡〕二十里東岡鎮渡

〔青石津〕在縣西青石山下晉太元初苻秦將梁熙等伐涼濟自青石津皋蘭新志云疑是今小寺溝渡又縣西四十里鍾家河渡有

船二七十里〔新城河渡〕八十五里〔八盤河渡〕船各一九十里即小寺溝渡也船二按縣志四渡皆漢時古渡又縣西二十里〔馬灘渡〕八十里〔青石

嘴渡〕一百二十五里小川渡船各一

〔廣武梁〕在縣西北唐長慶元年大理卿劉元鼎爲吐蕃會盟使踰成紀武川抵河廣武梁即此

鐵橋在縣城外西北黃河上原設浮橋光緒二十二年總督升允奏請改建鐵橋興工於三十四年二月至宣統元年六月竣工附錄詳請

包修鐵橋原案光緒三十二年九月初六日甘肅布政使豐伸泰署按察使白遇道總辦洋務局蘭州道彭英甲為遵議包修黃河鐵橋辦法擬定合同會銜詳請示遵事竊今年五月德商泰來洋行喀佑斯面請包修蘭州鐵橋以便行人當蒙憲臺飭局會同藩臬道與該德商妥議辦法以為一勞永逸之計維時工程師尚未測量估計喀佑斯亦無十分把握茲喀佑斯調請工程師來甘業已考究明確黃河水性雖云湍急若如所議章程架修鐵橋甘願保固八十年其橋價仍以十六萬五千兩為准事屬創始不厭求詳本司道復於九月初一日與該德商在局面議會商一切將從前所擬合同添改數條以期諸臻妥善併繕就華文合同八分擬簽押後分存憲轅外務部天津德國領事暨署藩臬道署本局與泰來行喀佑斯各執一分以為憑據俟憲臺批准即行簽押所有遵飭會議黃河鐵橋辦法訂立合同緣由相應會詳呈請憲臺鑒核示遵為此具呈伏乞照詳施行宣統元年十一月十三日署布政使陳曾佑按察使陳燦總辦農工商礦洋務總局蘭州道彭英甲會辦洋務候補道孫庭壽會詳為黃河鐵橋工程完竣詳請升飭與德商泰來洋行喀佑斯定議包修橋價工料共議天津行平化寶銀一十六萬五千兩橋成後另送工程司來往盤川銀二千兩其由天津至甘運費並修造時預備船隻木杆藤繩等項概由甘肅認籌當經訂立合同簽字分執於三十二年九月十五日詳蒙 奏咨在案嗣派本司道等會同照料奉檄之下當即遴委委員分駐天津鄭州陝西三處轉運料件並派員在橋督同工作該洋商喀佑斯亦即遵照合同招雇洋匠華工六七十名先後來

甘肅新通志

卷九

輿地志 關梁

十一

甘於光緒三十四年二月動工至宣統元年六月一律告竣計橋長七十丈寬二丈二尺四寸架橋四墩中暨鐵柱外以塞門德土參合石子石條成之橋面兩邊翼以扶欄旁便徒行中馳輿馬安穩異常行旅稱便惟橋面工程係用碎石沙土鋪於木板之上碎石傷板恐不耐久蒙前護督毛詳詢監工洋人暨各華匠再三研究飭令刮去土石加添木板一層以便隨時更換亦電奏在案本司道等仍當督飭地方官隨時察看補修總期保護行人一勞永逸以仰副憲臺慎重要工之至意所有鐵橋需用過橋價關稅並津鄭陝轉運橋料運費諸監修委員薪水護勇工食以及購買木杆藤繩等項一切雜費銀兩統共需用庫平銀三十一萬二千二百八十八兩四錢零六釐二毫三絲八忽丙除橋工告竣與泰來洋行經理德羅同面算清應由該行認交還職局前在天津墊納關稅匯費等項庫平銀三千五百三十六兩五錢七釐七毫四絲外銀橋一切支款實用庫平銀三十萬六千六百九十一兩八錢九分八釐四毫九絲八忽均由統捐總局如數撥發所有鐵橋工竣及需用過銀兩數目緣由相應詳請鑒核具 奏並懇將所資報銷清冊四份鐵橋相片四份除憲臺留一份備案外其餘懇請分咨外務度支民政部查照核銷實為公便抑更有請者甘省籌建鐵橋事屬創始洋匠多人應付最難雖云購機購料包自洋商然轉運之艱督工之苦以及駕馭操縱之不易閱時兩年之久在事人員不無微勞足錄可否擇尤保獎數員之處出自憲恩為此具詳伏乞照詳施行 總督升允創建蘭州黃河鐵橋碑記蘭州城北廣蘭黃河為甘涼甯夏各郡及伊塔新疆往來大道寧凡朝軒傳荷商賈征旅肩摩聲望相望於途中阻巨浸行者苦之每年春間

向由皋蘭縣鳩工搭造浮橋以鐵繩比繫二十四舟面以木板藉作津梁入冬冰至橋折則又招舟以渡迨臘月河水堅凝改由冰上行走土人謂之冰橋開春凍解冰消復建造浮橋如初願浮橋當夏水盛漲時或中斷冬冰衝激亦輒斷斷必溺人而冰橋將開將結之時人馬車輛之失陷者尤夥病涉戕生咸滋永歎昔左文襄公督師度隴固已怒焉憂之曾議修建黃河鐵橋因洋商福克索價過昂事遂中止余於乙巳夏持節西來詢悉情形相度河勢每重申前議利濟是圖適德商泰來洋行喀佑斯游歷來甘爰飭司道商令包修與之訂立合同集華洋工六七十人料件悉購自外國設法轉運至蘭經始光緒三十三年二月泊宣統元年六月而工成橋長七十丈寬二丈二尺零架橋四墩中豎鐵柱外以塞門德士參合石子成之橋面兩邊翼以扶欄旁便徒行中馳輿馬計造橋工料共銀十六萬五千兩運費並杆繩等項雜用共銀十四萬餘兩二共動支庫平銀三十萬有奇由統捐局溢收項下作正開銷均經奏咨在案嗟夫冬官既佚考工失傳外人奇技巧思每可以宜民利用而足輔我所不及用人之長亦奚足異乃上年籌建此橋羣相疑沮胥動浮言甚有謂為無成冀其言之必驗者而及其成也又咸以去險就坦易危為安稱便如出一口使向者感於眾議不能歷久不撓又安必尅期歲事乎凡民可與樂成難於圖始大抵然矣余既幸斯橋之成有以續前賢未竟之功而可資一勞永逸也又冀後來之補修以時俾此橋千百年如一日而為利無窮也爰略概其始末而為之記其督辦一切始終其事者為二品銜蘭州道彭英甲幫同照料者為蘭州府知府劉振鏞署皋蘭縣知縣賴恩培監理工程者為洋務局坐辦候補知縣樊

甘肅新通志

卷九

輿地志 關梁

三

鼎樞徐登第英文繙譯縣丞江連慶並孫照磨賢林巡檢慶椿蒲千總生祿委運橋料者為候補知縣張鍾駿沈瀚雲劉啟烈府經歷高鏡寶縣丞麥方堃趙毓岳巡檢傅最典史臧炳文承修者為美工程司滿寶本德人德羅華工劉永起例得備書因附名焉

縣丞

駐劄寬溝堡皋蘭新志云在縣北三百里今查縣冊由驛計程在縣北三百六十里故各堡相距里數依之

紅水河堡在城北七十里與平番交界堡城周二百六十五丈高三

丈二尺濠深一丈五尺明萬曆二十七年平松山兵備副使荊州

俊建

永泰城堡在城北三十里明萬曆三十五年建府志永泰城在紅

水迤南一百二十里周四百八十八丈高四丈

明邢雲路永泰城碑王者體國經野闢土

服遠章明四訖之化規恢萬載之業曷哉邈乎弗可尚已我皇上御極以來勳放天壤澤被寰海山川四向各止其所乃有越在西徼地曰松疆卻彼甸奴弼我金城者曩為皇祖龍飛興復一統之圖後為胡虜蠶食分裂羣醜之據蓋自成宏迄於隆萬殆百年間棄而不守至今上戊戎我皇赫怒張皇六師爰命大司馬李公汝田公樂等主其籌元戎達君雲蕭君如薰等治其旅率七郡鷹揚虎賁飲飛之士合先大司馬鄭公洛首事所收歸命羌氏驍騎合得十萬餘人誓眾同日分道出師雲擁風從霆擊電掃從天下地

直抵穹廬遂破巢卵腦良境折馘千計俘獲萬餘孽犇北窮搜
陵谷埽清大漠賀蘭以西千餘里亡王庭由是化胡為華光復舊
物當斯時也雖則科地分屯起隴列郭稍稍為桑土計然以草創
之際日不服給剛是大司馬顧公其志鎮撫是方乃復咨文臣方
岳荆君州俊等武臣元戎孫君仁等度扼吭之要害籌基定之熟
計議築連城諸堡為犄角率然之勢疏上報可聞余適以承乏備
兵來涖茲土越歲余乃奉率公檄偕文武諸將吏協志戮力胼胝
奏功經始於三十五年丁未春三月迄三十六年戊申夏六月落
成城凡三曰永泰次鎮虜營保定墩院若臺燧凡百二十餘廣
袤千八百里東軼蘆靖西跨莊涼北界沙磧前濱臨鞏若羣山而
四圍之也其間崇岡隱天鄧林蔽日華實之毛衣食自出厥有塘
隍聯乃廬落兵衛器械亦皆具備乃以是年秋移舉蘭參軍駐兵
永泰而諸偏裨都護所隸卒多寡以次成實諸堡若焉越歲乙酉
春厥居既定邊鄙不警然後差穀旅祭告厥成功神人胥暢山川
以甯上以續恢拓之鴻業下以貽永世藩籬之固圉其斯以為盛
乎大司馬顧公乃進余曰我心有營惟子度之我疆式廓惟子奠
之我上告成惟子銘之余遜謝不得於是封山勒銘用彰威德銘
曰瞻彼松巖轟轟崇岡星分北落嶽鎮四方襟帶山河為金為湯
何物狼貪狡焉鼠竊帝命虎臣犁庭掃穴機槍夜落蝨賊朝滅蕩
彼猾夷歸我版圖乃陞疆域扶輿區華裔界限既雄且都元老
壯猷規模宏遠議築三城韓公之惻蕭軌曹踵惟余蹇蹇重險神
皋陟陟嶙峋隨山刊木先以勞民既決天闕復開天垠連城百雉
說築梯空龍盤虎踞增擬閭風繕葺各別聯枝疏通體勢互緣走
集巨固參旗錯列壁壘盤互圻垠星明甲兵雲布林麓之饒何物

甘肅新通志

卷九

輿地志 關梁

三

不有夷言米哈田騰飛走千軍肉食武夫赳赳周眺原隔溝塍灑
連鄭白分渠營平屯田遺阡邇陸海在焉邑廬相望闔闔為市
塵殖貨列商賈萃止從軍皆樂吉甫燕喜內甯外讐巍乎功成何
以臻此車書大同皇威迤暢格于八紘我銘斯紀著之金石景鐘
流芳燕然執蹟垂
億萬年永保無斃

保定堡在城南二百三十里鎮虜堡在城南七十里邢雲路建舊志

及天下郡國利病書俱言保定在永泰南一百五十里
鎮虜堡在保定南一百二十里皋蘭新志已正其誤

三眼井堡在城北三十里城周二里五分明萬曆二十七年兵備

副使荊州俊建明荊州俊三眼井堡記三眼井堡在州北五百里
與紅水蘆塘等堡某布星列皆新復地也爰自我

太祖驅逐殘元再造寰區此地已入版圖殆後正統己巳之變淪
入於異域百五十年索罕定火諸城遺址尚存而大小松山莽為
虜藪矣虜恃地利東寇延綏甯夏南犯固靖蘭州西侵武威張掖
往往飲馬黃河邊民竦息沿邊將吏莫敢誰何未聞有窺穹廬一
矢相加者今天子聖武天授御極之初虜即款貢二十餘年乃復
寒盟天子震怒益飭武備專任督撫大臣嚴勵各邊將士直搗巢
穴一時斬馘招降以數萬計松山氈幕為之一空時大司馬田公
撫治甘涼慨然興恢復之計區畫已定圖上方略天子可其奏於
是畫界築邊工役大起于方承乏臬憲備兵金城同靖虜兵憲李
公偕蕭孫二總戎督率隴上郡吏材官運儲捍禦各盡乃職起工

於二十七年三月至六月事竣凡築邊自烏蘭哈思吉至大清泗水堡延袤四百里建堡十有二而三眼井其一也分屬蘭州衛移軍守之慎擇材官得百戶苗守榮領其事榮故將家子體貌強健智勇兼資當築工時任總提調一時鮮儷既受任乃能遵予指授披棘斬茅採松山之木儼為公署倉場營房俾軍有所依城建樓櫓門設月城挑壕二層足可禦侮建元帝關王馬神山神諸廟足可徵福居三年虜無入寇之警而有招降獲馬之績榮固不負斯任哉今且命工礱石丐予文以記歲月夫夷狄之為中國患自古有之而方叔振旅薄收太原之功漢祖開基漫遺白登之誚至如克國屯田金城豔羨然史之所稱不過先零罕丹之坐困而已若乃埽其穴犁其庭開拓其疆土者一見於國初再見於今日豐功偉績超軼千古俾後人有所憑藉為國家萬世不拔之業端有賴聖天子之威靈羣工之効力豈忍泯泯無傳乃勉為文述其巔末庶後之讀斯文者知堡之所由建云

金縣

定遠鎮在縣西北四十里猪嘴山下一名猪嘴堡

清水鎮在縣東三十里又金家崖在縣北五十里新營鎮在縣南四十五里

浩亶橋在縣南郭外兵燹後焚燬殆盡光緒十六年重修十九年

甘肅新通志

卷九

輿地志 關梁

十四

復被水冲

東門橋在東郭外神濟橋在北郭外今廢

迎善橋在興隆棲雲兩山間架木橫空上有穿廊下無柱如握橋

然光緒元年被水衝毀二十六年知縣陳昌重建題其額曰雲龍橋

均利橋在棲雲山下

什川堡渡在縣西北一百六十里又縣北一百八十里葦茨灣渡

一條城渡一百九十里東灘渡東北二百二十里金家園渡又平

灘堡渡有民船各一

狄道州

北關堡在州北二十里宋熙甯五年置次年置南關堡在州南二十里又三壘關在州西三十里打壁峪關在州北三十五里俱置

戍防守保障近郊

涇家關在州西三十里西南通河州二十四關要口又明一統志

下襪關在州南一百里八角關在州南一百一十里

通谷堡在州東二十五里宋熙甯五年置六年置南川堡在州南

三十里七年置結河堡在州北二十里

嵐關坪在州南三十里今名南觀坪為通蜀孔道蜀漢姜維九伐

中原皆於此魏築候和城戍之遺址猶存

官堡鎮在州東南八十里有石堡高一十五丈同治開回變民賴

以守

野人關在州東北七十里山上一名十八盤關為達安定通衢據

狄道圖說按舊志十八盤關在州南一百二十里

黃石坪在州東北一百二十里狄泉金分治之處

甘肅新通志

卷九

輿地志 關梁

五

新營鎮在州東北一百四十里極邊之甌脫地也亦狄泉金分治

永甯橋舊在州西洮河上宋熙甯中熙州梁成建賜名永通明初

移建於州西三十里造船十二兩岸置木柱十二維以鐵纜草纜

各二更名永甯

國朝康熙十三年靖逆侯張勇因用兵輓運芻糧仍移城西北五里

乾隆十六年知州程鵬遠復移建州西二里西巖山下置鐵纜二

百尺兩岸固以石隄

明郡人曹英永甯橋記臨洮古西羌之地當雍州之尾洮河去郡西三里許其源出自西

傾山經常麓首石峽泛三岔浮卧龍演池眾流而北入黃河按圖誌自秦而東為關陝之通衢自鞏而南為巴蜀之咽喉自皋蘭而

河湟又西涼之衝要豈偏州下邑利害止於一方者可比哉雖有

奔駛蕩然無存人立沙頭對面如千里隔往往濟之以舟楫偶一

失御人畜已葬于魚腹中矣利害所關莫此為甚去年己亥秋九

月大雨奔瀆滋甚太守張公宗器焦心勞思而推賢薦能若弗遑

府判郭君克振府推陳君大用哀憫元元而經營措置若未遑縣尹張君彥明職任所關而騰戢獻策若不及僉謂克襄厥事非敢守黃侯則莫可侯名琥字瑩之江西豐城詩禮之鉅族也發身科

第游藝賢關心存愛民志在經濟慨然身任其責而弗辭意謂禦
災捍患如拯溺救焚非建永圖徒勞人耳遂殫心思審地形視水
勢鳩材工始於岸西堅木爲柵土石堅築以固其址次於岸東穿
水爲籠累石貫灰以高其隄舊架梁者小舟四五則益之以石二
巨艘舊繫舟者鐵鎖百尺則增之以八十餘丈麻纜草纜各倍其
數板檻鉤接橫互彌望役大而費省功成而利溥近而耕鑿樵木
之所出入遠而輪蹄冠蓋之往來以至軍需之轉輸商旅之懋遷隨
不是過也橋旣成尙慮夫水潦時集朝觸暮蓄久而弗固每舟更
置水夫卯人責其時加葺理冀其奔斯不突驚湍不溢悠久而無
虞岸之東豎以坊門書其扁曰永甯橋橋之北立以神祠題其額
曰河神廟自昔守令厯數百年未能備者侯兼備於期月之間視
古揆今其有功德博大宏遠於人也可見矣噫古之人有功於一
方則一方之人心不能忘有功于天下後世則天下後世之人心
不能忘若侯則有功於洮陽矣而洮陽之人心豈能忘侯哉武守
茲土其惠愛之實見於今日者如此他日居大位行大道推此心
以濟天下其功用又當何如耶橋之成實成化庚子夏四月望日
太守率僚屬行隄上爲之宴飲屬筆於英辭弗獲遂記之
俾刻石岸左 胡繼宗重修永甯浮橋記是橋創於宋賜名曰永
通修於國初更名曰永甯洮自西傾至郡數百里矣其水迅而深
其渡回而淵非舟不可以爲梁而柱以維舟纜以引舟梁以達舟
者咸視舟以爲準初造之也苟非其人不可以爲故事則以爲官程
而舟與梁柱與纜未必皆如法每爲秋水春擊橋不能存者屢矣
嗟乎豈橋之罪哉開封張侯治政年餘庶事畢舉百務咸集政通

甘肅新通志

卷九

輿地志 關梁

六

人和賦平訟理每臨洮許見是橋易激而難建也日徘徊其處而
審度之曰非厚何載非重曷乘非堅曷固非深曷力而又謀諸臨
洮萬戶閫子濟武萬戶曰公留心是橋洮軍民其不病涉哉而又
論諸狄道令尹桂子紅令尹曰公加意是橋洮士民其不以渡爲
虞哉乃於丁未之秋鳩工集材撤而新之侯以橋通河湟周行也
郡豈無橋具謂斬人曰舟必固弗固弗造謂治人曰柱必重弗重
弗鑪謂爐人曰纜必緻弗緻弗貫謂梓人曰渠必力弗力弗布而
費罔計也諸工受命唯謹謂督工者義官趙梓曰皆橋也吾欲吾
橋必如垂虹必如浮鼉諸吏受命唯謹乃造舟十有二柱四纜二
十有四梁三十有六越月而橋成侯以川有神也舟行者必告言
必利涉蓋建洮神祠以主而司是橋惟洮之洵惟神殺之惟渡之
險惟神平之惟是橋惟神是祐舟不使仄柱不使蝕纜不使蠹梁
不使傾而昔以爲鑿歲以爲麻則神之惠也越旬而祠成經行者
日往非無橋不能當洮之洵如往往不克渡何橋非不建橋不足
恃如往往被溺何而况渡人利其橋之易春擊也欲倚渡爲市而
低昂渡之者之值故舟隙不以舵柱拔不以培纜促不以加梁蔽
不以易而於水洶不告之郡暫撤之侯水平復繫之而任其奮激
今獲是橋而工之固洮不永有賴哉嗟乎今守令視橋梁爲瑣事
多不理頃見渭北有二渡渡有橋其徑民輸財以修其道官取財
以修每十月民橋修必先官橋修必後每四月民橋敝必後官橋
敝必先聞張侯是橋之堅之美顧不抱愧哉侯嘗遇旱憂形於色
乃懇告風雨山川之神五日雨十日大雨神應公如響斯橋與嗣
之所以建而民頌之也侯嘗建邑北畿矣其政思其教洽予時總
理河道廉其治行甲他邑與畿內及齊梁諸吏並舉之尋擢省郎

茲守洮而又以嚴明廉貞爲隴西良二千石其所造詣固不量而予與有榮矣是橋成洮郡請於都御史謝公公曰修是而如法事舉祀如國典焉夫建是橋創是祠皆所以爲民也盡力於橋至矣託庇於神極矣侯何懃懃懇懇必欲其垂久若是耶惠而知爲政循而知爲守今見張侯矣侯名鵬翼虞城人嘉靖己丑進士也國朝程鵬遠重修河隄橋纜記永甯橋者何因狄之城西門名以名也橋建自有宋志載永通後易今名者惟水患甯乃通人濟也其永永保艾之意一也狄州卽臨洮郡地洮水繞城西北之劉家峽會諸水入黃河夫其源出吐谷道出西傾經千餘里奔注狄境洮之洶也雷轟然流之迅也電激然天險長塹亦作是觀前人所言諒哉獨計東達鞏昌西抵河湟南通洮岷皇華古道舍此無別徑蓋匪直洮人士之往來要津也每當春夏瀰漫秋水方至冬水方合兩岸風沙雞聲茅店悵一葦兮難杭渺千里兮對面民之病涉詎不劇與此橋相傳宋郡人白衣進士梁城於熙甯間捐金舟廢者亦屢矣概約隨水之大小遷徙無常所以致其衝圯野渡舟橫其畏捐費而因循者更無論也於戲浮橋也而浮視之尙克永年者幾希衛濤軌於匏葉鄭翹足於乘輿洮之爲狄利亦爲狄病者惡可忘前事勿省乃成辛未夏余用倡捐鳩工相度水勢擇地於永甯門之上游與西岩寺對境創築馬頭二座爲紉纜回旋地其鐵纜若干尋丈暨舟梁木楹一一如舊制間又式廓焉是役也僚佐共襄士民更多踴躍樂效鄉先生梁城者越明年功將次就竣州人籲請勒珉余唯枉梁之設或壘石或架木甚或懸經大抵

甘肅新通志

卷九

輿地志 關梁

東南居多然詩不云造舟爲梁又曰涉渭爲亂皆雍州以西事故若杜預若崔亮民至今頌利濟是以人傳也後之君子嗣而葺之庶永甯當其實貽億萬年無疆休哉是爲記時乾隆十七年也吳鎮詩永甯橋下浪花平人在長虹背上行十二松舟雙鐵纜恨無杯酒祀梁城

〔宏濟橋〕在州西北一百三十里洞子溝洮河上爲蘭河二州通道萬曆中建用船十二闊四十餘丈冬撤春建今廢

〔長濟橋〕在州東五里東峪河上明萬曆三年建今廢

〔太白橋〕在州北十里著家溝道光五年創建

〔小白崖渡〕在沙泥州判境舊漢回分管光緒二十四年以小白崖爲漢民渡唐汪川爲回民渡口

渭源縣

〔分水嶺關〕在縣西十五里分水嶺上自嶺以西之水悉入洮以東

之水悉入渭置關於此爲入府孔道州境之襟要也

慶平堡在縣西北三十里宋熙寧五年置金改為鎮府志在州西北有垣牆常繕治之可以避兵狄道圖說慶平鎮一名翠岩鋪明晚秋涼露落丹楓馬頭雁陣吳壇翠岩鋪詩水繞山迴一徑通衝雲去不寄音書過嶺東

乞神平堡在縣西南宋熙寧五年王韶擊降番部所城

霸陵橋在縣南門外清源河同治十一年建

永濟橋在縣西四十里官堡即官堡大橋光緒十二年重建

渭橋在縣東五里明天啟五年建今有遺址

鐵谷河橋在縣東十五里通順橋在縣西十里按採訪有永安橋光緒八年建高橋俱未詳所在

靖遠縣

烏蘭關在縣西南一百二十里烏蘭山上宋元符元年建初名通會後改會甯金大定八年改為會安今稱烏蘭關

甘肅新通志

卷九

輿地志 關梁

六

西關門在縣西五里蓋前代依山河為城建此以防禦奸宄者也地當皋金安會往來四達之衝又縣東有東關門

裴家堡在縣東北一百二十里萬曆元年建於分水嶺城周一百七十五丈後以無水改建於裴家溝

水泉堡在縣北九十里萬曆四十年修城周一里二百步壁立山

嘴四面天險明呂大用建設水泉堡碑記先是萬曆初以水泉近永安當黃沙紅溝鎮黃等衝用築哨馬營伏軍五十

亦古時守戍意迄庚子歲賴我皇上天威掃空松穴於是北通甘涼西達洮靖東接固原尋為三鎮通衢冠蓋駐節旗盾即次兵饑之飛運星轉邊商之蟻穰蜂熙咸於此假道託宿迎送奔馳者苦無甯日本道遂徙迭烈陡城二軍以實之夫以扼要之地而彈丸

若是何以捍禦士卒收攝兵饗向者參戎趙公維翰目擊其事因白知同知呂公恆遂議所居之軍士不足以當往來之冗繁且露居野處者大為不便共矢訐謨會道呈院乃可其議即下檄命軍吳登泰用動大眾督其事操守趙率性日夜經營備粟米犒軍

夫擴其舊趾崇其基勢外則崇墉峻堞內則堂皇室廡以及綽蹕環開擇舍樓閣崔如翼如於公家儲侍金錢之費無幾凡前之節次轉熙者可恃以有待也是役也鳩工於壬子之秋落成於癸丑之夏道憲岳公創其基周公竟其緒若二公者其亦可以抒我聖

天子西顧
之憂矣

〔索橋堡〕在縣哈思吉堡西十五里萬曆二十九年建於河東名鐵鎖關其河西之堡則四十二年建

〔興靖堡〕在縣南八十五里乾隆二十八年建

〔烏蘭橋〕在縣西五里〔方輿紀要〕唐元和間吐蕃賂朔方帥王佖并力成橋自是朔方禦寇不暇

〔不意橋〕在城東門外里許乾隆初建

〔苦水河橋〕在縣北三里明正統二年都指揮房貴建後廢

〔莎橋〕在迭烈遜明隆慶初創設船橋通涼莊路

〔官渡三〕一在縣西十里和保口一在西北五里紅嘴子一在索橋

河州

積石關在州西北一百二十里即隋臨津關東去積石山五十里明置茶馬司於河州此為市易處置軍防守州西六十里曰石嘴

甘肅新通志

卷九

輿地志 關梁

九

關有邊榨一閘門一七十里曰采只把關有石榨一曰莫泥關曰

〔亂藏關〕八十里曰天峽關有石榨一九十里曰五台關有石榨一

曰紅崖關石榨一閘門一曰老鴉關在亂藏之南又一百二十里

曰樊家峽關一百五十里曰霍家峽關石榨各一州南六十里曰

〔船板嶺關〕七十里曰槐樹關有閘門一八十里曰陡石關有邊榨

一曰喬家岔關曰恩把思關九十里曰西兒關一百四十里曰天

馬家灘關邊榨一一百六十里曰小馬家灘關二百一十里曰麻

山關二百四十里曰俺隴關州東南七十里曰牙塘關州西南六

十里曰王門關有閘門一八十里曰沙麻關林麓控隘足以守禦

自此西行至嶺西其地益高與西域相出入元遣都寔訪河源路

出於此以上二十四關為防番要隘均俱設官分守

賈德堡冊說西至老鴉關九十里又四至歸德堡三百里又西至

開門番帳草地界八十里

南川寨九域志熙甯七年置在州南四十里宋志初置南山堡尋

改爲寨元符二年羌酋鬼章城洮州以居引兵攻宋之南川寨卽

此金因之元廢舊志在州西南七十里府志明河州衛轄千里屯

永泉坪安遠坡古城四寨

國朝吳嶽安遠坡望白石山詩驅馬經袍罕穠花滿目斑忽驚千古雪逸挂

萬重山霧暗甯河驛天高積石關東流無限水日夜自潺湲

安疆砦在州西宋志舊當標城崇甯二年收復改名東至來同堡

三十五里西至通津堡五十里南至循化城一百一十里北至黃

河十里今廢

東谷堡在州東南唐會昌四年吐蕃叛將論恐熱攻鄯州爲尙婢

婢所拒退保東谷婢婢爲木柵圍之絕其水源恐熱突圍走保薄

寒山眾皆降於婢婢九域志熙甯七年置東谷堡在州東南十五

甘肅新通志

卷九

輿地志 關梁

三

里今廢

閣精堡九域志熙甯八年置在州西南十五里宋志作閣精堡又

元豐三年置西原北河二堡今皆廢

順通堡在州西宋志屬積石軍宋置東至臨湫堡十二里西至本

軍十八里南至臨湫堡界二十五里北至樂州懷和砦界十二里

又臨湫堡東至廓州界五十里西至順通堡界十二里南至把撈

公原界約六十里北至黃河十五里以上諸堡今皆廢

景古城在州東南一百二十里明萬曆十八年火酋內犯常添設

守備於此

雙城堡在州南龍溝堡在州西南及馬灘陡吹麻千臺觀等共十

堡皆隸河州營

俺哥堡在州北五十里又定羌堡在州北一百里及和政甯川長

甯韓家伊家吹麻黑石山高陵山紅土坡等共十堡皆轄於河州

甯河塞在州東南

明解縉甯河城詩甯河城頭百丈湧瀉下通明五色虹若到關頭應駐馬下瓢一飲醉春風

摺橋在州東十里大夏河上兩岸禹鑿石蹟尙存

洩湖橋在州東三十里大夏河上相傳禹未疏鑿時州境皆湖自

禹導水入黃河因名

甯河橋在甯河城下今廢歲修木橋

天夏橋在州南三里共五十六空水泛漲多衝沒今改立木橋每

歲官爲修理

明王竑詩長橋一里跨長河宛若長虹飲碧波泊岸兼葭秋未老歸家旅客暮偏多漁翁日晚猶垂釣關

吏時清不枕戈我亦昔年題柱後叨承駟馬屢經過

永濟橋在州西一里成化二十二年建又通濟橋在州南門外

銀川橋在州四十里今廢

宏濟橋在州東九十里圃子溝口下通蘭州路久廢康熙四十二

甘肅新通志

卷九

輿地志 關梁

三

年河廳郭朝佐知州王全臣設船一隻

漣漪橋今廢

明王竑詩日月溪頭欲放狂故教橫木駕津梁微風乍起波紋細驟雨初晴水氣涼幾度經過分野色有時來往踏秋霜此生喜得真休趣翻笑當年著甚忙

郭鴻熙詩行行至橋邊瑩然豁心目月影度中流照見穀紋綠此地無風波

黃河上渡在州積石關通西甯路明設官船一水夫二十名後廢

黃河下渡在州刺麻川蓮花寨通莊浪路明設官船一水夫六名

後廢

國朝康熙四十五年知州王全臣復於蓮花哈腦黑城潘家四渡設

舟各一

平涼府

平涼縣

通稍關在縣東五里明時平涼衛軍戍守

峽石鎮在縣西舊志府西又有歸化堡唐貞元十四年建歸化堡
軍亂涇原節度使劉昌討定之元和中涇原節度使王潛自原州
踰峽石鎮敗敵軍築歸化潘原二壘是也冊說今府北六十里有
潘原澗近時守禦處蓋卽故潘原壘矣

安國鎮在縣西四十里唐貞元七年劉昌築胡谷堡改名彰義堡
九域志平涼縣有安國耀武二鎮金屬化平縣通志安國鎮在府
西三十里鎮西有古城疑卽彰義舊堡後改爲安國或曰安國卽
胡谷之譌四達衝途實爲要鎮今重築新堡與郿現白水花三鎮
俱集商旅

虎山墩在縣北五里下瞰府城最爲要隘又交龍口墩在大蘆河
原上南去虎山十五里施家嶺墩在小蘆河原上皆爲要隘
太平橋在縣東關跨壕池一名清平橋

甘肅新通志

卷九

輿地志 關梁

三

乘風橋在縣東二里跨湫谷水又名湫谷橋宋太守蔡挺建

通濟橋在縣東五十里郿現鎮

涇河橋在縣西五里跨涇水

橫河橋在縣西二十里跨橫水

華亭縣

三鄉鎮在縣東南八十里其地有三鄉川故名九域志華亭縣有

黃石河一鎮又有鐵冶銅場鹽場茶場

策底鎮堡在縣北十五里古名柴底

南河橋在縣東二里跨南河

北河橋在縣北三里跨北河

靜甯州

得勝砦在州東北九域志天聖六年置得勝砦在軍西北八十里

領開遠一堡宋史康定二年趙元昊謀寇渭州韓琦使任福將兵自懷遠城趨得勝砦至羊牧隆城出敵後城砦相間纔四十里道近饑便據險設伏待其情歸邀擊之是也

〔中安堡〕九域志在州西三十五里慶歷三年置金志屬水洛縣又宋志〔水洛城〕領〔王家城石門堡〕又〔治平砦〕領〔牧龍堡〕

〔高家堡〕在州西四十五里舊為戍守處置遞運所又明成化五年知州靳善令州民屯軍復修古堡五十一宏治十四年知州閻重增修五十七州境之堡共一百有八

〔甜水橋〕在州西南四里跨甜水

〔苦水橋〕在州西五里跨苦水

〔若有河橋〕在州北五里

隆德縣

甘肅新通志

卷九

輿地志 關梁

三五

〔六盤關砦〕在縣東北六盤山上與固原華亭分界唐元宗時破吐蕃於此宋韓魏公置砦戍守元世祖避暑駐蹕焉今立牌坊曰隴干鎖鑰

〔神林堡〕在縣西四十里古設大使乾隆時置遞運所又縣西南二十里〔轉嘴堡〕縣南十里〔石岳堡〕縣北三十里〔單樹堡〕縣西北五十里〔新店堡〕及店子堡八十里〔將臺堡〕一百里〔邵二堡〕一百五十里〔韓狗兒堡〕一百七十里〔張文才堡〕一百五十里〔蒙宣堡〕

〔清水橋〕在縣東三里跨清水

〔賀貴橋〕在縣東三里

〔底堡河橋〕在縣西南三里跨底堡水

縣丞 駐莊 浪

〔達舍堡〕在城東二十里張川堡在城西二十里皆宋金時舊置又

曹發鎮在城北三十里有市

固原直隸州

蕭關在州東南鎮原縣西華亭縣西北關中四關之一也漢書文帝十四年匈奴入朝那蕭關景帝三年吳王濞反書言燕王北定代雲中博胡眾入蕭關走長安元鼎間武帝幸雍踰隴登空同出蕭關獵新秦中元豐四年復幸雍通回中道遂出蕭關唐久視初以魏元中為蕭關道大總管以備突獫天寶十五載太子按軍平涼議出蕭關趨豐安曰靈州我之關中也大中三年吐蕃以秦原安樂三州及原州之蕭關石門驛藏制勝石峽木峽六盤等七關來降五年白敏中帥邠甯平党項乃規蕭關通靈武道舊唐志高宗時嘗置地隄縣於此神龍初別置蕭關縣而地隄縣廢元和志蕭關故城在平高縣東南三十里即漢蕭關城也史記正義蕭關

甘肅新通志

卷九

輿地志 關梁

三

今日隴山關明初徐達由靜甯隆德至蕭關遂取平涼嘉靖中築城峽口今廢自秦漢以來為華戎之大限襟帶西涼咽喉靈武北面之險也今俗名三關口其峽曰金佛峽陡壁迎面泐峭壁奔流山容水韻等字唐陶翰出蕭關懷古詩驅馬擊長劍行役至蕭關悠悠五原上永眺關河前北虜三十萬此中常控就秦城互宇宙漢帝理旌旃刁斗鳴不息羽書日夜傳五軍計莫連慘然寒苦奏懷我式微篇更悲秦樓月夜夜出胡天國朝高觀鯉詩留侯營漢邑即此亦關中鳳關連雲起龍河入望通悲風嘶牧馬急雪斷征鴻千古干戈地應憐百戰功

互亭關在州南後漢建武八年隗囂悉眾攻來歙於略陽使牛邯軍互亭以拒援軍郡國志烏氏縣有互亭晉太元十二年苻登與姚萇相持軍於互亭元興初魏主珪遣拓跋遵襲沒奕干於高平沒奕干奔秦州魏軍追至互亭而還唐至德元年肅宗幸靈武牧馬於互亭元和志互亭故關在平高縣南七十里即隴山北陲隗

器使牛部守處宋建炎四年金人陷涇原經略使劉琦退屯瓦亭
金人遂取渭州鎮戎軍吳玠與金兵戰瓦亭皆此州志關在州南
九十里册說年營子在州南六十里卽牛部營處

木峽關在州西南接鎮原界亦隴山之口也北史後魏永熙二年
宇文泰討侯莫陳悅於水洛城至原州眾軍畢集遂引兵上隴出
木峽關隋書開皇二年突厥縱兵出木峽石門兩道入寇武威六
水金城上郡宏化咸安六畜咸盡元和志木峽關在平高縣西南
四十里寰宇記關在平高縣西南頽沙石上

石峽關在州境隴山之口新唐志原州境有石門驛藏獨勝石峽
宋靖等關並木峽六盤爲七關

羣牧所在州西二十里明置屬行太僕寺成化三年寇犯固原官
軍拒之不克寇遂屯牧所城外堆陷開城縣殺掠甚眾是也

甘肅新通志

卷十

輿地志 關梁

三

定川砦在州西北二十五里九域志鎮戎軍有定川砦慶曆二年
置宋史趙元昊寇鎮戎軍渭州葛懷敏禦之於定川砦賊毀橋斷
其歸路四面圍之懷敏突圍走至城濠路已斷死之元昊遂乘勝
直抵渭州是也

懷遠砦在州南亦曰懷遠城宋史明道二年鎮戎軍新修亦藁城
賜名懷遠慶曆初趙元昊寇渭州逼懷遠城是也後屬德順州

摧沙堡在州西北唐書廣德二年僕固懷恩合回紇吐蕃自朔方
南犯河西節度使楊志烈遣監軍柏文達攻靈武以救京師文達
擊摧沙堡靈武皆下之進攻靈州懷恩聞之引還朔方大曆中元
載言吐蕃戍摧沙堡蓋原州要地也貞元二年李晟又遣野詩良
輔自鳳翔襲破吐蕃於此

土黎樹堡在州東南貞元二年吐蕃將劫盟先請盟於土黎樹神

策將馬有麟奏土黎樹多險阻恐吐蕃設伏兵不如平涼川坦夷因定盟於平涼川是也

開遠堡在州東南六十里宋熙甯四年置明為開元堡屬固原衛天灣川堡在州西南三十里明肅藩牧地萬曆四十年建築土城周二里高二丈設防軍

黑水苑堡在州西北一百里亦謂之黑水口明嘉靖十九年套寇犯固原引還邊將周尙文邀敗之於此

響石溝堡在州北下馬關東其北為萌城驛與甯夏境章州鹽池接界固原東北之門戶也

乾鹽池堡在西安所與靖遠分界為州境設險處城周四里即宋

崇甯開所建之定戎堡也

明楊鼎建設乾鹽池堡碑記定戎砦一名乾鹽池地志不載其詳無從考證平

舊壘中得前人所作定戎砦詩鐫始知其名也其地東通西安州西通打喇赤南通會甯縣北通甯夏豈宋禦夏致此砦始隸乎夏

甘肅新通志

卷九

輿地志 關梁

三六

與元廢不治我國朝取其水草利澤止作司牧之所北夷剽掠經此出沒賈緊關要地不可無兵守鎮以揚天威於沙漠也粵成化辛卯歲僉憲楊君冕籌畫此策潛消虜迹移兵屯此掘隍成壘事未卒成越九載乙亥虜復由此入寇歲庚子夏憲副王君繼備呈其狀巡撫阮公勤善楊君所謀擬移兵鎮之乃曰必須相察以驗可否入冬始歷覽邊鄙豁心舒目行視故城遺址遠新城一里許廣平宏廠諸泉互湧信可仍其舊公曰事貴由舊何必改作矧此規模壯麗土疆墳衍前指後畫公志先定詢謀僉同卒更其初議及公歸謀諸鎮守太監歐公賢都督白公玘眾議相符皆忻然大舉共樂為贊襄遂表陳其所以皇上明鑒萬里切於求治納公嘉謀詔特允之於是公自度量稱才授任分工責成士卒爭先趨赴不怠歲辛丑兵憲翟君廷蕙適至綱維厥務百事維新功克以濟總厥功者指揮使劉瑞分厥任者本所暨諸郡指揮朱勇等增盈故垣五百有奇崇高四尋加厚三尺浚隍高堞氣象雄壯南建虛樓以快登望因名定邊出入二關東曰鎮夷西曰服虜志在柔遠以揚聲教至若神祠官廡倉場營舍咸飭宏廠經始于辛丑年二月落成于是年八月未踰半載告厥成功眾咸謂是不可以無紀翟君遣使求余為記夫伯鯨作城以居眾古制也今興已廢之跡創未有之業願識見目力用心何如斯固難矣詳此地山圍平原勢若天塹非惟墳壤可築可朽便於修理亦且可耕可鑿可樵可牧裕於屯守人被六氣之用家獲作鹹之利是因民之所利而利之故民遷也如歸市然則公之是舉也既稱情乎時制又壯觀乎國家利在生民勳昭天壤又烏可泯而不傳乎故詳書以著其建作之始俾來者有考焉

楊守禮詩送危人力倦駐節乾鹽池

馬屯雲障孤燈照酒厄賦吟詩積帙多
慮鬢成絲寄興長安客炎寒祇自知

李俊堡在州西一百七十里其地亦曰李俊溝亦曰酸棗溝相近
有莽金佛溝木頭溝皆明天順中官軍討滿四時分道進兵處也
永安橋在州南門外二百步

平遠縣

章州堡在縣北四十里夏元昊築宋嘉祐六年夏人改章州監軍
司馬祥祐軍後改靜塞軍元廢明宏治間巡撫王珣重築城周二
里

國朝康熙十四年五月提督陳福遣兵復惠安章州六月將軍畢力
克圖追賊於章州勝之

百馬城堡在縣東南一百九十里古撒都地土城周五里高二丈
明嘉靖四年總督楊一清築城東北塹山增築關城轄民堡五墩

甘肅新通志

卷九

輿地志 關梁

三

臺一十九座今廢又堡東二十里圓兒城三十里磚兒城均有遺
址尚存

鎮戎所在縣東一百五十里即葫蘆峽土城周二里高三丈成化
九年馬文升重修嘉靖三年增築轄墩臺十九座今名李旺東堡

平遠所在縣城西南七十里即古豫望城周五里三分高闊各二
丈三尺明宏治十四年總督秦竑題設千戶所轄墩臺二十四座

山產煤炭民以為利地無井泉蓄潦水供飲明石茂華宿平虜所
詩城名預望自何時

同心城在縣西一百二十里舊名半角城明宏治間重修周二里
半嘉靖十三年王縉與指揮田國破套虜於此

國朝順治二年提督馬甯斬敵將洪大浩於半角城同治十三年始
駐巡檢

海城縣

石門關在縣南一百一十里卽石城也隋開皇二年突厥自木峽石門兩道入寇唐元和三年沙陀朱邪執宜自甘州謀歸唐循烏德健山而東吐蕃追之沙陀自洮水轉戰至石門詣靈州降宋志懷德軍有石門堡故石門峽東塔子嘴元符元年建築賜名開成化四年固原所土達滿四據石城叛發三鎮兵討平之遂夷石城卽此州志州北九十里須彌山上有古寺松柏鬱然卽古石門關遺址按採訪冊石門三面峭壁惟東南一徑可登山天梯石棧懸絕深阻城今毀而險猶存明馬文升石城紀略云殘元部落把丹者仕平涼爲萬戶太祖兵至歸附授平涼衛正千戶部落散處開城等縣正統丁亥把丹孫滿四等倡謀從北虜叛入石城乃命右副都御史嘉興項忠爲總督鎮守陝西太監劉祥爲監督涼州副總兵劉玉爲總兵統京營並甘涼兵五萬往討其時文升以南京大理卿服闋陞右副都御史巡撫陝西協剿我軍奮勇賊遂大敗斬首七千六百有奇俘獲二千六百生擒滿四至軍前城中復立平涼衛達官火敬爲主陽虎狸家口合認給還其生擒賊千餘斬八百餘擇留滿四馬驢南斗火鎮撫等二名並滿四妻解

甘肅新通志

卷九

輿地志 關梁

三

京俱伏誅其未殄土達令其本分耕牧石城北添所固原千戶所改衛復添兵備僉事一員國朝吳鎮詩峻嶺牛羊下空山草木平自從擒滿四間卻石頭城同知朱亨衍望石城有感詩七道攻圍日三軍此住戈繡旗春浪捲鐵騎夜星羅妖鏡終朝暗豐碑四面多可憐天險地甌脫欲如何

西安所在縣西四十里卽故西安州山水雄峻爲海刺形勢之最土城周六里高三丈明爲楚藩牧地成化五年巡撫馬文升建守禦千戶所轄墩臺二十一座境外鎖黃川長流水俱係要隘之區

國朝朱美燮過西安所詩萬頃田荒稼穡功塵揚紫陌起淩風漁樵不到山溪寂雞犬無聞里巷空誰惜柳飛前度碧可憐花似舊時紅何當再睹蕃昌會撲地闔閭樂利同

鄭旂堡在縣東七十里四面皆山爲固海孔道堡廢亂後回民遂居之

楊郎中堡明時沐府賜地在縣東南一百六十里與固原分界處按之方域則爲固原甌脫以南北均屬州轄此堡屬縣乃平固通

甯夏孔道堡廢漢民居之

〔新堡子〕在縣西北一百二十里西爲打拉界與會甯黃家凹相接東通甯靈胭脂川及中衛党家水正北則爲甯靈之長流水固原極邊甯蘭要道漢民居之

〔關橋堡〕在縣北六十里東南北三面近水東北近石峽口爲南北往來通衢堡廢回民居之縣境共堡五十有六其縣南之新營堡陳家堡等爲尤要

〔牌樓山橋〕在縣東南六里土築長十丈寬四尺爲靖固通衢同治時傾圮光緒八年知縣陳日新重修

〔紅古堡橋〕在縣東北一百二十里土築長十有五丈爲甯固要道光緒六年五月山水暴漲沖去知縣陳日新重修

縣丞駐打拉池

甘肅新通志

卷九

輿地志 關梁

三九

〔石橋關〕在城東六十五里僅通騎行爲海城驛道

化平川直隸廳

〔制勝關〕在廳東南舊屬華亭新唐志原州有制勝關爲七關之一控帶隴山以西之路卽此舊號大振門宋慶厯中改爲關照甯七年徙安化縣治此管沿坡小寨二十五處

〔白岩河鎮〕在廳東南舊屬華亭縣九域志安化縣有安化白岩河二鎮安化卽宋初故縣金因之後魏於金縣西北六十里置大會鎮卽今大會城

趙龍峽在廳北四十里

〔頭道卡〕在廳西北三十五里二道卡在西北三十里同治九年設安插回民

〔北面河橋〕在廳南三十里

雙橋在廳西北三十里

涇州直隸州

圪塔關在州東十里一名金家凹

路承堡在州東南晉太元十六年苻登自新平攻安定爲姚萇所敗登退據路承堡胡氏通鑑注路承人姓名喪亂時創築此堡因以名焉

連雲堡在州西舊唐吐蕃傳貞元三年攻陷連雲堡四年劉昌始修復之堡三面峻峭惟北面連平原以濠爲固涇州西要地也

高家凹堡在州東四十五里土城周二里高二丈東西二門又二十里爲榆林堡舊志自榆林堡至高家凹明嘉靖中調平涼衛軍防守

瓦雲堡在州東五十五里城周二里高二丈明置驛於此

甘肅新通志

卷九

輿地志 關梁

三

窰店鎮堡在州東七十里大城周九十丈高二丈與長武縣接界爲甘省東來之首鎮

荔家堡在州東北五十里

王村堡在州西三十里城周一里五分高一丈五尺爲東西孔道党原鎮在州西北三十里其南屬鎮原又豐臺鎮在州東北三十里玉都廟鎮在州北三十五里

盤口鎮在州南二十里盤口河北岸有市

泃水橋在州西北二里木橋也名曰官橋每年夏水發拆去霜降後復修

滄水橋在州西南一里許久廢乾隆時修復

涇河渡在回山陰冬春設板橋又川口橋在治東北赴荔鎮要道亦設板橋

崇信縣

〔三鄉關〕在縣西南與華亭安東衛相間係華隴孔道

〔九工堡〕在縣東十里北山之麓卽故九工城初欲建城於此築九堵而罷故名

〔銅城〕在縣西四十里卽宋置銅城軍處亦邑之險隘也

〔新安堡〕在縣南四十里卽古赤城昔秦始皇獵至此築城駐蹕城高溝深可以避兵今作堡

〔木林鎮〕在縣東南三十里閒日成市盈闐帶闐頗形繁富

〔崇遠堡〕界隴州爲衝地

〔汭水橋〕一在縣城東五里跨汭水一在十五里王家河灣一在城北里許梁家坡一在城西二十里臨汭堡

鎮原縣

甘肅新通志

卷九

輿地志 關梁

三

〔開邊寨〕在縣西南二十里宋咸平元年置熙甯二年廢新門寨入之又安平寨在縣西八十里天聖五年置後因之

〔新城鎮〕在縣西七十里九域志乾興元年以慶州柳泉新城二鎮

隸原州熙甯三年廢截原若入之縣志新城鎮控太盧川路

〔柳泉鎮〕在縣西北七十里舊名鵝鴿原宋慶曆中置西卽熟戶明

珠滅藏康奴等族北綏甯砦

〔屯子鎮〕在縣東五十里卽明雙屯里又東有高平第一城隗囂將高浚所據處

〔蕭金鎮〕在縣東一百二十里卽宋蕭鎮

〔太平鎮〕在縣東北六十里

〔孟壩鎮〕在縣北五十里卽宋西壕鎮

〔馬渠鎮〕在縣西北九十里卽明馬村里

平泉鎮在縣西南四十里卽明平泉里

瓦窰坡鎮在縣南五十里卽明堡甯里

靈臺縣

邵寨鎮在縣東五十里金志靈臺縣有邵砦鎮自邠州割屬

柳家鋪在縣西北二十里

百里鎮在縣西亦曰百里城唐大曆八年吐蕃入寇郭子儀使渾城將兵趨朝那吐蕃至百里城而還卽此

來薰橋在縣南

西屯橋在縣西三十里

棲鳳橋在縣西五十五里細川水經其下南接麟遊縣境

仰彌橋在縣西北五十里

鞏昌府

甘肅新通志

卷九

輿地志 關梁

三

隴西縣

首陽關在縣西南四十里首陽山與渭源縣接界今日首陽鎮

赤山關在縣東十里又藥鋪關在縣南二十里後川關在縣北二十里

錦布隘在縣北六十里其地有錦布峪因名有錦布鎮遞運所又

境內沙灣口截道深安烏龍等隘皆在縣北

天衢鎮在縣東四十五里接甯遠界

熟羊寨在縣西四十里後爲鎮又縣北二十五里有三岔堡俱宋

熙甯時置

甸子川在縣西四十里有遞運所

古渭橋在縣城北運民橋在城北七十里其地跨深安溝亦曰便

民橋又有一橋在縣北三十里跨烏龍溝二橋在縣北五十里跨

錦布峪

縣丞駐漳

箭筈山峯在城東南箭筈山上居民築以禦寇

鹽廠鎮在城南五里又三十里有三岔鎮

煙波堡在城西五十里又有紅崖鳳臺二堡

砥柱橋在城南半里又西南五里為鹽井橋又有噫虎鳳凰安峪龍馬四橋

安定縣

嶮口關在縣北四十里路通甘肅宋置關於此明置巡司今為堡河水東環秤鉤澗水泠泠西下沿北匯將臺河湍流烏龍關在縣南東西兩河間亦宋置南接隴西縣今亦曰烏龍隘舊志又有大西口雙峪口等隘

甘肅新通志

卷九

輿地志 關梁

三三

青嵐堡在縣東三十里山嶺盤曲東路屏障舊志所云晴嵐峪口即此

西鞏鎮在縣東六十里又東有龜兒嘴鎮

紅土窰在縣南六十里阻山帶河四塞為固

通安堡在縣南九十里內有長尾梁六十里嶮巖屹嶮

丙官營在縣西四十里明肅藩屯軍處一望無垠越西南之三十里葫蘆嶺萬山重疊毗連渭狄

秤鉤灣鎮在縣西北六十里通車道嶺

平西營在縣北九十里宋志地名青石峽紹聖中築即今峽口兩山壁立河水中流天然鎖鑰又宋元豐中置榆木岔殿斗坪二寨關川峽在縣北一百五十里內有馬家寨同治兵燹以前回民聚居於此安會金靖犬牙交錯之地也

永安營砦在縣西北又北有九條岔砦又東有撻子岔砦秦義砦
砦又東北有泉子砦又有姚家烽火小南岔北岔四砦

廣濟橋三一在縣東二里一在三十里一在四十里皆深澗險巖
康熙十四年靖逆侯張勇建今俱廢

廣惠橋在縣東一里今名偕樂橋

永濟橋在縣東六十里

利物橋在縣北一里又三十里永安橋六十里鎮遠橋俱廢

西土橋在縣西二十里跨西河今廢

通順橋在縣南十里又便民橋在縣南九十里俱廢

會甯縣

青家關在縣東九十里明置巡司今裁

翟家鎮在縣東四十五里又北八十里乾溝鎮郭城鎮

甘肅新通志

卷九

輿地志 關梁

三十四

舊羊營在縣西北又北有新羊營

金龍峪堡在縣北縣志環縣境土堡凡三十一明時俱有欽降式
樣器械備守禦

普濟橋在縣東四里十四里為後川橋五十里為西甯橋二橋俱
跨松樹堡河

通涉橋在青家驛西門外明天啟間建

國朝康熙中修乾隆十四年下緇甄洞

西津橋在縣西二里又西北五里為范家灣橋

郭城驛橋在驛北門外

平政橋在縣東光緒初元平慶涇固化道魏光燾令所部弁兵建

修國朝程履豐會甯平政橋頌會甯縣東平政橋者觀察魏公
憫行路之難民常病涉檄所部前營鄭公連拔新右營鄧公高
魁督率屯軍闡山通道所創建而節制左恪靖喜人人得以惠濟
為記其事而錫以嘉名也公自備兵平慶涇固政通人和百廢具

舉凡有興作悉令諸將士圖之罔勞民力諸將士亦從公踴躍共濟時艱會審非公所轄地而修橋治道無畛域之分其政之平益可想見橋成而與人交誦行旅皆願出於其塗余公屬吏也又素與諸將善不揣固陋用集昭明文選成語為之頌曰大哉惟魏秉文兼武名蓋當時功超選古勤民謹政至公至平惠露庶類政肅刑清區宇又安方內無事更練精兵屯營備比載懷矜惻世路險巇紆徐委曲涉澤求蹊緬彼行人馬煩轡殆心不遑安締構斯在爰究爰度畫地成圖率作興事勞我師徒觸澗開渠窮泉為壑崇基巖巖舒虹燦電部曲將校為士卒先此一役也業類補天自夏徂秋成之匪日經始圖終暫勞永逸仁洽兼濟兆民賴之安軌徐步蕩蕩夷夷西望玉門通驛萬里風去雨還馳道如砥塗歌邑誦茂績維嘉永不朽兮勒銘山阿

永定橋在縣西七十里宋家溝接安定東境乾隆時鞏昌府知府

王廷贊創建土橋跨澗上屢經重修俗呼王公橋建王公橋檄鞏

州秦隴孔道也坡陀峻坂險隘阻絕安定東尤迫狹危棧紆曲僅容單車旁臨不測之谿垂趾在外過者人馬掉戰喘汗盤僻一蹉跌立碎壘粉風雨時至萬山之水瞬息奔灌咫尺不可辨識舊有王公橋渡衝激傾隨時氣時潰無餘址矣古者掌固司險官不失物而澤不陂川不梁道路若塞見譏於春秋又况岩疆通驛繡衣節鉞所洩重邊將帥移防述職荒陲小夷之長質子入侍商賈仕宦南北轍迹所必經之地者哉久弗不治非特守土者之羞抑郡父老所惻然動心慄魄者也本官奉命典郡又攝觀察使義不

甘肅新通志

卷九

輿地志 關梁

三五

忍怒與方伯趙公議興復公慨然慮事量功並謂宜濬支流殺水勢以圖無窮而儲時或繼合依諸部內尚節概者本官因與士民約毋怠毋愆章城鐘樓學宮之役紀璜以捐貲進階四品去歲事也今工尤亟費尤鉅當申請大府論敘廷錫冠帶所納多寡為差卽不及格旌於其間損有餘之財樹桑梓久遠之利叨爵秩獲榮譽奚惜而不為哉行見慕義勸功矯首攘臂踴躍蕙事易畏途為坦道以便邊陲塞口上意不待備之畢矣

通渭縣

華川關在縣西八十里四圍平坦水清草茂明置安定苑於此為

牧園之所此國朝張翼儒華川芳草詩芳草自年年此川一何綺時有覽芳人况復多雲水

石遠門關在縣北四十里又閉門關在縣東南

田家峽隘在縣東五里又東北二十里為砥石峽二十五里蔡家

鋪又北二十里為談家峽又西二十里為石嘴峽縣東一百里為

金帶峽縣南有蘭家店白塔等鎮

安遠鎮在縣東南六十里九域志天裕二年置安遠砦即今鎮也

接伏羌界邑志北寺子鎮東雞川鎮西義岡鎮西北鋪路鎮明普
過安遠古城詩安遠雙城舊迹存行人至此暗銷魂停驂欲語前
朝事獨對西風日已昏王鳳雲詩安遠雙城有短牆耕夫牛與
牧童羊何人置此何人廢匹馬蕭蕭正夕陽

渭陽岩袁家峽俱在縣北二十里又府志縣有渭陽山岩堅雞四
羅波龍五岩

耆達堡在縣西南宋志通渭縣領耆達本當七麻三堡府志縣有
中林中峴等堡共二十

石峰堡在縣北六十里華陽山上四面險絕乾隆四十八年逆回
田五據為巢穴

朝陽橋在縣東百步
溉橋在縣東十五里一名苦水橋

甯遠縣

甘肅新道志

卷九

輿地志 關梁

三

大木樹關在縣東南九十里分水嶺下與禮縣接界

馬務關在縣西箭竿山下亦曰馬務鎮縣境又有水關文盈二關
太陽山隘在縣南一百二十里又魯班山隘石門山隘花隘山口

木林峽四隘俱在縣東北又視石峽隘在縣東南

來遠鎮在縣西南三十里又威遠鎮在縣東南與伏羌接界俱宋
時置

榆盤鎮在縣東北五十里縣志又有天衢鴛鴦山丹賀洛河四門

永安樂善楊家馬力坡等凡十一鎮

納泥鎮在縣西四十里接隴西界又名燕峰川

廣吳堡在縣西三十里廣吳山下縣志縣境有花厓沙園等二十
二堡

卧龍橋在縣西郭外有卧龍石形蹟俱全故名今橋已廢置船以

渡渭又西三十里廣濟橋四十里虹渡橋又西南有峽口橋
西景橋在縣西門外橫木跨塹下流入渭

小高橋在縣東二十里光緒十五年知縣賈汝謙重建

大高橋在縣南八十里又南河橋在東三十里水關橋在東南四
十里

焦家渡在縣西二十里渡漳通府

伏羌縣

槐樹關在縣東三十里槐樹嶺與秦州接界

天門隘在縣南天門山下

落門聚在縣西五十里卽落門鎮府志有小落門永甯禮辛三鎮

九域志縣西北有達隆堡慶曆五年置

關家砦尉家砦俱在縣西南五十里

甘肅新通志

卷九

輿地志 關梁

三

朱圍堡在縣西三十里四十里爲見龍堡在永甯鎮西一面倚山
三面懸崖又縣西二十里延泉洞堡二十里水新洞堡皆在石崖
之半

石峽堡在縣東三十里一面倚山三面阻水天成險峻又有黃羊
山寨二堡九域志伏羌城領得勝榆林等十一堡

窰底下橋在縣東北十里渡渭通秦安路上橋在北二里渡渭達

通渭路

國朝蔣董渭橋觀成詩初年... 帝鄉垂虹嵐影合飲馬塞沙黃極目

渭外村煙 帶夕陽

朱圍上橋在縣西二十五里又下橋在縣西二十八里俱渡渭通

甯遠路

便商橋在永甯鎮知縣曹思義建旋廢

公濟橋在縣東三十里乾隆時諸生李泮池捐建知縣楊榮裳免

近岸數十家雜役合歲幫搭建

國朝吳鎮示門人李兆甲公濟橋歌云濟橋橋下水融融濟者公

造橋者非公造橋者誰諸生李公名橋者誰邑令楊公問橋何所在乃在伏羌之城東復東輪蹄直與秦州通憶昔橋未建祇中洲之橋形如月半弓更行三十里徒涉往往歎途窮自從橋既建兩岸歡洽叟與童更築二隄橋之左隄上植柳習習來清風至今春時綠蔭接鶯啼燕語俱入畫圖中傳聞橋隄修補費歲錢仍出稅堂翁槐翁化去爾曹繼堂構播穫將毋同况聞近岸數十家曾免雜役助橋工朱罔山高清渭遠公濟之橋但願爾曹勿替前人功

中川渡在縣西五十里

西和縣

青陽峽隘在縣東南五十里又府志有屏風土橋二隘皆設險處

長道鎮在縣西北六十里接禮縣界九域志長道縣有長道故城

又府志縣境東北九十里有北石鹽關永甯大潭四鎮

湫池堡在縣東南宋置

卧龍橋在縣北九十里又白水橋在縣北大水橋在縣南又有紅

甘肅新通志

卷九

輿地志 關梁

三

嶺橋二渡橋江底河鐵鎖橋落峪河黑風橋

板橋在青陽峽一在六巷河一在紙坊鎮

岷州

石關在州東一百三十五里有關城東維秦隴西控番族天然鎖

鑰即俗名鱸魚關也

荔川寨九域志熙甯六年置在州東八十里七年置床川寨在州

東二十里閬州寨在州東一百二十里

臨江寨在州東南九域志雍熙二年屬秦州熙甯六年改屬岷州

在州南一百四十里

遮陽堡九域志熙甯七年置在州東一百里又置穀藏堡在州西

四十里十年置鐵城堡在州東八十里元祐中神誼等擊鬼章夜

濟邦金川至鐵城黎明大破之明洪武初李文忠討西番從洮州

鐵城取道而出卽此

茶埠峪寨在州東一十五里自是而東有冷落山永甯堡弄松堡三寨

紅土坡寨在州東南二十里州東南三十里為答竜溝等七寨二十五里鴉山寨四十五里野人溝六十里各路山寨八十里申都寨一百里甄塔寺寨一百二十里紅崖寨

栗林寨在州南二十里隘口二通多納栗林栗中等族四十里分水嶺隘口二通麻子川達喇等族六十五里哈答鋪寨隘口一通著藏等族八十里脚力鋪隘口二通鷺兒等族九十五里高橋寨

隘口一通葉多哈等族一百里柏陽林隘口二通雀中等族一百二十里宕昌寨九域志雍熙七年置卽古宕昌城隘口二通接馬鞍山喬家卽隆等族一百二十八里白水川隘口二通關惡七童等族一百四十

甘肅新通志

卷九

輿地志 關梁

三

五里新城子隘口二通接馬鞍山野古溝六忍等族一百六十里老鼠山寨隘口二通半哈等族

木昔寨明一統志在州西南十五里又有吳麻溝鎮羌三岔等寨章哈溝在州西南二十里隘口一通喇卽等族二十五里柏木植寨隘口一通栗林等族二十五里鹿兒壩隘口一通缺占等族

曹家寨明一統志在州西十五里又西有中寨野狐橋冷地岔二寨又城西十八里天溝砦隘口一通馬燈倉等處二十里駝駱巷寨隘口二通西南番十五里鋪隘口二通鹿兒壩細巷兒等族處

三十五里溝深寨四十六里砍卜他寨五十六里西灣壕砦六十里永甯堡寨

須須溝寨在州北三十里五十里為水磨溝砦七十里馬崖子砦一百里湫子溝砦一百二十里鎮平堡寨

梅川寨明一統志在州東北三十里又東北有酒店子普魯嶺一
砦衛志普魯寨一名木欄寨

荔川寨在州東三十里又紅崖鎮在州東一百里又良恭鎮在州
南一百八十里又馬塢鎮在州東南二百四十里

疊藏長橋在州東二里明成化二年建

國朝康熙三十六年重修同治初回變毀十年重修

茶埠峪橋在州東十五里又有梅川橋在州東北三十里

野狐橋在州西南四十里由洮入岷之路明宏治十四年建石磯
對峙長約五丈

烏麻橋在州西南十五里又十里鹿兒壩橋

腳力鋪橋在州南九十里光緒十八年創建旋廢又五里為高橋
駕空梁又桓水上有橋三疊水上有橋三

甘肅新通志

卷九

輿地志 關梁

旱

城北渡在州北一里北六十里為哈撒渡七十里中寨集渡一百
里柳林渡

龍王臺渡在州東十里二十里為蔣臺渡又滴麻渡在州西七里
洮州廳

洮州關在廳西南三十里最為要害

松嶺關在廳東三十里黑松嶺上

黑石嘴關在廳東北四十里

石嶺關在廳北十五里石嶺山上又廳北六十里羊撒關九十里
大嶺關一百四十里八角關明時俱設防又有三岔高樓二門皆
廢為堡

南路駝龍隘口納郎隘口答札隘口答哈溝隘口喇力溝隘口哈

占溝隘口共七隘南通四川疊州界

西路扯巴隘口截古哈隘口迭當隘口哈古墩隘口七十小隘口
麥藏小隘口其六隘西南通四川疊州青海路

北路官洛小隘口為藏小隘口甘不他小隘口俱通西海又邊古
壕口無邊牆有木關通青海路王八角口無邊牆有木關通火兒
藏番族又通黃河渡口最要隘也

通岷砦在廳東北宋置

舊洮州堡在廳西六十里即唐臨郡明初為衛治復移衛而東以
其地為堡南接生番西鄰川部正德時亦不刺竊據西海頻年內
犯嘉靖十八年由官洛直犯臨洮自此洮視諸邊為首衝萬曆元
年重修周二里門二又堡西十里舌爾占堡二十里惡藏堡二十
五里官洛堡又有甘不他土門等堡皆番入要路迤東有楊昇等
十二堡雖小俱係要衝今廢為民堡明朱衣賀洮岷協李將軍平番詩十萬雄兵洮水西窮簷

甘肅新通志

卷九

輿地志 關梁

聖

引領望雲霓推轂當年頗牧重登壇今日孫吳齊倂誠還憑三尺
劍閉關只用一丸泥長城鎖鑰為君寄紫誥馨香御墨題 李汶
過洮堡詩歷徧窮荒寂寞迴華夷界限目中該水光一帶激飛石
山色四圍餘碧苔時印登壇推上將據鞍草檄藉雄才大風猛土
今何在環顧空峯抱未開 國朝陳鍾秀洮州懷古孤城萬仞扼
邊陲訪古西來雨乍收三尺孤墳悲馬鬣千年遺跡弔牛頭豐碑
半沒荒苔滿故紙空存歲月修 試
上高原開極目亂山落日古洮州

定秦堡在廳東北吐蕃所築明成化時番族常攻此

劉龍溝堡在廳西番界

茶馬司在廳西南

東路堡寨扁都上店過關黑松山岔濟洮高樓黑石嘴巴截共八
處東至岷州界

南路堡寨琵琶新堡楊花舊橋張雄石旗温旗鄭旗納郎資付秦
百戶共十一處南至岷州界

西路堡寨水磨劉順白土楊永千家太平土門丁河官洛舊洮李

剛楊昇古兒占共十三處西至邊牆生番界

北路堡寨白松羊撒小嶺雙墩石廟石八角茄兒羊共八處北至河州界

鳳山橋在廳北四十里又舊橋在廳南四十里又新橋在廳南三十里明時皆置關設防東門橋在東門外又半里小河橋一里寇家橋二十里大河橋三十里黑松橋四十里古旗橋五十里莊子橋興義橋六十里邊疆橋

南門橋在南門外又廳南三十里多巴橋青石橋三十五里拉路橋四十里雲江峽橋雷舍橋五十里札那橋七車橋六十里占占橋七十里他顧橋冰固橋八十里札列橋九十里阿角橋廳西南六十里瑪札橋石匡橋七十里哈乍橋八十里鐵路溝橋卡扯橋軍路橋九十里殷家山橋工巴橋驢子橋一百里力柱橋賽樹那

甘肅新通志

卷九

輿地志 關梁

聖一

橋米力什橋一百一十里嘉定關橋米力呢橋一百二十里江纏橋

長天嶺橋在廳西三十里

羊撒橋在廳北六十里與七十里蒲峽橋八十里下河橋俱跨羊

撒河一百二十里治木橋洪家橋黃山橋俱跨治木河

洮河渡廳東武旗官等四渡俱有舟廳南巴截等十六渡惟索藏渡有舟餘俱以筏廳西南老虎灣等八渡亦以筏洋巴灘等八渡有舟廳北楸子灣渡有舟

秦州直隸州

石榴關在州南九十里

現子關俗訛為燕子關對隴川吳山大路

秦州關在州西七十里關子嶺下

國朝紀元秦關詩人隨明月到秦關樹影參差泉石間遙望

卦臺雲起處數聲雁過五峰山

高橋上關在州南一百二十里四山環拱軍興守險處也

金門山隘在州東二百二十里自小隴南望宛如吳岳有棧道通鳳縣度關要地又禾門山隘在州西南九十里接西和界即魏張郃死處

社樹坪鎮在州東五十里龜山麓南俯臨渭水木筏經其下

草川鎮在州東八十里州境又有上三十下三十二鎮

石佛鎮在州北四十里

董城鎮九域志成紀有董城道口務夕陽三鎮又天水縣有鐵冶艾蒿米谷三鎮

東柯谷鞏昌府志州境有東柯等八堡

定西砦在州西北四十五里九域志宋建隆二年置領甯西牛鞞

甘肅新通志

卷九

輿地志 關梁

三

下峽上峽注鹿圓州六堡又開寶元年置三陽砦在州北四十里領渭濱武安下蝸牛聞喜伏歸硤口照川上門四顧平戎西青赤崖湫西青遠近湫十四堡鞏昌府志州境東有沙隴頭橫河谷等十二砦西有翦子嶺鐵爐坡等八砦北有三陽川一砦東北有百頃原北稻務二砦

牡丹原在州西南與草川等砦共十有四

國朝學政陸廷黻詩春歸何處不淒迷行盡

秦州西復西幾日牡丹原上路綠陰如雨鶉鳩嘯

卓郊堡在州南三十里宋置一統志卓郊堡木樵場也下視秦州

赤谷川

東柯谷橋在州東五十里渭水上與清水縣接界

羅玉橋在西關羅玉水舊流處也橋舊有亭後因防城撤

遇仙橋在玉泉觀前其西又有通仙橋

高橋在州南一百二十里

三陽渡在州北三十里

南河渡在州東十五里渭水渡在州東五十里

秦安縣

隴城關在縣東北一百里亦曰隴城鎮卽宋隴城寨舊爲縣又有
卧馬關在縣北二十里鞏昌府志縣有躡移馬嶺二關

碧玉鎮卽閉門關在縣西北百里與通渭接界漢天水郡治平襄
在今通渭縣南三十里考其地趾卽今閉門關也通渭志亦云然
斷山口隘在縣東南斷山下又觀耳峽隘在西二十里俗訛爲確
兒峽又曜紫嶺隘在北四十里一云鶴子嶺卽曜紫之訛也

神仙嶺隘在縣北六十里與斷山觀耳曜紫爲四隘皆山谷險峻
恃爲襟要又南安峽在隴城南亦曰南安隘

甘肅新通志

卷九

輿地志 關梁

四

雞川鎮在縣西北三十里卽舊縣也

蓮花鎮在縣東蓮花川與清水縣接界又有斷山郭嘉邵店三鎮
九龍砦在縣東三十里九龍山下又縣東有乾磴砦又四十里有
高峯砦縣南三十里有剡家砦

鳴蟬堡在縣北與安陽城相近

長山堡在縣西南宋置以近長山而名

東川堡在縣東二里又有郭家堡在縣北四十里

永甯橋在縣西十里華平溝上

清水縣

大震關在縣東七十里隴山下卽隴關也憑高據險襟帶華戎自
古爲關中之襟要唐大中六年隴州防禦使薛達奉詔移築故關
上言故關僻在重岡之上苟務高深今移要會之中實堪控扼舊

絕井泉遠汲河流今臨水挾山危牆深塹克揚營壘之勢乞改爲安戎關從之由是以大震爲故關而安戎爲新關新關改築于隴山上西去故關三十里與故關並爲戍守處定戎關今日安夷關採訪冊云在縣東九十里一名散關

玉屏山隘在縣東北三十里玉屏山口又有小隴山坂坡硤石牛峽軒轅谷共五隘

白沙鎮在縣東三十里卽古秦亭晉時建鎮義熙六年赫連勃勃攻白沙卽此唐杜甫白沙渡詩畏途隨長江渡口下絕岸差池上舟楫杳窅入雲漢天寒荒野外日暮中流半我馬向北嘶山猿欲相喚山清石礧礧河白灘漫漫迥然洗愁辛多病一疏散高壁抵嶽峯洪濤越凌亂臨風獨迴首攬轡復三歎

柏家鎮在縣東六十里

盤龍鎮在縣東七十里

床穰鎮在縣西十五里牛頭山下宋開寶九年置熙甯八年改爲

甘肅新通志

卷九

輿地志 關梁

五

堡舊志云領白石古道中城東城定戎定安西城雄邊臨川德威廣武定川扶河鎮邊十四堡今多廢別有橋子盤砦任崔倒淋臘家等砦

蒸門鎮在縣北七十里秦昭王所築命白起鎮之宋改爲寨今爲鎮又弓門砦宋太平興國中築在赤城川東坡上領小砦五靜戎砦在縣西北四十里長山嶺下太平興國四年築領白榆林長山郭馬定平永固安寨長樵七砦

湯峪鎮在縣東北三十里以湯峪河而名又閻家鎮亦在縣東北冶坊堡在縣卧牛山下九域志云領古道永安博望威寨李子橋子六堡

太平監在縣西三十里小泉峽內唐開寶初置銀冶宋太平興國三年升爲太平監

華林堡在縣西三十里又縣北二十里華延堡三十里舊城堡五十里杏林堡太元堡六十里鐵石堡七十里峪麻堡又鞏昌府志縣境有茹刺等十五堡

金河橋在縣西門

銀河橋在縣東郭外

禮縣

天木樹關在縣北與甯遠伏羌接界舊志又有洮平牛春尖岔等關隘

野馬關在縣南一百二十里舊志有夾箭嶺馬槽溝隔虎谷三隘今俱未詳所在

長道鎮在縣東南三十里卽古縣與西和接界又天潭鎮在西南卽古縣

甘肅新道志

卷九

輿地志 關梁

吳

崖城鎮在縣北三十里元時備西戎處中鎮在縣北四十里

紙坊鎮在縣東南一百二十里又漩水鎮在縣西黎林鎮在西南

固城鎮在西北

紅土砦在縣東紅土山下又有高坡南丹大山保子山湫子山雷

王山簸箕灣七寨

祁山堡在縣東四十里平地突起一峰四面巖削上有武侯祠宋

明善詩卧龍扶漢室驪馬扼秦原星落干戈死山空雲鳥存昏鴻
嘯古戍秋水咽孤村愁讀出師表淒淒傷我魂 鄭存仁詩曉發
西和道暮度祁山嶺荒
臺照眼明狂風吹面冷

雷家壩在縣南有小徑可通文縣

龍鱗橋在縣南七十里

徽縣

仙人關在縣西南六十里與漢中府鳳縣接界宋吳玠吳玠敗金

人處

明楊一清詩樹外蒼雲雲外山數間茅屋又無椽旁人指點雲深處此是仙人不老關

國朝胡武詩石勢倚雲屯將軍鎖蜀門弟兄同角犄夷夏割乾坤雨洗雙匡血風招百戰魂更來千仞上立馬望中原

張伯魁詩徽州古治洞重門天險中分勢益尊永日江聲馳鐵馬連雲樹影小花村空留平地仙人迹賸有清風漱石根祇為叛兵嚴設備多挑民壯水西屯

虞關在縣西南五十里鐵山西南麓即古魚關唐置驛宋改虞關明設巡檢為蜀口往來要路

唐劉長卿虞關道中詩白水遠來入際青峰近插雲中一曲山歌樵子牛

小河關在縣西南昔時秦蜀咽喉今為小河鎮其下有泥陽水流

入嘉陵江

高橋下關在縣北一百一十里接州境舊有巡檢司今裁

木皮關在縣西南二十里大河堡下店子之南唐置關明設白水驛丞

驛丞

山石關在城東一百二十里通沔縣略陽黑河路東北通兩當後

甘肅新通志

卷九

輿地志 關梁

七

川子路

雞冠隘在縣東六十里宋曹友聞戰歿於此

永甯鎮在縣東四十里即故永甯縣

伏家鎮在縣西三十里泥陽鎮在縣西六十里皆商賈往來聚集之處

河池鎮在縣西即故縣也今謂之舊城里

栗亭鎮在縣西二十里以近栗亭故城而名

火鑽鎮在縣西北一百一十里與秦州接界又有銀杏峽口木驢

川木家賀家店等鎮

忠義橋在縣南門外又有孝廉橋在東門外通川橋在西門外環

碧橋在北門外

棧橋在羅漢洞左山臨嘉陵江鑿石架木作棧道二十丈

百八渡在大河堡下元史自白水至沔水爲渡百有八悉建橋今水小俱廢

永甯渡在永甯鎮冬則建橋

小山水渡在縣北一百七十里與秦州接界又有清江古渡白水古渡犀牛古渡

兩當縣

藍家關在縣東四十里接鳳縣境

董志峪隘在縣東二十里馮家砦在縣東四十里又有青杠坡驢峽二隘

兩當鎮在縣東卽故縣又有楊家劉家合四前川楊坪五鎮橫山砦在縣南境宋紹興中吳玠敗金人于仙人關金人遁去玠遣張彥切橫山砦卽此

甘肅新通志

卷九

輿地志 關梁

巽

天門堡在縣南天門山又有插鼓砦山賈家三堡

四卽堡在縣 二十里同治元年縣城陷後有警卽移民居此八年知縣朱閏芳略葺築之九年知縣王裕謙增修礮台以資保衛陳家堡在縣東二十里大崖寨在縣西二十里興隆寨在縣南二十里穿洞寨在縣南一百四十里王家寨在縣北五里北崖堡在縣北二十里各堡皆倚山臨谷保據形勝同治間避同亂所築也故道橋在縣東門外又河池橋在西門外又有青杠峽橋大渠橋朱市橋

郭橋在縣東七十里

階州直隸州

七防關在州東北二百八十五里卽古散關路通漢中略陽宋紹興間吳玠由七防關出祁山卽今白馬關東五里之大山岔

望賊關在州北一百七十里道出秦州爲州境險要

平定關在州西北宋時於福津縣西界置以備羌人處

石關在州西二十里青崖關在州南九十里

青閣在州東南又有赤閣牛圈閣鷓鼻閣皆爲險道

石鼓閣在州東九十里之月臺山

平樂鎮在州東北一百九十里卽古平樂縣九域志將利縣有蘭皋平樂新安東故城四鎮

安化鎮在州東北九域志福津縣有安化利亭石門角弓河口故城六鎮石門鎮在州西角弓鎮卽故角弓峪堡在州西北

楊家砦在州東北百里一名家計砦控白江月掌山路亦曰楊氏崖昔仇池楊氏之苗裔保據爲砦宋建炎紹興間吳玠兄弟相繼爲大將軍保蜀口時四川皆未有城命各擇地爲砦而家計砦最

甘肅新通志

卷九

輿地志 關梁

罕九

扼險阻又素有積粟豐於水泉寇至常不能破

峰貼峽砦在州西二百三十里地接番戎卽今西固峰貼城九域志福津縣有峰貼峽武平沙灘三砦俱在州西境宋所置以備羌戎處

尖石砦在州北後唐清泰元年郭瓊攻拔尖石砦卽此又州境有天池坪清江壩小山坪虎壩水磴峪白鶴等十五寨多在州西皆舊所設軍砦也

鳳凰堡在州北卧龍山之麓卽舊龍興寺光緒九年總兵李志剛新築

團城堡在州西宋置

險崖壩在州東五十里壁立萬仞棧道難行光緒九年知州洪惟善鑿成坦途

南江橋在州南跨白龍江明嘉靖間造舟爲梁繼此有折橋平橋
折橋萬歷間削平橋

國朝順治間副將羅映臺建康熙五年副將林忠仍建舟橋亦久廢
今民之芻牧樵採者以竹索連舟名曰城南古渡國朝侯于唐

橋碑記武都屬西南陲密邇土番僅恃白龍江一帶水限焉禹貢所謂蟠冢導漾是也然障外患而保內甯則有天塹之功若採薪芻而通行旅未免多溺之患至秋潦淫溢巨浸滔天又岌岌乎有沈窞之憂矣此白龍江之大利大害也捍江之利非橋隄不爲功古之橋隄逸乎不可問矣明嘉靖間枹罕三州龐公來攝郡篆始造舟爲梁萬歷間州牧西陵余公始築土城堰後雖梁圯堰泐而普渡安瀾之澤至今猶嘖嘖在人口頰間繼此有折橋有平橋折橋狀若垂虹涉者有履薄臨深之懼平橋冬建夏撤一歲間利涉者半長濡者半均不若舟橋之爲利安且久矣至於隄余公而後未嘗過而問焉壬寅歲溫陵林公鎮武都御兵以嚴率屬以正恤民以仁接士大夫以禮而且飭器械修墩堡繕城垣甃道途賑飢民修學宮諸利俱興諸廢俱舉公之造階者已至而公之爲階者猶未已也時倦倦以橋未建隄未築爲慮隄與郡守戴公分董其成橋則公專任其勞費不千計不可木不億計不可鍊不萬計不可工不數月計不可於是捐重貲購良材請工師募夫役財必中度工必中程造木舟九廣丈者二高尺者八鍊索二長十短圍

甘肅新通志

卷九

輿地志 關梁

三

一胡重千鏘鏤柱四高一尋圍一晉重三十鈞橫互里餘關中二軌肇工於丙午季冬落成於丁未仲夏將見行者咸樂普渡無患多溺矣居者皆慶安瀾無憂沈鼃矣古者天根見而水涸則成梁辰角見而雨畢則除道此有司事也今則不能裁扣餘俸退食維艱何物捐輸此力之不及能者也催科旁午日不暇及奚畧省試此時之不遑能者也以有司力之不及者而公獨任不辭費以有司時之不遑者而公獨勞不告疲公豈徒一帥武臣哉糾桓之帥也慈惠之母矣克壯之猷也甘棠之愛矣因爲之頌曰桓桓公侯鎮我邊州敦詩說禮敕礪甲鏖羌氏誓威么麼服說士卒休歌黎民樂謳軫念黎民狎溺胥淪滔滔流水濼澗且齋一葉扁舟渺難及濟旣成輿梁如砥維均維均浮橋長虹矢矯利我行旅便我芻蕘時往時來載歌載謠商歛農歛頌公勤勞頌聲洋洋奕世無疆惠鄙鄭興愛比燕棠南山蒼蒼江水茫茫我公之澤山高水長郡人呂震南城南古渡詩長江遠郭水盈盈古渡蒼茫鐵鎖橫兩岸垂楊齊映水一帆宿霧近連城待船客唱項須調打漿漁歌欵乃聲最好錦屏山下望滿隄人在鏡中行

北峪橋在城西半里跨北峪河又鎮江橋亦在州西又州西五十

里石門橋七十里陳家壩橋八十里白河橋俱跨白龍江

東江水橋在州東五里跨白龍江夏撤冬建

魯班橋在州東南接文縣界何冠梧過魯班橋詩層層石磴跨崖腰下俯重淵上碧霄匹馬秋風斜照

裏小詩吟
過魯班橋

公惠橋今圯

韓君恩詩津口平橋暑氣徂亭皋疏柳夕陰鋪山從西域通中國水下三巴散五湖佩劍星連樽酒落隨

車雨入黍苗蘇千年良牧懷廉范五袴何人更五都張祥詩孤城下嶂碧連天秋色平分細雨前日落青龍橫野渡地偏白露綴賓筵水邊風嘯空逾亮河外漁燈溼亦然笑假霜威頻洗醜彩毫還試省親篇

上板橋在州北二十里又有下板橋厓有石虹古蹟名板橋垂虹

殺賊橋在州西一百一十里跨白龍江久廢光緒七年總兵李志

剛重建十一年補修

國朝楊昌濬重修殺賊橋碑記階州西固之地舊有殺賊橋其創建不知始於何時蓋

書缺有間此邦之父老亦難言矣相傳乾隆年間被大水傾圮桑滄變遷遺志不可復得民念其為要津也爰設渡以通行人而春秋汎漲病涉者多蓋上為白龍江源下即文邑臨江之所出溝渠歸匯流急奔騰勢則然也關隴底定後百廢俱舉而徒杠輿梁等關民事不及時修復其曷由履險如夷哉光緒庚辰夏湖北李鎮軍志剛領所部楚軍左路後營會平瓜子溝番餉留戍其地日行旅之苦慨然修復是任相河流度地勢重建大橋鳩工庀材經始於辛巳二月一時番漢民人聞而鼓舞助木者輪囷雨集助工者畚鍤雲興越百有六十日而功成橋長二十餘丈高五丈寬丈四墩石下柱雁齒上露重關憑倚巍然大觀橋端並立扼守關門環

甘肅新通志

卷九

輿地志 關梁

三

以錐磔培隄礮置公所不惜數千百金以從事匪惟利溥而慮以周焉余嘉其志而更趨茲盛舉也因仍舊名用記此橋興復之故亦謂上年平番一役所以殺賊保民其功當與此橋同垂不朽耳於是乎書

犀牛江渡在州北二百里又州東二十里宗家渡二十里仙人渡

州東南五十里石壩渡七十里賈家渡州西五十里李家渡七十

里棗川渡

州同 駐西

武都關在城西二十里又久遠關去城三十里內漢外番

花石關在兩河口距城五十里即花石峽也雙崖對峙宕河中流

牛圈關在城東九十里明正德間築

南峪寨在東南二十里

閣棧 澇木閣棧去城五里 化馬閣棧 觀音閣棧去城八十里

南薰橋在城內東南又近化橋在城內東北南峪橋在東南二十

里許

兩河口橋在城東四十里跨宕昌河一名濟川橋雍正九年重建

又南橋在城南三里跨西固河

鄧鄧橋在城東北花石關跨宕昌河鄧艾伐蜀與子忠合兵建此

橋渡乾江故名光緒十一年重修陳如岡詩東馬懸車不易行崎嶇險道出陰平當年人抗期期

詔此日橋留鄧部名板屋數家喧虎蹟石崖千尺湧江聲前途聽說明朝坦穩卧藍輿夢不驚

承甯橋在城南門外康熙五年建沙川橋在西南十里種家橋去

城五十里康熙五十年建新橋頭去城六十里

文縣

玉壘關在縣東南一百二十里路通四川劍州秦蜀咽喉唐宋以

來所置守戍處也縣志玉壘巖岫夾江川澤氣蒸望如雲海即日晴月霽雲氣亦浮杜少陵玉壘浮雲變古今或

謂指此云明張其光詩天開一壑鎖咽喉控指西南二百州禦寇有方泥不請重門無警柝常收巖前月白雞鳴曉林外風清雁

甘肅新通志

卷九

輿地志 關梁

三

瞰秋瞻彼路傍來往客誰騰紫氣駕青牛張逢熙詩大江遶玉壘峭壁連高峰羨此重關險一丸差可封

五里關在縣北五里兩面巉崖中闊數武明傅友德破五里關遂

入文州卽此

火燒關在縣北二十里兩山壁立中通一徑相傳元濶端自成都

入文破城北去以火攻此關故名明李夢陽詩壑暝常留電山深日釀雲猶存火燒迹忍讀卧碑

文地古人煙少霜寒野色曛那堪數過此辛苦欲誰聞又蕭籍詩誰關丹崖一徑通雙峰對峙戟凌空密雲護兩山蹊險峭石橫

門鎖倫雄元將北歸屠宋郡我師南下殲汪公傷心往事成悲歎勒馬蕭蕭谷口風

臨江關在縣西北百里本臨江砦其下卽臨江渡後設關爲洮蜀

孔道又老鼠關在縣西北通階州路

柴門關在縣西南一百里負山臨河峭壁鐫秦蜀咽喉四字出關

五里卽四川南坪界

青塘關在縣東南一百八十里卽青雲嶺也今設關爲入蜀孔道

通鑑注自文州青塘嶺至龍州百五十里自北而南者右肩不得
易所負謂之左擔路卽鄧艾入蜀路也

麻關在縣城西

國朝張臨麻關水災詩蛟龍徙窟宅虎豹皆股
慄濤挾萬山奔麻關谷水溢昏墊嗟居民室廬百

無一道光乙酉年六月二十七乾隆庚子間水患從茲始於今四
十年此災旋復起疾雷破空行聲震兩城裏歲月曾幾何峻谷又
遷矣

野豬關在縣西一百里距鎮羌寨十里

陰平隘在縣南縣境有陰平道吧咱鄧艾城叱谿尾四隘

國朝孫躍龍

陰平道詩山水何曾見一班常教摹擬倩荆關而今身入陰平路
處處泉聲處處山葉恩沛詩陰平往返路紛歧又見尖山筆一
枝更有魯班蛇倒退天梯至此莫驚奇懸崖鑿路奪天
工跨水為橋驛自通未必精誠能造物但期策馬任西東

扶州鎮在縣西卽故州地九域志縣有扶州永定宕由道路方維

五鎮

碧峪鎮距縣城一百六十里水陸交通商賈雲集

甘肅新通志

卷九

輿地志 關梁

三

東路寨陰平寨在縣西八十里卽故縣土城設在半山梨樹寨在
縣西九十里土城設在谷口鎮羌寨在縣西一百一十里設在險
地天黑堡在縣西一百十五里土城峽窄岸中松坪寨在縣西一
百二十里土城設在平地凡五寨俱係極衝

北路寨茨落寨在縣北八十里土城設在半山更名得勝極衝馬
兒寨在縣北七十里土城設在半山次衝陽湯寨在縣北一百四
十里土城設在平地極衝樓舍堡在縣西北一百四十里土城設
在平地次衝九原寨在縣北一百五十里土城設在平地極衝凡
五寨

南路寨哈喃壩寨在縣西南七十里土城設在平川極衝寨卜寨
在縣西南六十里土城設在半山極衝鐵樓寨在縣西南五十里
土城設在平地極衝上丹堡在縣東南四十里無城次衝凡四寨

〔重石寨〕九域志縣有重石毗谷張添磨蓬留券羅移思材戍門特
波九寨水銀一務宋志有緩南寨縣志又有新寨在西南四十里
〔舊寨〕在西南四十五里馬營寨在南一百二十里中屯寨在西一
百六十里舊寨子在北一百二十里東屯寨在北一百三十里
〔新關堡〕在縣西五十里鞏昌府志縣有玉皇黎坪等二十四寨
〔上高橋〕在縣北八盤山溝春暮蕙草遍谷
〔下高橋〕在縣北尖山鄉
〔魏湫橋〕在縣北洋湯河大石崖乾隆間建

〔固水橋〕在縣西乾隆間建爲南坪松潘通衢

〔新關橋〕在縣西六十里

〔玉壘橋〕在縣東南一百二十里光緒二十八年重修又縣東三十
里〔新津橋〕四十里〔紅丹橋〕縣西四十里〔廣濟橋〕以上四橋皆跨白

甘肅新通志

卷九

輿地志 關梁

五

水上

〔陰平橋〕在縣舊城南門外白水急流中有蒼石一道就石豎柱成
橋長二十餘丈所謂陰平橋頭也蜀景曜六年姜維聞有魏師請
護陰平橋頭防未然後主不省司馬昭遣諸葛緒自祁山趣武街
橋頭絕維歸路維還聞緒已塞橋頭乃佯出北道緒引卻維從橋
頭東還卽此

國朝雍正七年知縣葛時政守備張金榜同建乾隆間知縣楊國瓚
於橋畔建觀瀾亭後廢橋舊有兩洞垂廢三十餘年光緒八年重

建改爲一洞

〔國朝〕張培蘭重修陰平橋碑記文邑星分璧猶地

錯參狼西接隴秦南隣巴蜀層巒疊嶂未闢於五丁
鳥道羊腸更危於九折城之南舊有陰平橋鯨波掣電鼉背連雲
濫觴不計何年鞭石尙留殘碣丙午歲金隄旣折天柱復摧海南
芷塘張明府軫恤陸危捐廉倡首細流不擇成河海之深土壤不
辭積太山之峻經營三載計費萬緡控阨成夷駕空作實新礪礪
爲礎碣跨跨蛩蟻於驚濤俯瞰長江認美人之虹影直登彼岸似大
士之慈航不須破浪乘宗慤之風中流擊祖述之楫行旅交錯坦

如通衢公之造福於民豈小補哉觀夫危樓聳峙齊鶴雀以摩空
寶刹岩堯與鷲峰而頡頏秀白水砥崖濤奔萬馬蒼峰礙日勢攫羣
龍關鎖之雄儼然一巖邑焉若夫垂竿石上把酒樓頭長嘯吟風
披襟對月龍女嶺邊煙雲曉靄蟬螂峰頂霞綺磷靄飛泉淘琴筑
之音霜樹掩珊瑚之色則斯橋實遊觀之勝地已至於東有玉壘
西距柴關北枕龍江南倚太白延袤十里周回萬山處處皆斷壁
絕崖天梯石棧當其無事須遠屯驛旅設有不虞但焚毀棧道所
謂一夫當關萬夫莫開縱周亞夫之鼓旗勢不能從天而下鄒士
載之兵馬亦何能引絙而飛也獨感歷代鼎革之際寇盜縱橫文
邑屢被蹂躪甚至邱墟社稷塗炭生靈當時守土者何計不出此
豎儒誤而國事至今日猶罵譙周文吏不習兵機千載後追傷劉
趙子每讀史至此未嘗不痛哭流涕長太息也方今 聖天子玉
軫調元金甌統宇縣區飲化而土歸仁偃伯於靈臺彙兵於武庫
共戴堯天之樂何懷杞子之憂然而幽風未雨而綢繆小恙子愆
夫後患治不忘亂安不忘危故因敘橋工興言及此蘭才慚墨守
智謝良籌追思姜伯約請備之謀輒憤發閭蒼舒無人之歎留此
橋畔未必非保守陰平之一策焉 陳協哲陰平虹橋詩長虹斜
挂陡崖邊蜀漢曾經不記年怒浪幾翻湖巨石奇峰兩岸鎖青天
穿簷水鳥知寒暑逐日漁樵自往還
偶倚看河樓畔望南崖疑尙隱名仙

哈南橋在縣西南六十里路通生番界

麻關橋在縣城西門外即縣城與所城居民通行處同治間知縣

甘肅新通志

卷九

輿地志 關梁

五

盧錫紳重修

什方橋在縣西三十里又新關橋在縣西八十里

過仙橋在縣陰平橋南由南海寺迤邐而上斷岸絕壁夾岸跨虹
而過

保安橋在縣西七十里皆白水所經波流洶湧

采鮮于洗特云旱
谷山前峰似劍保

安橋下
水如雷

天乙橋在縣東十里乾隆間知縣孫巖創建

臨江橋在縣西北一百里臨江關下羌水經此亦曰臨江渡為隴

蜀孔道康熙二十三年重建後知縣江景瑞重修屢圯光緒十九

年移建於下流二十里之蒿子川鑿山築隄改木梁為鐵鎖名曰

永濟橋

國朝張爾翮重修臨江橋碑記文之北距縣百里許有
臨江驛臨江者臨白龍江也水自武都來東南注至玉壘

關與文之白水合而此驛適當冠蓋往來之所波流衝激非橋莫
濟此臨江橋之設由來舊矣然屢修屢圯望洋者每須舟師力故

又稱臨江古渡云康熙甲子歲守戎馬公乃重修之後涖此土者若宛平江公涑水楊公曹公率皆因時修葺第以水太雄岸太闊勢不能於洪濤浩淼間作中流砥柱是以成功甚難而就圯甚易我明府孫公以中州巨儒治文十有載育我父老撫我子弟整飭我紀綱當下車伊始即整理斯橋僅十餘稔而橋梁復圯因捐清俸造渡航日招招舟子古例暫可循也今歲壬午明府行將解組歸田因念斯橋而慨然曰雖有舟楫舟之危何若橋之安也屬里民而告之曰其鳩工庀材竭爾經營以成爾利涉民乃小大稽首曰唯唯惟命於是總理者分督者輸材而輸力者前歌後舞罔敢告勞而木商過此者復捐重貲以襄厥事起工於季春觀成於仲夏長虹特起如履康莊一勞永固矣二里之民爰礱石以微子言曰其爲我誌公遺愛子曰惟明府之不負我民也故於將行未行之時猶潛潛切濡軌之慮也如此惟我民之不負明府也故於未去將去之際猶勤勤效子來之誠也如此非明府何以致我民之義非我民何以彰明府之仁哉蓋明府之好仁與民之好義是兩得之矣明府諱巖字魯詹號警齋壬子解元戊辰進士河南汝陽縣人至木商與里民之董斯役者亦並誌其姓名於後

鄭公橋在碧峪鎮光緒十四年鎮民請於知縣鄭名缺創修鍊鐵爲梁長二十餘丈橋成以鄭公名焉

野狐橋在縣西八十里兩岸巨石蹲立就石架橋

甘肅新通志

卷九

輿地志 關梁

五

龍津橋在縣東三十里乾隆間雄德石灣兩鄉公建後焚知縣孫巖重修

奮武橋在縣西十里用葛索代之

興文橋在縣東三里明萬厯間建

國朝康熙己巳年修咸豐間重修

鐵索橋在灤水河口同治間修

葉恩沛過鐵索橋詩架木成橋自古難而今鐵鍊鎖江干行人招手

應相問西蜀滇南共此安

東峪橋在縣西二十里光緒元年修

利濟橋履祥橋均在縣東南同治間創建又迎祥橋在將臺後亦

同治間修

成縣

黃渚關在縣北一百里舊設巡檢司今裁

墨峪關在縣北墨峪山宋紹興間郡守程俊置

泥陽鎮在縣東即故泥陽縣又有府城鎮在縣東西安鎮在縣西

又有索池鎮橫川鎮

石碑砦在縣東北即古石壁砦宋吳璘命姚弋仲拒金人於石壁寨敗之是也

龍門鎮在縣西南唐杜甫詩細泉兼輕冰沮洳棧道溼不辭辛苦行迫此短景急石門雲雪溢古鎮峰巒集旌竿

暮慘澹風水白刃溜胡馬屯成皋防虞此何及嗟爾遠成人山寒夜中泣

豐泉堡在縣西二十里小川砦在縣西三十里

東河橋在縣東又西河橋在縣西皆夏撤冬建

鐔家河渡在縣南七十里冬橋夏舟

慶陽府

安化縣

甘肅新通志

卷九

輿地志 關梁

五

驛馬關在縣西南九十里東西深溝南北城各長一百四十步高

一丈五尺明初張良臣據慶陽徐達攻之遣馮宗異等守驛馬關

以當原州之衝慶陽旋下宏治中置巡司以斷各通私鹽路後裁

木林關在子午嶺上接合水界一作木陵

槐安鎮在縣北一百五十里即唐懷安縣後訛為槐安道路寬平

最為要害宋范仲淹置鎮於此明成化中巡撫馬文升增築周六

里定邊花馬池相為應援

五交鎮在縣東北一百五十里城周二里宋范仲淹築

馬嶺鎮在縣西北七十里又馬鐙寨在北七十里天祚寨在北三

百里

西峰鎮在縣西南一百三十里同治間築城周二里許外環市廛

民居稠密為繁盛首區

走馬城堡在縣北一百八十里走馬嶺城周二里

赤城堡在縣南七十里又縣南八十里溫泉堡一百一十里秦霸

嶺堡俱明嘉靖間築

柔遠砦在縣北一百四十里城周二里宋范仲淹築明馬文升增

修通定邊安邊諸路儲糧屯兵倍於他砦

荔原砦在縣東北一百二十里宋治平間知州蔡珽築

阜城砦在縣西北五十里明置遞運所

寡阜砦在縣北三十里明成化間知府王貴築更名義安堡嘉靖

間改名富砦

膠泥嶮嶮在縣東三十五里又天嶮嶮在縣西十五里又瓦嶮嶮

在縣西四十里又石頭嶮嶮在縣西六十里又土橋嶮嶮在縣北

一百里紅土嶮嶮在縣北百里

甘肅新通志

卷九

輿地志 關梁

五

張官兒砦在縣西南一百十里秦霸嶺

東河橋在縣城東南又西河橋在縣城南

清溪橋在縣南五里又縣南十里三溪橋十五里通甯橋

北澗橋在縣北五里又有涇河橋帶橋在縣北六十里

起鳳橋在縣北門外又金公橋在底卜河川

桐川橋在縣西八十里其石天生不假人爲下通乾流水

合水縣

東華池鎮在縣東北一百一十里又西華池鎮在縣西南七十里

宋熙甯七年俱改爲寨

明李夢陽華池雜記華池古樂蟠縣也故城川華池東天子溝夫人洞並故城川蒙

恬斬山澗谷處也今馳道存焉稍東則陽周城也牡丹園華池城東北太和觀牡丹園西張將軍墓華池城北邊路將軍名吉宋范仲淹卒也以節死贈將軍詳見郡志興陽洞華池西崖也不窟陵慶陽東山傅介子墓西山范仲淹宅今爲府庫范純仁遺棟今爲府宜門過木鵝池慶陽城鑿通河處臨川閣鵝池上宋蔣之奇建今廢威武樓慶陽北城樓也宋建公劉廟在慶陽其兩壁畫周三

十七王云李子日余如華池在宏治乙卯年焉居蓋三年云

鳳川鎮在縣東北九十里宋范仲淹築控子午嶺入西夏界

平戎鎮在縣東北一百六十里范仲淹築路通鄜坊

太白鎮在縣東一百二十里又固城鎮在縣南六十里

百牛砦在縣東三十里

張皮嶮在縣東南五十里又庵蘭嶮在縣西南四十里

合水橋在縣東十里今廢又乾溝橋在縣東三里五里曰五里橋

十五里邢家橋亦曰小石橋一百二十里葫蘆河橋

清水橋在縣西二里又西十里華嚴橋二十里圍洞橋二十里柳

溝木橋四十里板橋五十五里孟家橋

環縣

清平關在縣西北六十五里地名之字平宋元符三年築明嘉靖

甘肅新通志

卷九

輿地志 關梁

堯

中移慶陽中路遊擊駐此為安邊花馬池要路正德以前實為衝
衢自大邊築後此路之警無聞矣

木鉢鎮在縣南五十里互見古蹟木波城明謝蘭木鉢道中詩天
上薇垣使雲中木鉢城

行來時怯險老去勿論兵野岸明沙雪
寒風捲旆旌胡人潛遁久長嘯賦須成

石昌鎮在縣西三十里西接甯夏界又縣西七十里安塞堡俱范
仲淹築

甜水堡在縣北一百里有泉水甘自洪德城以北四百里無草木
人煙稀少水鹹苦不可食行旅至此必汲水飲以療渴亦范仲淹
築接甯夏中衛界

環江橋在縣北二里又歲豐橋在縣北六十里俗名三里橋

靈祐橋在縣南五十五里明邑人高觀鯉重修靈祐橋記馬清溝
去木波可十里許發源王家莊西入環

江崖高且仄夏秋水漲漫衍無際行旅咸苦之歲己巳邑人創議
修橋因金孝廉如玉乞引於余余嘉司事者之利濟為心而復慮

環民之因循不果也爰舉已事爲廣福田者勸厥後銖積寸累得金若干乃鳩工削屢不浹歲而告成一水鏡懸長橋虹跨徒涉御寒裳之病策騎鮮濡足之憂蓋坦坦乎周行視履矣辛未壬申癸酉疊遭大水一勺滄州旅人所在裹足此橋獨奠若磐石安步游行則固知曩者植基孔固而溟漠中未始無河漢而保固之者也因題之曰靈佑稽顙未而爲之記

陡溝橋在縣南八十里曲子橋在縣南九十里寡婦橋在東南一百里

正甯縣

雕嶺砦在縣東一百里雕嶺上明初置巡司萬厯中裁

橋山砦在縣東北十五里又府志縣境有安興委家解家西峪高石代家秦家史家八堡

紀村堡在縣西北十五里

平子鎮在縣北四十里高原上又永和鎮在縣東南二十里

湫頭鎮在縣東南六十里倚溝築堡南芝川溝北羅川東松山均

甘肅新通志

卷九

輿地志 關梁

卒

可設險

山河鎮在縣東北六十里南倚溝築土城龍門川橫其北羅山寨其南子午雕嶺峙其東高峰邃林澗谷中通小徑入中部宜君界爲全鎮門戶

龍門川橋在縣西十里

甯州

定安關在州西北三里

襄樂鎮在州東北明洪武四年置巡司嘉靖間築城萬厯間增修鳳凰堡在吉嶺北二里許俗名新城子爲南北要道舊志鳳凰鎮在州北五十里

政平鎮在州東南六十里卽故定平縣南接邠州界

旱社鎮在州南三十里爲商賈輻輳之地

焦村鎮在州西五十里又太昌鎮在州西四十里又新莊鎮在州西五十里

南義井鎮在州北三十里復橋砦在州東五里

九龍橋在州東跨九龍河

早勝鎮橋在鎮東門為南北通衢兩旁谷深數丈久圯光緒三十年補修

亞店橋在州南甯江又政平橋在州南政平鎮跨涇河

米家橋在州東固張里因山勢築成即古鐵練橋也光緒二十九年重修

馬蓮橋在州西馬蓮河又城北橋在州城北河

鳳凰堡橋在吉嶽北二里壑深千尺下有湍流

甯夏府

甘肅新通志

卷九

輿地志 關梁

空

甯夏縣

赤木口關在城西南賀蘭山山為鎮之壁其蹊徑可馳入者五十餘處而赤木口尤易入口衝劇散渙可容千馬明嘉靖中巡撫楊守禮扼險築關有石砌關牆一道斬山一道

南路隘口十曰哈刺木曰林泉曰雙山南曰磨石曰獨樹兒曰赤木曰峽口曰雙山曰靈武曰金塔

北路隘口六曰黃峽曰水吉曰鎮北曰宿鬼曰白寺曰賀蘭

張政堡在城東十五里

鎮河堡在城東二十里明設操守

舊志每冬黃河冰結套虜乘夜長驅直抵城下俟侵晨人畜出

潛掠而還以致農廢恆業雖分兵伏高臺寺虜終不為忌迄嘉靖十五年有晏海湖之失十七年巡撫吳鎧檄都指揮呂仲良城之人以為便

金貴堡通朔堡俱在城東三十里

河中堡在城東南九十里迤東接靈州界迤北惠農渠口

李祥堡在城東南二十里河西寨通甯堡俱在城東南三十里

魏信堡在城南三十里楊和堡在城南四十里王泰堡在城南五十里王鉉堡在城南六十里任春堡在城南七十里葉昇堡在城南九十里

許旺堡在城西南二十里王全堡在城西南四十里

潘昶堡在城東北二十里王澄堡在城東北三十里通貴通昶二堡俱在城東北三十五里通吉堡在城東北四十里

漢延渠上橋閘城東一里紅花渠橋五里新渠橋八里蓄水橋十五里五道橋蔡家橋二十里張政橋小新橋大新橋楊官橋二十里沙窩橋二十五里西河溝橋城南關外永通橋南二十二里五渠溝橋二十五里方家橋二十里板橋三十五里小官橋二十

甘肅新通志

卷九

輿地志 關梁

全

八里官鎮橋四十里納忠閘六十里玉泉閘七十里唐鐸閘八十里李正閘八十五里李俊閘一百里龍泉閘城東南二十里通濟橋城東北二十五里潘昶橋三十里備蘆橋王澄橋二十五里賀忠橋三十八里丁家橋四十里馬家橋城北四十里李剛橋四十五里殷家橋

惠農渠上橋城東二十里北通甯橋二十八里通朔橋二十五里南通甯橋五十里通和橋六十里通泰橋城南七十里跨虹橋七十五里通春橋八十二里正閘橋九十里躍浪橋九十五里龍門橋城東北三十五里通貴橋四十里通昶橋四十五里通濟橋高岸渡李祥渡橫城渡俱在漢渠迤東大河之岸

以上皆甯夏縣屬

楊顯楊信二堡俱在城南二十里靖益會剛宋澄二堡俱在城南

五十里

唐鐸堡在城南六十里李俊堡在城南七十里馬站堡在城南八十里林泉堡在城南九十五里

平羌堡在城南三十里明置操守

鎮北堡在城西四十里

豐盈堡在城西二十里

豐登堡在城西三十里

瞿靖漢壩二堡俱在城南一百里陳俊蔣頂二堡俱在城南一百一十里

甯化寨在城西南六十里

玉泉營堡邵剛堡俱在城西南九十里

張亮堡在城北三十里謝保堡在城北十五里

甘肅新通志

卷九

輿地志 關梁

空

漢延渠上橋城南八十里李俊橋九十里陸泉橋一百里龍泉橋一百一十里漢壩橋

唐來渠上橋城西門外西門橋城南二里社稷橋一百二十里大壩橋

城西南一里保安橋七十里甯化橋九十里玉泉橋西北四

十里站馬橋

大清渠上橋城南六十里朱家橋七十五里古開橋九十里上橋

下橋一百里尙家牛家石板三橋一百五里甯家申家二橋一百

一十里沈家陳俊二橋

以上皆甯朔縣屬

平羅縣

北路隘口土曰挑柴曰貴德曰小風曰大風曰汝箕曰大水曰小

水曰西番曰塔峽曰打磴

明楊守禮入打磴口詩打磴古塞黃塵合匹馬登臨亦壯哉雲逗旌旗春草淡

風清鼓吹野煙開山川設險何年廢文武提兵
今日來收拾邊疆歸一統慙無韓范濟時才

李剛堡在縣南六十里城周二里

國朝徐保字李剛堡晚歸詩
匹騎歸心急村墟墓雨飄蘆灘

明夜火燄地上春潮市近愁更促懶
長怯路遙何如茅舍裏濁酒醉深宵

惠農渠橋闌城東十五里通平橋東南十五里沿河闌

徐保字沿
河闌詩萬

綠翳無際沿隄客跨鞍平沙千頃闊野水一渠寬老
樹攔危約孤禽沒遠灘耕氓方待澤何以撫躬安二十五里通

澄橋二十里惠元闌四十里通福橋六十里通義橋城東北六里

單家橋十里通惠橋二十五里永普闌三十五里通潤橋

徐保字
通潤橋

散步詩公暇覽幽勝渠流跨土梁水田飛白鳥野廟蘊青
揚小市人聲散空街夜色涼蕭然塵外意一曲在滄浪北五十

里通豐橋七十里尾闌

唐來渠橋闌城南門外太平橋城西南三十五里張桂橋四十里

閻桂橋四十五里張明橋六十里站馬橋九十里滿達喇橋城東

一里龍鳳橋城北一里沙窩橋東北一里四道渠橋

甘肅新通志

卷九

輿地志 關梁

六

昌潤渠橋闌城東南二十里木闌黃家橋二十五里分水闌二十

里征家橋二十五里唐家橋四十里魏家橋城東十五里頭闌二

十里雙渠闌三十里永潤闌東北三十里二闌四十里永伏闌五

十里廟臺闌六十里三闌

西河上橋城東五里西河橋十里綠楊橋城東北五里通惠橋城

北二十里柳陌橋

納秀橋舊在新渠縣門外姚福橋在縣西南俱跨西河又南北通

甯等橋跨惠農渠今併入平羅

縣丞 駐寶
豐

鎮北關在城北四十二里關外係阿寶夷地

鎮遠關在城西南五十里舊為甯夏北境極邊之地關南五里為

黑山營九邊攷平虜當北面之衝而鎮遠關實為外險自鎮遠關

以至火沙溝皆有臺堡相接以斷夷人西行之路正德初棄之於外以致夷人出入無忌後於王玘口自河抵山築北門關北去平羅四十里朔方志云夏之邊左河右山而鎮遠關鎖其交東西長城絡其端誠天險也明巡撫楊守禮疏略謂平虜城百七十里有鎮遠關在山河之交最為要地南五里故有黑山營西沿山四十里有打磴口東西連屬烽火嚴明賊難輕入宏治前饑缺卒連關營不守打磴口山水俱從此出竟致衝塌迹尚可考正德間大賊奔入或從旁乾關棗兒溝桃坡等口入或渡河而過雖有平虜城軍馬不足實難戰守以故於平虜城北十里許自山至沙湖築城東西約五十里盡西又設臨山堡居人始敢樵牧齊之鸞北門關記自河東黃沙之長城百里烽臺十八廢不能守於是河西三關遂棄而虜得取徑賀蘭以侵軼莊浪西海朝下其議於總督王公瓊瓊謂副使牛天麟與之鸞河東西之障烽燧遺墟故在也何名爲復第未有必守之策耳如可復也亦可失也因上議請於唐朔方郡故址北數里爲深溝高壘連屬河山徙堡之無屯糧者近之以助守望則虜自不能入河漸恢復有詔鎮巡官舉行時之鸞實董其役由沙湖西至棗兒溝凡二十五里皆內牆外塹爲關門二東曰平虜中曰鎮北爲二堡圍里百二十步徙故鎮北軍實之又徙內堡軍之無屯糧者於西隈爲臨山堡爲敵臺四燧臺八沙湖東至河五里漲則澤竭則孺虜可竊出皆爲牆以旁室其間道於是河山如故而險塞一新矣

甘肅新通志

卷九

輿地志 關梁

奎

韭菜口在城西北五十里

簡泉子口在城西四十五里

王玘口在城西北五十里

柔遠市口在城北三十里雍正時設堡城周八十五丈每月與番人開市交易三次舊以威鎮堡營兵防守

威鎮橋在城西南二十五里

柔遠橋在城西二十里

市口柔遠橋在城東北三十里

靈州

石溝堡在州東南九十里城周一里

鹽池堡在州東南一百五十里城周四里

萌城堡在州東南一百五十里

鐵柱泉堡在州東一百六十里有泉甘冽明嘉靖間總制劉天和言套人出入必飲馬於此請築堡高大包其泉於堡中以兵守之其旁石溝有鹽池

天沙井堡在州東南四十里城周一里

興武營閘門在州東北一百四十里

安定營閘門在州東北一百里

定朔橋在州北今廢

興梁橋在州南二里

韓家橋在州南十五里

哈打橋在州東三里

黑渠橋在州北三里

馬頭渡在州東三十里臨河渡在州東七十里一作甯河

甘肅新通志

卷九

輿地志 關梁

矣

高崖渡在州東南四十里

州同 駐花馬池

長城關在城北六十里即明總制王瓊所築之溝壘也長五十里

關上有樓高聳雄壯下設閘門外立市場番漢交易月三次守備

監市營兵防守

中衛縣

勝金關在縣東六十里傍山臨河路通一綫一夫當關萬夫莫過

中衛之吭也明參將韓玉築關萬厯間重修

採訪冊云舊稱縣北雄關然其地三面受

敵無險可恃一面臨河似屬絕地同治四年梁提督生嶽全軍覆沒於此國朝甯夏理事同知國棟過勝金關詩沙岡參錯路重

重心醉西南只數峯一色紫雲三十里飛來大地化猶龍周守域勝金關懷古詩雲茫茫峯兀兀雄關崛起勢律峯北有沙漠之

縱橫南有長河之滂沱銀川到此啟管鍵襟山帶水不可越我聞漢唐征朔方萬馬千軍駐沙場關東驅戰卒塞北作邱邱霜鏑搜

白骨飛鳥啄人腸宋代沒西夏元昊敢猖狂葫蘆河邊曾大戰轉戰俱在此關旁明時始有韓參軍大起樓櫓鎮邊防關城至今已

經數百載積卒扼險誰敢當我皇歸馬華山麓邊陲無事樂因牧白叟黃童不聞兵日暮河濱驅黃犢河時昔傳釣魚臺魚翁已去雲空逐

黑山觜在縣北二十五里

西沙觜在縣西明成化間因西路永安墩至西沙觜舊牆底薄改築高牆

黃沙口在縣東北一百二十里

觀音口在縣東北一百四十里

寺口在縣南九十里為通蘭靖平鞏要路兩山雄峙僅通石徑

大佛寺北裏口在縣東北一百九十里

大佛寺北外口在縣東北二百一十里

野豬口在甯安堡南二十里為通固原要路

沙坡兩山壁立黃河中流由上渡口入河順流約八里始達岸邑

西要口也

驢圈子溝在白馬灘南又中渡溝在倪家灘南又峽門口由井溝

口俱可通海城靖甯皆山路小徑也

大洪溝在甯安堡南入甯靈界

小徑溝在鳴沙州南今名通天梁又紅柳溝今名中行洞

嶮峴溝口南通香山堡

中衛隘口十二曰離井兒曰何陽墩曰甯安墩曰燕子窩曰靖虎

墩曰永安墩曰殺虎墩曰鎮北墩曰崇安墩曰鎮夷墩曰馬槽湖

墩曰鎮口墩

鎮虜堡在縣東四十里明正統間建城周二里

甯安堡在城東南一百里有新舊二堡舊堡築於成化二十一年新堡築於嘉靖九年去舊堡二十里今圯

甘肅新通志

卷九

輿地志 關梁

香山堡在縣東七十里城周二里

鐵桶堡在縣東一百五十里明天啟七年建僅存基址

張義堡在縣東一百一十里明萬曆間建今僅存其名

永興堡在縣東七十里明萬曆間建今廢築小寨於其北

古水井堡在縣南三十里城周二里隘口三日冰溝墩日新寺塔

墩日岔山墩

石空寺堡在縣東北八十里明永樂年建城周三里隘口三日大

寺日小關兒日崇慶

國朝咸豐閒地震堡傾同治三年重修八年被陝回攻陷焚掠殆盡

光緒二十一年堡民補修之

柔遠堡在縣東十里久傾同治四年回亂幾被陷紳民集貲重修

永康堡在縣東南三十里宣和堡在東南五十里近俱傾圮

甘肅新通志

卷九

輿地志 關梁

矣

廣武營堡在縣東北一百九十里明正統閒建城周三里年久傾

圮

國朝光緒二十一年重築遊擊金永清於南門外加築甕城內外登

以甌明王瓊廣武遠眺詩鳴沙古渡急征節鐵騎雲屯曉濟河廣

武人稀非土著棗園田少盡徵科赫連故壘遊麋鹿元昊遺

宮長薛羅試問守邊誰有策老臣憂國鬢如皤國朝黃恩錫登

廣武北城玉皇閣詩高閣臨虛矗太清攝衣登眺眼偏明四圍山

似屏相擁一葉舟疑畫裏橫河近水光將泛郭隄殘柳色自侵城

年來每抱臨流懼秋汎於今尚未平又廣武河隄告成詩雲際

雪消春水生長隄彌望大功成狂瀾萬頃虹為障磐石千家夜不

驚波泛桃花二月盡漁歌煙雨一舟橫臨流始覺神爲壯水色濤

聲已半平

棗園堡在縣東一百三十里明正統閒建城周二里

威武堡明萬曆間建

國朝乾隆十一年改名恩和堡道光閒傾圮民皆築莊以居齊之鸞

催屯種肩輿歷塞塵水滌三分曉渠動七星春花氣酣歌鳥荆叢

駢闐鶉麥畦青未了路有告饑人國從春畦白陽回臘麥青山

形夷夏界渠利漢唐經燕早花前乳鷺遲雨後聽客心淹冉冉江
樹望冥冥朔風凝常閉春深始見花山青橫鳥道月白開蜂衙
土屋耕夫墅雲峯戰士家
塞帷把殘籍不記在天涯

渠口堡在縣東一百七十里城周一里今僅存基址

七星渠橋闌距渠口十一里雙定闌下連石橋一道十九里同豐

闌三十三里蕭家闌三十六里新堡橋四十一里鹽池闌七十六

里分水闌下有拖尾橋

大通橋在縣東鎮遠橋在縣西綠楊橋在縣南

山河橋有二一為自甯安通寺口之道乾隆十七年重修一在紅

崖子東為自宣和通甯安之道乾隆二十年重修皆因崖壘石懸

空而行僅可渡人馬光緒八年土人重修在宣和者高二丈寬八

尺長二十丈三洞流水行人便之

南橋在甯安堡關門外通新甯安堡

甘肅新通志

卷九

輿地志 關梁

九

長橋在恩和西北五里

迎水橋在美利渠距城二十里每年立夏前後從橋下決壩放水

入渠

履坦橋在迎水橋西路通涼蘭久壞未修

蘇武橋在寺口雙峯夾峙中隔深溝橫木橋其中長丈有五尺寬

二尺五寸東建蘇武廟俗稱蘇武斷橋

南河橋在甯安堡南二里乾隆二十五年重修

油梁溝橋在勝金關西五里為往來邊路之衝

官渠橋在縣西三里

泉眼山渡在甯安堡嘉慶七年設

老鼠背渡在鐵桶堡東為甯夏通蘭州平涼必由之道

張義渡渡河至甯安堡

青銅峽渡渡河至靈州界

冰溝渡口為古水渡河至長流水道

常樂渡在縣南五里河北新墩南渡口在馬路灘

永康渡在縣南二十里即莫家樓房渡

甯安堡渡在石空堡南距縣城九十里南渡口在田家灘亦通平

固路

廣武渡在廣武東二十里即峽口通甯靈一帶

甯靈廳

忠營堡在廳南十五里

紅寺堡在廳南一百五十里城周一里明嘉靖間築

秦壩堡在廳西北十里瀕臨黃河往來船隻輻輳於此廳境西北

之咽喉也

甘肅新通志

卷九

輿地志 關梁

七

漢衛堡在廳東南八里又漢王堡在廳東十五里

梨花橋在廳東南二里尹家橋在東南十七里周家橋在東南二

十里

澇河橋在廳東十五里廖家橋在廳東二十里光緒二十六年

會駐防軍

大麥橋在廳西北六里

俞家橋在廳西南二十里峽口津渡在西南三十里

西甯府

西甯縣

武定德安二關在縣東二十五里即宋崇甯二年所築綏遠關也

俗名小峽口河南河北關同治十二年逆回據險負固抗拒官軍

數月始克光緒三年西甯辦事大臣豫師捐建二關遂更名三

十二年達賴喇嘛經過毀河南武定關片石無存存者河北德安

關而已

國朝左宗棠西甯小峽河新築南北兩關記出西甯城東西望懸崖陡壁對立千仞湟水中流霆驚箭激山徑陁

隘車不得方輪馬不得並轡凡三十里東曰小峽口西曰四望峽河西有事守者得其人兵以一當百攻者踰此而入則西甯不可復守兵法所謂穴中之鬪也同治二年回酋馬桂源等據城反十一年冬余命今西甯道劉君錦棠討之賊守峽口苦戰累月迨官軍破峽口桂源棄西甯而遁擒而誅之又五年為光緒三年青海辦事大臣豫公師於峽河南北築兩關扼之屹然相向形勢險固既成權西甯道張君宗翰以書來乞名余南關曰武定之關誌兵威也北關曰德安之關飭吏治也並記其事而系以銘銘曰青海西抱黃河東來壯哉邊郡崇墉崔巍惟天設險衛此邊郡巖壁對開巉巖雄峻下有湟水其流湯湯入窪而洑出隘而瀧鑿山取道蜿蜒偏仄屏守可憑猛攻難得嚴關雙峙萬夫仰觀畔以武定伏以德安誰此興築曰青海公繼宋綏遠萬指之功險要之區不資凶桀馬氏滅亡吁嗟覆轍告我邦吏戎羌是甯關門夜啓蕩蕩太平

喇課城在縣西北八十里雍正十一年散秩大臣范時捷以地通

青海議築城周一百八十餘丈高一丈二尺東西二門各建樓

黑古城在縣南六十里舊有城基乾隆二年西甯道僉事楊應琚

甘肅新通志

卷九

輿地志 關梁

三

以貴德所改隸郡治所由磨石溝素為生番出沒之區議築城防

範城周二百三十二丈高二丈女牆以甄南北二門

亂思觀城在縣東一百二十里乾隆三年楊應琚以地屬要隘築

城周一百六十八丈高二丈基寬一丈二尺北門一

阿拉庫托城在縣西一百五十里乾隆二年西甯道僉事楊應琚

以地倚日月山為行商往來要區議築城周二百二十八丈東西

二門

千戶莊城在縣南一百二十里乾隆三年楊應琚築以防番城周

一百丈高二丈二尺基寬一丈三尺頂寬七尺東門一

亦雜石城在縣南一百六十里地控諸番南通貴德乾隆三年楊

應琚築城周一百六十丈高二丈二尺基寬一丈八尺頂寬九尺

南北二門

安西堡在縣西二里許龍王廟巷光緒四年提督喻勝榮捐築周
二里許高二丈餘基厚二丈西角設礮臺

保塞寨在縣東南綏邊砦在縣東北清平砦在縣南俱宋崇甯二
年賜名今皆廢

黑松林山口在縣東北二百五十里

哈刺只山口在縣東四十里

紅崖子山口在縣東北五十里

西石峽口在縣東北一百二十里

插把峽黑松林峽俱在縣北一百里兩峽懸距中空道海寇常
從此入明嘉靖間副使周妥王繼芳繕治城塹延屬五十餘里西
甯始安

經納峽在縣境西九十里又縣西一百里西石峽一百五十里刺

甘肅新通志

卷九

輿地志 關梁

三

撒峽

玉溝兒峽貫德州峽俱在縣南八十里

木恰兒峽捏兒朵峽俱在縣南一百里且思貢峽在縣南一百四
十里以上峽口自明正德十年防禦海虜入境遂為要害

惠民橋在城西北里許乾隆十一年建

國朝楊應琚湟中河惠
民橋碑記西甯城郭因崖

為基環以諸水匯為湟中河此古三河之一也河發源郡西塞外
透迤百折而來至城西北劉家河灣與郡北蘇木蓮河會又與郡
南麒麟河合演漾滄瀄而乃東下夏秋霖潦滂溢遂莽莽成巨浸
當縮束處舊有木橋距北郭闔外里許為北川入郡孔道籐筐擔
負者趾踵交也而岸闊水駛底皆亂石不可以柱民架木覆板以
通往來大雨時止四川灌河羣板散墮日敬月陷水挾木去宵小
竊以為薪歲歲庀飾疲費矣余經營河工不啻數十次得其要領
與太守劉君洪緒西甯陳令銘謀協於舊址東倣段國沙州記河
厲之法委經歷司王勳董其事兩岸甃石作基陸一段國沙州記河
立水中大木縱橫更鎮壓節節相次根縮抄伸兩邊俱來相去四
丈並大材以板橫次之外施鉤欄水岸外別為小河上覆平橋以
薄水怒橋以丈計長三十八高二丈二尺闊十分其長之六其事
始以乾隆十年九月十五日其訖工以十一年九月初三日木以
根計二千三百二十有八石鐵灰稍稱是久之郡人黨老黃孺孫

石來署叩頭曰斯橋也舊為民所修輸賦輓芻皆經此其木植河
東十六堡小民所出其絢索夫工朝湯圖三堡小民所納胥役鄉
長以督促又漁其利一橋成民費數百金矣如水溢梁則屢壞人
畜相對而吁馮浪衝濤者往往委魚腹霜降水縮揭衣跣淖中兩
足龜塚不可忍今公與太守邑宰未請國帑未用民貲出已俸
為之歲省民數百金其惠我小民深矣請以惠民名橋並請公讓
次其顛末庶後來者踵而行焉余屢卻不能辭爰書其言暨河之
源委橋之長闊制度始事竣工之年月以付之時乾隆十二年也

通津橋在東關外

玉帶河橋在東關外同治二年回亂被毀十三年知府龍錫慶捐
建光緒十八年被水沖知縣洪翼重修二十一年回叛又毀二十
四年知縣羅運璧籌捐重建

通濟橋在西門外即南川河橋也雍正十年建屢被水沖嘉慶二
十三年西甯道陳啟文飭修徒杠光緒二年西甯辦事大臣豫師
籌捐重修十五年被沖總兵鄭連拔捐修二十五年被沖西甯辦
事大臣闊普通武捐修國朝燕起烈重修通濟橋碑記物不百
年而成毀數見利關百世而創因視乎其

甘肅新通志

卷九

輿地志 關梁

三

人凡事皆然矧事涉利濟而可忽諸湟郡西城外之通濟橋自建
始以來崇規鉅製新而又新者蓋屢矣光緒戊戌秋復圯於水今
望使大臣聞公亟商之鎮道督府縣而修之鳩工庀材而月歲事
論者謂勞役之不可泯也宜有以誌之余謂此亦不過因利為利
耳矣勸之石為雖然尤有說夫以斯橋之抗捍眾川孔道閻咽而
阻則百務俱疲茲適於一踵事之間遂能使遐邇奔奏之老者穉
者負者荷者提攜而捆載者騎而騁者鞭而牧者冠蓋竭來者乘
駕傳遞者載載梯航者夷民禮佛膜拜者晝而嬉者憩者宵而
火燭者扞掖者期而庸估租貢舛錯縱橫者舉百千萬有之形
色色率皆躑躅徜徉蹶股鱗相綴屬而脫或沒焉不彰俾後之
人莫由手摩而口誦曰此某年月日某某所創始與某年月日某
某之所續有事也奚以垂久遠而勵將來哉是則可書也已役
也經綸廣袤載在前碑者不復贅明因而非創也土壘石籠幾半
前勞設井欄百四十尺有奇則此次所全置也提用子錢僅二百
三十緡則合眾營勇協助以成費廉而工堅且緻也議始於欽憲
閣公鎮憲羅權道篆燕中營鄧西甯縣羅權局慶則詢謀僉同者
也至於指授河干稽勤考惰則青海主政筆政練軍正副長各哨
官等例得備書而
飭手民以登諸石

小峽口鼈橋在縣東小峽口外二十五里一名河厲橋乾隆三年
修同治十一年回亂拆毀光緒元年知府鄧承偉等捐建二十年

被冲二十四年西甯辦事大臣聯魁籌捐重修國朝楊應琚小

甯郡環山匯水古湟中地也山多不毛有勒且宜春諸水獨以湟
中名者諸水皆歸宿于湟而流繞于郡邑自漢霍驃騎趙營平許
強弩諸公渡河湟築塞破羌屯田致穀左紅崖而右青海歷代稱
形勝焉南西北西路咸通羌戎惟東面一徑走內郡甘里許有石峽
口雙崖門立諸水會合雲洩雷奔崖趾纔通馬步舍此人行旅無他
徑一橋達南北岸大雨如注三日夜水與橋齊石沈木浮蕩然無
蹠踵相接丙辰歲大雨甯沈令予績施俸鳩工取巨木於遠山伐堅
遺居民病之余率西甯沈令予績施俸鳩工取巨木於遠山伐堅
石於近麓民咸鵠踞如牆而進復請云橋如前式抑增焉今茲
之水吾儕小人僅一見耳余曰不然橋與水烏可齊也又焉卜雨
水之不復如是乎乃增高丈餘廣尺五時已涸寒親見鑿石者手
足皴痂皮與石黏而運木者揮汗如雨牛喘蛇行甫袖手則戰栗
焉余甚憫之功不可緩而民力尤重輟工於丁巳春始告成焉是
歲大雨如前水幾與橋爭高他輿梁無不壞惟此橋巋然獨存民
皆喜余言之不謬也叩頭乞辭夫材物工役縱橫尺丈起訖日時
則有司存此不志所志者獨一橋耳非慎諸始審其勢則有復圮
之患將重勞吾民然則工作所當慎民力所宜恤而湟中形勝之
區諸水環而民時相往來橋梁又不可一日廢也書諸石俾官斯
土者知
並重焉

暖泉橋在南門外

甘肅新通志

卷九

輿地志 關梁

七

那孩川橋在城西二十步

坤多洛橋在城西七十里閘門外乾隆五年重修

伯顏川河橋在縣西二里

西川多巴橋在縣西五里

晶龍宮橋在縣北七十里永安堡東半里許

札麻隆橋在縣西六十里光緒二十七年丹噶爾民張永壽捐修

西甯河橋在城北半里許

柴家橋在縣東北二里今改名廣濟橋

碾伯縣

西望關在縣西三十里即大峽口河南河北關又石觜兒關在縣

東十里許

定西關在縣東九十里冰溝谷口即定西門也明時羌戎相結北

入冰溝南達古鄯居民苦之故於此設關以控扼要

通湟寨在縣東南宋元符間收復賜名又甯洮砦安隴砦德固砦

臨宗砦俱宋崇甯三年賜名

西番溝山口在縣南一百三十里

安川堡在縣東南隴哥堡在巴金嶺上俱宋元符間收復賜名又

縣境所屬峽榨五曰上水磨溝勝番溝土官溝羊官溝卯寨溝又

有高寨溝石峽口堡卒戍堡河灘堡深溝堡土官堡紅水堡虎狼

溝堡阿鸞堡上川口堡米列溝下川口堡張家寺堡新添堡俱在

縣東

老鴉堡在縣東五十里漢破羌縣故地隋改為湟中縣明置馬驛

城周二百四十六丈高二丈五尺所屬下水磨溝碾綫溝峽榨二

冰溝堡在縣東九十里明成化時因舊堡水遠移此城高二丈五

甘肅新通志

卷九

輿地志 關梁

七

尺所屬東榨口西榨口濠灣壑口趙家鋪斷壕圪丁麻搭共隘口

五

古鄯堡在縣南一百六十里西漢龍支縣故地晉為小晉興城明

置馬驛城周六百六十丈高三丈四尺門二又名巴暖三川營為

控扼要地又有巴州堡三川古城堡俱在縣東南明李復初增修

山城記談兵禦戎術亦多矣我皇明既定河朔恢拓諸鎮列戍屯

兵戰守並用得上策矣聖天子軫念三邊重地簡命都御史松石

劉公以左司馬督軍務公練兵蓄士除器繕城兵威大震夷眾驚

遁烽火偃然三邊既靖乃念西甯素號內地而巴暖三川延袤二

百餘里又內附河蘭西距大小山北阻大通河每歲雪消冰漸山

潤河流任意耕牧散處荒野雖有堡寨十八所山城六所率寡遊

頽壞往年夷賊得深入肆掠無備故也遂檄兵備副使及公往修

築焉乃公悉心經理徧歷險要相形畫野因水以山以分水嶺之

北厥水皆趨大通河中經紐兒都溝米刺溝巴州溝暖州溝嶺之

者得二十餘地復擇其平原曠野者則築堡焉臨壑附巖者則築

寨焉山巔坦平四壁可削則短其垣為之山城焉其舊寨之頽壞

者則修補之舊壕之壅填者則挑濬之高深縹緲皆可守可居焉

工費之計則巡撫都御史東梧牛公畫也工專之役則土居番漢

諸民力也創築者凡十七所修葺者十八所始於丁酉春二月終秋七月會余按部隴中省方問俗乃見川陵襟帶形勝據矣垣塹高峻保障崇矣星布絡繹守望便矣當時立覽三歎已復許之兵法曰先爲不可勝以待敵之可勝故李牧修邊日饗士習射匈奴入道則急令收保一戰大破之十餘歲不敢近趙邊顧劉公之謀牛公之力及公之賢勞與得策於一時有功於百世不可泯也余又聞松石公曰邊民勇於守業一可當百更欲給之甲冑則所向無前戍守之利願次第允蹈之邊民實則藩籬固藩籬固則盜賊遠而中原高枕無虞矣松石公諱天和楚麻城人東樞公諱天麟齊聊城人兵備公諱宦燕交河人僉謂役事孔艱匪徒罔鑒後之君子其永保無斃也哉

伏羌堡在縣南五十里明嘉靖間築城周三里去邊牆閘門三十里一名南川營又有南川總堡老幼堡俱在縣南

烏思巴堡新遠堡孔迭溝堡俱在縣西

永安堡在縣北七十里北至閘門邊牆十里南距舊城五里人謂

新城周二里高三丈設東門一又有北川總堡大寨子堡鴛鴦堡

清水溝堡回回堡小乾溝堡上馬圈堡豬爾溝堡平虜堡俱在縣

甘肅新通志

卷九

輿地志 關梁

美

北

威遠堡在縣東北九十里北至閘門邊牆二十里明嘉靖間築城

周三里又有沙塘川堡破寨子堡班家灣堡新添堡下馬圈堡俱

在縣東北

平戎堡在縣東七十里漢安夷縣故地明洪武十九年置驛於此

城高三丈

勝番溝腦林木蒼蔚道通山後砂塘川及伯顏川腦海夷潛伏句

通黑番入境侵擾明時設羊官一寨水磨潘旗薛旗周旗四營

瞿曇寺溝腦六枝兒河路通雪山後星宿川一帶海夷從此入境

內侵明時設虎狼大寨連屬紅水雙塔湯官岡子四營添兵伏路

堵截

冰溝山隘爲西甯閘郡咽喉孔道羊腸七十餘里明時本山羌番

劫奪商旅拒殺官兵且由小冰溝南侵上川巴州一帶設築東西
關門中設峽關添兵防範

通濟橋在縣西二里又石龍橋在城南

天峽口觥橋在縣西三十里亦曰河厲蓋吐谷渾名也

永磨橋在東關外三里勝番溝河口通商利民

虎刺海橋在縣東南八十里

正川口橋在縣東一百二十里爲小路四衝通津

大通縣

天通城在縣迤北卽舊衛治今名北大通南襟浩靈北阻祁連雍
正三年以地通西甯甘涼築城周六里高二丈門四城樓角樓月
城月城樓均如之城東南四十里阿爾炭山頂又十五里小爾炭
迤東五十里宋龍溝又東北二十五里天龍溝腦均極要隘

甘肅新通志

卷九

輿地志 關梁

七

永安城在北大通西北二百一十里雍正三年以地通甘涼築城
周六百丈高二丈二尺東西二門城西北四十里二道溝西三十
里測爾禿西南三十里哆羅達坂南三十里黑溝口

永安關在大通城南十五里爲南北孔道

黑林關在縣西六十里兩山如門青海蒙古出入由此卽黑林邊
榨是也

聶兒壩口在縣西南十里通青海路甚狹側又伍什溝口在縣西
南四十五里亦通青海又哈麻兒打坂在縣西北四十五里

撥科峽口在縣西撥科山之東可達青海

天通河橋在縣南五里

永安橋在縣東三十五里關門灘

峽門橋在縣東北十里峽門山左俗謂之窩橋又謂之喇嘛橋跨

撥科河上年久傾摧光緒三十年重修

送爾計橋在縣南九十里今無

伍什溝大橋在縣西五里

白塔河橋在縣西南一百四十五里今無

東峽橋在城東三十五里撥科黑林東峽三水匯流處

通北橋在縣東半里俗謂太河橋

永濟橋在城西里許俗謂宋磨河橋

和裕橋在永濟橋下俗謂北札門外橋

太和橋在東門外俗謂東門磨河橋

大通渡在縣北大通城南即浩疊河也每歲冰解備官渡以濟往來行人

貴德廳

輿地志 關梁

夫

甘肅新通志

卷九

官田墩在廳東十里又二十里至馬廠墩

石坡墩在廳西三里又五里至上河墩又四里至山平墩又二里

至暖泉墩又十五里至煙洞墩又二十里至撒通墩

康家寨在廳東一百九十里乾隆四年西甯道僉事楊應琚議築

土城周一百二十丈高二丈二尺南門一以資聯絡而控番回又

臨洮府志貴德所轄周鑑王源劉慶李釗康泰楊鑾等六寨又採

訪册廳境有下河口瓦家堡七家堡

通津堡宋志舊名南達堡崇甯三年賜名東至安疆砦五十里西

至大通城界五十里南至循化城一百三十里北至大通城界五

十里

臨灘堡宋志東至安鄉關四十里西至古雞山二十里南至南川

砦界二十里北至黃河四十里

來同堡宋志舊名甘樸堡崇甯三年築賜名東至南川峇九十里西至安疆峇三十五里南至懷羌城三十五里北至來羌城三十里

按以上三堡金俱屬積石州元廢舊志入河州今移於此

寺角觜墩在廳南五里又十五里至王屯又二十里至周屯又劉

屯以上三屯俱漢民又康屯楊屯李屯俱撒拉回民

九道溝在黃河北渡

黃河官渡在城北五里有船三

循化廳

積石關在廳西六十里距河州西北一百二十里

亂藏關在廳西北距河州西七十里

老鴉關在廳西北一百二十里距河州西九十里

思巴思關在廳西北距河州東南八十里

甘肅新通志

卷九

輿地志 關梁

十九

乙麻木莊官渡在廳西北十五里有官船二為通巴燕戎西甯二處要津

隆窩橋在廳東五里土門塘

廣濟橋在廳東十五里清水工

草灘壩莊渡在廳北里許

清水工渡在廳東十里

孟達工渡在廳東四十里

木廠莊渡在廳東六十里積石關西二里

古什郡莊渡在廳西五十里

查汗大寺工渡在廳西四十里

蘇只工渡在廳西三十里

別列莊渡在廳西四十里

〔定匠莊渡〕在廳西四十里

〔石頭坡莊渡〕在廳西六里

〔隆務橋〕在廳西南一百五十里保安堡

〔江什加橋〕在廳西一百六十五里

〔多哇橋〕在廳西一百七十五里

〔采什濟橋〕在廳西一百八十里

〔宗卡橋〕在廳西二百里

〔清水橋〕在廳南一百九十里土門關外

〔料堆橋〕在廳南二百里上下

〔黃年橋〕在廳南二百二里

〔喬溝橋〕在廳南二百一十里

〔觀音橋〕在廳南二百二十里

甘肅新通志

卷九

輿地志 關梁

平

〔保安堡〕在廳西南六十里明置保安站及保安操守所

〔起臺堡〕在廳東南七十里。有城。明萬曆中修築。周一百六十丈。高三丈五尺。

丹噶爾廳

〔鎮海堡〕在廳東五十里。明嘉靖元年築。城周二里。東西二門。

〔丹噶爾橋〕在廳南二十餘步。

〔城南小橋〕在廳東門外南數十步。磨渠上。過小橋南為〔南大橋〕。又謂東門大橋。即湟水西流之津也。

〔于田橋〕在廳龍王廟南。

〔響河爾橋〕在廳響河爾莊。迤東稍南。橋倚山。駕石高而穩固。

〔池漢大小橋〕在廳池漢托亥莊北。

〔李大莊橋〕在廳李大莊南。

〔星泉莊橋〕在廳星泉莊南

巴燕戎格廳

〔甘都堂堡〕在廳東南六十里乾隆三年西甯道僉事楊應琚以地勢寬廣咫尺黃河生番出沒議築土城周一百七十六丈高二丈二尺東西二門次年工竣堡西北十五里工什加塘又十里列卜加塘又二十里龍塘又二十里下拉札塘東十里加玉爾塘三十里科巴塘

〔札什巴堡〕在廳西六十里乾隆三年西甯道僉事楊應琚以地倚日月山爲行商往來要區議築土城周一百四十八丈高二丈二尺南北二門次年工竣堡西北五里紅水波塘西十里天沖卡汎十五里川倉牙壑塘

〔查往塘〕在廳東北二十一里又二十五里禿哇倉塘三十三里

甘肅新通志

卷九

輿地志 關梁

全

〔加浴塘〕四十五里雷沙山塘西北三十里克欠牙壑塘

〔康家寨渡〕在廳南六十里上水地川乾隆五年西甯道僉事楊應琚等請設官船一隻爲通貴德河南要津

〔乙木麻渡〕在廳東南六十里有民船二廳屬阿哈旦及循化屬乙木麻兩莊民同設爲通循化河州要津

涼州府

武威縣

〔天河堡〕在縣東南三十里城周二百一十丈又縣東南七十里靖邊堡城周一百八十丈一百里雙塔堡城周三百二十丈

〔高溝堡〕在縣東北五十里東至邊牆五里城周二百四十丈境外衝汎二處新舊墩各二去堡一百八十五里爲十三箇井

〔張義堡〕在縣東南一百二十里城周一里三分卽黃羊川也土壤

甚寬山環水遶去堡二百里黑茨溝口北四十里柵子溝口西南九十里青土峽峴二百里新打班一百八十里寬溝口永麻溝口皆麥力幹部落畋牧

南把截堡在縣南三十里城周一里二分迤南隘口去堡一百四十里天池口又三十里白水口又三十里冰溝榨口六十里倘哥兒口一百里札方麻阿博口又一百里牛心山壕

西把截堡在縣西南七十里城周一里去堡西北一百四十里黑溝口一百二十里永磨溝一百六十里藏經口

上古城堡在縣南五十里城周一里二分明初置設防去堡西一百里耶藏口又一百里馬頭阿博西北一百二十里朵蘭禿兒西一百五十里花山口一百八十里七箇草窩鋪西南一百里紅溝口二百四十里紅溝腦二百八十里牛頭阿博

甘肅新通志

卷九

輿地志 關梁

全

炭山堡在縣西北九十里城周六十二丈去堡西南一百八十里卓角溝口又四十五里西打班溝口六十里橫梁山口一百里長草溝口一百三十里黑溝口

三岔堡在縣北七十里明初置城周二百二十丈

金塔寺山口在縣西三十里又縣西七十里大口子九十里卓角溝皆亦不喇通西海之路明嘉靖中築壘

通濟石橋在縣東舊關廂內又迎恩橋在東門外濟坎橋在南門外永安橋在西門外潤濟橋在北門外安瀾橋在東關外今圯靖邊橋在縣東南七十里

利川橋在縣東北二十里

東濟小橋在縣東南一百一十里

卧波橋在縣南三十里又縣南三十一里聯濟橋三十一里夾山

橋三十五里莊嚴橋

四壩河橋五壩河橋舊在縣南三十五里今俱無

小溪橋在縣西十里懷安驛橋在縣西五十里又五里至林家河
有利涉橋

晉渡橋在縣西北五里海藏寺前又有海藏大橋

陸家石橋在縣北三里濟輿橋在縣北五里

雙橋在縣北十里又縣北二十里北濟橋三十里石羊橋四十里
天石橋

官橋在縣東北二十里

鎮番縣

黑山關在縣西南六十里東西皆近邊有堡周二百四十步高三
丈六尺爲夷人出沒之處明置黑山關驛於此

甘肅新通志

卷九

輿地志 關梁

三

蔡旗堡在縣南一百二十里城周九百餘丈河東有圓湖兒白土
坡黑茨崖衝地境外有昌甯湖茨泉衝地

青松堡在縣南三十里明天順三年建城周一百二十丈萬曆三
十年設戍

國初裁又西南一百里有重興堡明亦設防

紅沙堡在縣東北二十里舊有官廳營房教場明嘉靖七年建城
周五十餘丈萬曆九年設戍

國朝順治二年裁

西骨山口在縣西南一百里境外要口也又採山隘口在縣東
北一百二十里百亭軍隘口在縣東北二百八十里今廢

釣橋在城東郭

新墩橋在縣東八里又羊路橋今廢中沙橋在縣東六里紅沙堡

河上

頭壩橋在縣西十五里三壩橋在城東南十里

小二壩橋在縣南十里二十里南樂堡有天二壩橋

雷廟溝橋在城西沙渠橋在柳林湖外渠正西岔溝橋在東渠

永昌縣

永磨川關在縣西二十里水磨河西通大道明置城周一百八十八丈為大黃川夷人貨馬市酒之地

水關一在縣城東山口一在縣城西山口

毛卜喇堡在縣西北三十五里南至水磨川四十里北至長城有關門

永昌營路去城東南一百二十里長城山口衝汎又三十里照面山口三十里乾溝山口三十里著撒山口三十五里破煙山口四

甘肅新通志

卷九

輿地志 關梁

四

十里寒占口五十里西溝打班山口六十里等兒溝口八十里炭

山口南一百二十里實城兒口

即黃城爾其路距西甯甚近三日可達康熙間請修舊城弗果事見

後大馬營

一百七十里江凌山口一百八十里二顆樹山口又西北七

十里軍路山口北三十里紅羊圈山口北四十里青紅山口

甯古城堡在縣西七十里明置城周二百十丈去城南一百一十

里寒雅溝口又一百二十里五奴山赤口一曰五龍五池口又西

北八十里考來山口西南一百一十里平羌山口又鸞鳥山口又

西北九十里白石崖山口北八十里壓腰山口大黃山在北一里

山之西麓即大草灘也廣二百里橫八十里其地之草為河西內

地之最夷人牧馬其地

新城堡在縣西南七十里明置城周一里去城西南一百里大河口又一百九十里王魯干山口北一百三十里腦兒都山口堡西

二十里大草灘

水泉堡在縣西北六十里明置城周二百八十丈去城西北一百里白石頭山口北二十里韭菜口又五十里平口子又七十里永泉兒西口又七十里永泉兒中口又東北八十里小滑石口又九十里大滑石口北三十里十五里口七十里紅井嶼峴一百里大白箕笈口一百二十里小白箕笈口一百八十里石昌口

甯遠堡在縣北七十里明置左右皆山去城一百里柳溝口又麻黃溝口又東北九十里西紅崖口一百里東紅崖口又一百五里榨子口西北一百七十里阿木撒一百九十里榆樹溝二百八十里蘆溝套三百五十里白鹽池

永甯堡在縣東北一百二十里明初置城周三百二十丈去城二百五十里紅崖子口又東北七十里狼洞口一百四十里破山口

甘肅新通志

卷九

輿地志 關梁

全

一百八十里黑山口又東北二百里齊頭山

眞景堡在縣東二十里明置城周一百八十丈

十里橋在縣東十里又五里橋在縣西五里

寨占口橋在縣東南五十里一曰澗轉口橋

高橋在縣西十里

崇岡橋在縣西三十里

水磨關橋在縣西二十里

四壩橋在縣東北二十五里

六壩橋在縣東北四十里

古浪縣

石峽關在縣東爲大靖城要隘與小海子明沙嘴白澗池皆距邊三十里又青羊水距邊八十里十三箇井土裏無素黑糶糶湖皆

距邊一百二十里三道鹹槽距邊二百二十里以上境外九隘口東通賀蘭北達北套西抵鎮番皆夷人分道遊牧之處昔人謂於此防守哨瞭賊之出沒可以預知而甘甯地方俱保無虞誠扼險之策也

黃花灘爲縣東土門堡要隘距邊三十里

西川堡在縣西三十里其隘曰哈西曰橫溝曰黑溝皆住番族明都御史石茂華奏築外控虜而內控番

黑松堡在縣南三十里卽古之蒼松衛兵燹後松柏斬伐殆盡堡南十五里爲龍溝堡萬山重疊番族毳幕林立

安遠堡在縣西南六十里地當要衝爲古邑之首領

土門堡在縣東北六十里土沃民饒商務甲於全縣

大靖堡在縣北一百五十里民戶多於縣地地極膏腴商務亦盛

甘肅新通志

卷九

輿地志 關梁

六

安甯寨在縣東北三十里

泗水堡在縣西北三十里商務殷繁

可可口在縣西南九十里距安遠三十里爲大衝口在萬山之中當四面之險外通套來川番虜出沒最爲要地

鴛鴦池口在縣西南七十里爲安遠小衝口又十五里清沙灣口

橫溝口在縣西南五十里衝地隘口又距縣六十里哈西口

黑溝口在縣西南五十里緩地隘口

西山水峽口在縣西南五十五里黑松衝地隘口一曰雞冠石峽

又緩地隘口四處東山龍溝口黑溝口西山牛頭窪口皆距黑松

二十里倒坡河口距黑松三十里

宏渡橋在縣南關外通濟橋在縣郭中鼓樓下

暖泉橋在縣南郭外香林橋在縣南十五里

雙龍橋在縣南二十五里爲東西通道

香溝橋在縣南三十五里

龍溝橋在縣南四十五里

先農壇橋在縣東南二里安瀾橋在縣東北二里

北石橋在縣北一里楊家橋在縣北八里今皆廢

迎恩橋大靖西郭外雍正三年建平沙橋在東郭外

普渡橋在大靖南門外雍正四年建又聯璧橋在西關

東璧橋在土門東郭外雍正八年建

利濟橋在安遠郭外

平番縣

平城堡在縣東北七十里城周一百四十丈最爲險要自堡池西南至分水嶺又西南至莊浪城共墩臺九座又西北至岔口界東

甘肅新通志

卷九

輿地志

關梁

全

北至松山界墩臺四座

打魚溝堡在縣東一百五十里四面亂山最爲險要隸松山營

松山堡在縣東北一百二十里城周一百八十丈池東至永泰城

墩一座池西南至平城界池東北至阿壩城界墩各二座堡北大

松山水草茂盛軍民畜牧

裴家營堡在縣東二百三十里城周一百二十丈明萬曆中又於

池南築關城一百四十丈池東至阿壩界墩六座池南至松山界

西北至大靖界墩各一座

阿壩堡在縣東二百七十里城周二百丈自堡池東至紅水界墩

八座池南至松山界雙井兒墩四座池西至裴家營界大沙溝墩

七座池北境外墩三座隘口二俱係緊要而雙井堡四面亂山路

通八岔

〔紅城子堡〕在縣東七十里城周二里自堡迤東南至苦水新屯兒川界墩六座迤西北至南大通田家溝界墩八座

〔苦水灣堡〕在縣東南一百二十里城周三里自堡迤東南至白土坡墩交界近邊墩六座西北至新屯川界境外墩三座

〔沙井堡〕在縣東南一百九十里城周二百二十丈堡東北三十里白土崖又十里〔狼溝口〕去松山二百里路通東套銀歹諸夷自堡迤東至蘭州界墩三座迤西至白土坡苦水界墩九座

〔通遠堡〕在縣西南四十里城周二里堡東北至界外〔寺兒溝〕又三里至他刺都川又五里至勝卜勞峽又十五里至岡子溝又五十里至黃泥岡路通海夷極爲衝要

〔武勝堡〕在縣西北三十里城周二里自堡迤東南至漢屬郎清水河墩六座自清水河東南至莊浪城墩十二座自堡迤東至達達

甘肅新通志

卷九

輿地志

關梁

六

〔壑峴平城界隘口〕一處迤西北至大馬營溝岔口界墩隘四處自堡西二十里爲亂石窠紅壑峴至香爐山等處路通海夷皆極衝要隘

〔岔口堡〕在縣西北七十里城周二里八十步自堡迤南至馬營溝團莊武勝界墩十一座迤北至打柴溝路鎮羌界墩十座自堡迤西北至沙金溝迤東至大沙溝平城界皆極險隘

〔鎮羌堡〕在縣西北一百二十里城周二里險要隘口二自堡迤東南至火石溝團莊界墩六座迤西北至烏稍嶺界墩八座西境有中下土三路俱海夷內窺之處中路自三角城駝山寺乾柴窠至黨宋兒至本堡二百三里下路從駝山寺至討來川嶺大荒麻川牛心山泉子嶺至本堡二百一十里上路東北從駝山寺至大荒溝東北上小荒麻兒八十里至本堡又一路自西古城至大小荒

泥溝西閘門至本堡

完密溝舊屬番地雍正三年勦撫後徙民居之崇崖險峻林木叢雜兵燹時民多避難其中

甯薰橋在縣南門外

宏濟橋在縣西門外

大通河橋在縣西大通堡城西跨西大通河

西渠橋在縣北二里

鎮羌橋在縣北一百三十里

鳳凰山卧橋在紅城堡西南十里遠望若長虹

永濟橋在苦水堡東二十里沙溝口內又通遠橋在堡東四十里

武勝橋在縣北三十里有涼莊孔道四字牌坊

縣丞駐西大通

甘肅新通志

卷九

輿地志 關梁

九

雙墩子在堡西南有墩六座又堡西南至冰溝墩七座迤西至境外菜子山墩三座迤南至黑山墩迤外至馬回子坡等處一百里墩堡二十六處迤西河東至境外毛兒茨壑峴墩三座迤西北至境外掌吉兒壑峴二百一十里堡隘十處迤北至羊胃子城堡隘五處

蕩蕩橋即新開路自縣城迤西駱駝脖子起沿刀楞山達烏稍嶺麓計程一百二十里中有絕澗架梁通行名曰蕩蕩橋甘肅候補

道裕端前署平番縣時於光緒癸卯秋創開新路建斯橋陝甘總督崧蕃

平番移修路工記 今上御極之二十七年余奉 命移制關隴仰承 聖天子德意子惠元元常期陰陽和萬物遂匹夫匹婦無

一不被 朝廷之澤以成熙皞之盛軌然願力雖奢而措施無補中心歎焉夫隴右為西陲門戶自黃河迤西五涼所屬允吾實當其衝而莊浪一河為患尤鉅歲建永濟橋於其上每當夏秋之交山水陡發旋建旋冲商旅往來時虞滅頂即東西交報軍糧亦被淹留或遭汨沒蓋西北沙深石厚湍急土鬆施功不易故橋梁易就傾圮也官斯土者體王道蕩平之治能勿勃然興起思所以易

轍改絃登斯民於衽席者乎獨是懋任邑令亦有改修山路之議每善於工鉅費繁事無把握且時局日蹙籌款維艱乃欲興大利捍大患俾一勞永逸共遵康衢不亦難乎昔賢多以凶年興大役如范文正守杭郡值歲饑力請發粟行賑兼諭各寺觀大修浮屠老子工作並興或詢其不急公曰吾以食飢民也蘇文忠亦然值杭饑疫浚一河濬六井築西湖長隄南北三十里以通行者全活以萬計然則旱潦之交能以工代賑豈非利民切要之圖乎今夏平邑告饑窮黎待哺因徇前權斯邑裕令之請與司道僚屬集議共倡捐銀一千兩又平番縣十年歷任流攤銀五百兩並函商新撫潘少泉中丞籌捐銀一千五百兩駐防五涼滿營玉都護籌捐銀一千三百餘兩其餘甘涼鎮道府縣各官僚以及京津山陝各商本邑紳庶亦經裕令倡率共集銀一千七百四十七兩爰檄裕令督率紳董擇吉興工招集境內貧黎待賑者隨工匠厚給資糧分段工作自縣城迤西俗名駱駝脖子者起沿刀楞山一帶直至烏稍嶺麓計程一百二十里中間二十里間石骨犖确地遷曲折依山臨河或鑿壁實藥以轟裂之或鑿石巖而銼熨之深澗橫絕者駕梁以通之以平以闊暮年而路工成實支銀六千八百有奇經始於光緒癸卯七月至甲辰六月而告竣因易之名曰蕩平橋日蕩蕩中間建五丁祠申報賽馬至是離險絕履康莊出其途者舉欣欣然歸功於余然非裕令之實心任事取則前哲諸紳董之勞瘁不辭亦安能使數千年崎嶇塊坳一旦化為康衢耶夫莫為之前荒略何以闢莫為之後利澤何以長他日官斯土者念創始之艱難歲修而月治之則前功可以不棄而余與諸君亦得附于不朽豈不偉哉又所望於後人者耳是役也總其成者為前署平

甘肅新通志

卷九

輿地志 關梁

卒

番縣事裕令端分任者為監工紳董盧學植等接修驛站行臺為現署平番縣陳令源混驗收工程為知清水縣事袁令範例得並書既歲事裕令來請記為述其顛末如此

甘州府

張掖縣

山南關在縣東北四十里人祖山口張掖衝要處也明嘉靖二十七年巡撫楊博議建關城近關更作疊水一道重險可恃

仁壽堡在縣東四十里漢屋蘭縣地明置堡都司志又有太平堡在縣東二十里拒敵堡在縣東四十里又六壩堡黑山堡皆在縣

東南九十里

天都麻小都麻且皆在縣東南九十里酥油口在縣南十五里明於酥油口散岔道溝山塞斷要路磬砌短城各口皆有黑番

舌城堡在縣南一百里明置城周二里有甯番山口在堡東南八

十里

龍首堡在縣西南都司志有下龍首堡上龍首堡俱在西南五十里因地近磁窰板答等口番帳民苦劫掠田畝漸廢明嘉靖二十六年巡撫楊博重開舊木龍壩為龍首渠遂墾田募兵以張欽城展築為堡以渠為名既而人漸繁衍復以劉杲城展築為上龍首堡謂舊堡為下龍首堡今略云龍首堡東南去花砦四十里即上龍首堡也板答口在南二十里平頂堡在南四十里馬蹏寺之巔張掖河在堡西二里

甘淩堡在縣西南五十里東至龍首堡四十里今略堡在黑河之西北南界山凡循黑河而東皆黑番住牧河西皆黃番住牧又西洞子堡在縣西南六十里磁窰堡在東北二十里西洞磁窰之南有山曰大磁窰口小磁窰口

甘肅新通志

卷九

輿地志 關梁

十一

新城堡在縣西北四十里東至瓦窰堡三十里南至黑河五里明置曰靖安堡後改今名

觀音山口在縣東六十里極為衝要

甘肅通志觀音山口西南至

載則係三十里附後備考東華錄康熙二十一年厄魯特噶爾丹巴台吉之子羅卜藏滾布請率所轄居龍頭山之地理藩院轉奏得旨此龍頭山在邊關何處自邊關行幾日可到與內地有關繫否或向係邊外無用之地否著即檄拉篤祜察明原委作速奏報至是拉篤祜覆奏蒙古稱龍頭山謂之阿喇克鄂拉乃甘州城北東大山之脈絡餘衍邊境山之觀音山口即邊關也距甘州城三十里距山丹城三里其夏口城距山口而建自夏口城距濕川堡相去五里山盡為甯遠堡此在邊外龍頭山與甯遠堡相去里許其間有長甯湖界之蒙古所謂鄂爾通也甯遠堡有內地人民種植輸賦沿途有兵民牧養今諸蒙古俱於龍頭山北遊牧羅卜藏滾布之意欲占長甯湖耳邊汛要地似不宜令不諳法紀之蒙古居住理藩院兵部議以羅卜藏滾布所請應不准行從之

斜濠口在縣東北六十里東南至東樂堡十五里沿邊東南至山丹縣七十里即古灰溝口也煙墩溝在口北五里溝西自靖安至此皆以山為固溝東山勢漸平乃築長城直接山丹而東又甲子

墩在東南十里大路間明季所置

石打喇口在縣南一百二十里

馬蹏口在縣南一百二十里

大尾馬龍口在縣西南一百三十里

小尾馬龍口在縣南一百里

迎恩橋在東關門外

南石橋在南門外

南津橋在南門之東

沙渠橋在縣南十里又有清涼寺橋

北津橋在縣北二十里跨弱水

大滿渠橋在縣南四十里

來賓橋在西門外

甘肅新通志

卷九

輿地志 關梁

三

黑河橋在縣西十里今圯又西夏李仁孝嘗建橋黑水上有敕黑

河龍神碑文見藝文

通局橋在城內軍器局西

新建橋在城內通局橋南長七尺

縣丞駐東樂

大口子在城東三十里即耀碑谷

國朝許士梁詩雍古師從斜谷迎甘泉砂石震風聲朔方未

定君臣位關隴翻爭兄弟兵豈讓發蹤廉孟子奚容安卧塔宗卿天開中統聯南北秦國勳碑耀此城

洪水堡在城南九十里明嘉靖間置在大草灘口番人出入之路

辛卯侍行記 國初許蒙古通市於洪水名爲得馬皮之利青海黠酋踵至舊設溝壘多被毀傷

西水關在治城南一百二十里爲通青海西甯間道明巡撫唐澤

築關西曰石樵口

虎喇害口在城南一百二十里

山丹縣

紅寺山關在縣北三十里舊曰紅寺山口明嘉靖中新修石關一
道住歇塘哨夜不收

石人石馬關在縣北一百五十里

國朝郝道遵詩地險崢嶸天險工衙枚結舌氣陵空拜來疊疊當呼丈鞭起騰騰欲躡驄八陣齊排驚噉虎五花縱躍逐飛鴻楊公墩障廖公峽未及憑虛百二雄

東頭溝口青羊口俱在縣東北四十里又東北六十五里紅羊關

口七十里扇馬湖八十里赤山東小口九十里石井口一百里小

關兒口

扁都兒山口在縣南一百里即古大斗拔谷明時凡甘涼往來于

青海西甯者率皆由此而行路雖踰山實為捷徑也

國朝郝道遵詩扁都隘

口氣蕭森魚貫行來溪障深暗叱段公風烈烈淒淒迷隋帝雨淋漓巢車好上龍山望毳幕休教鹿塢侵豔說凱歌勞衛國皇華搖曳

碧雲

甘肅新通志

卷九

輿地志 關梁

三

甯靜山口在縣南一百二十里又縣南一百三十里和甯山口一

百四十里無虞山口東南二百里白石崖口

秦邊紀略白石崖峭壁攢峰與西北諸隘

口相狎連曲折盤鎖可為西疆門戶

定羌廟在縣東古城窰之阜奮威將軍王進寶破敵處也

明謝厯登定羌

廟城樓詩定羌古戍獨登樓臨眺無端悵遠遊煙雨一天憑對酒英雄千古幾封侯塞鴻飄渺長空遠羌管悠揚野草秋為問漢家教射客到今何用姓名留

新河堡在縣東四十里東至石峽口四十里南至馬營墩百四十

里北至邊城五里康熙八年移堡兵於馬營墩又甯邊堡在東十里許

石峽口堡在縣東八十里城周三里峽口路僅里許皆亂石高低

曲折人馬艱行大黃山立於南合黎山畫於北嶺難設險牆不勝防但恃營墩為左右望

范家營堡都司志在縣東南五十里大黃山堡在東南九十里又縣南二十七里永興堡四十里暖泉堡九十里楊家壩堡俱明宏治中置

察漢俄博堡在縣東南一百九十里舊屬大通道光三年改屬甘肅永固山深地寒不能耕稼惟產煤城周二里二分

近大草灘明天啟間北夷插漢棲此遊牧

國朝順治八年築堡城周四里其要隘在東南五十里香溝口

馬營墩在縣西南一百二十里城周一里當祁連北麓

黑城堡在縣南九十里明嘉靖間築城周五里瀕大草灘

大馬營堡在縣南一百里亦明置城周二里踞大草灘之中東華錄康熙三十三年川陝總督佛倫請修黃城爾舊城旋兵部議復據甘肅提督孫思克等咨云黃城爾地方逼近雪山天氣寒冷難於耕

甘肅新通志

卷九

輿地志 關梁

西

種糧草無出修築城垣功程浩大應請停止至於大黃山大草灘之要路在大馬營地方原設守備兵力單薄應將守備裁去改設遊擊千總把總各一馬步兵五百名駐守大馬營仍令永固城副將兼轄肅州總兵官統轄並於大阿博敦東西築墩臺撥兵瞭望其唐家沙溝應令永昌副將派千把總各一統領馬步兵輪流駐防至北邊峽口等處亦應添設把總一馬步三千名駐劄定羌廟令峽口守備管轄俱應如所請從之

甘橋在縣西關外

觀音橋在縣西關外

石嘴橋在縣西十二里又南石嘴橋在縣南五十里

大橋自縣西一里至三十里祁家店共橋四座乾隆四十二年修

永安橋在縣北二十里泥水經流處舊名北津橋

撫彝廳

呼囉口在城南百里俗謂之波羅口黑河所經也其口外東通野

馬川巴縣墩諸處西通紅崖以至肅州口外黃番界國朝郭人英詩豐草長

林潤黑波紆迴百折忽平坡雄風赫赫孫千戶右校王封榮幾多

威敵堡在城南三十里俗呼爲葦子城

沙河堡在城東四十里同治間被回陷光緒二十一年通判文祺修補

梨園堡在城南九十里明置城周二里

明沙堡在城東北六十里亦明置同治八年重修

板橋堡在城東北四十里東至新城堡四十里西至平川堡四十里明置

平彝堡在城北五十里同治八年重修

平川堡在城北十里又柳樹堡在城北二十里明置

康家寨在城南三十二里王家寨在城南三十五里俱同治六年築宋家大寨在城東南三十八里宋家小寨藍家寨俱在城東南

甘肅新通志

卷九

輿地志 關梁

七

四十里同治間修補

平川橋在城北十里黑河上乾隆二十五年建今圯

肅州直隸州

嘉峪關在州西七十里嘉峪山西麓明初置洪武五年馮勝下河西以嘉峪關爲中外巨防西域入貢路必由此土城周二百二十丈宏治七年以土魯番叛閉關絕西域貢八年巡撫許進出關入哈密土魯番遁去嘉靖十八年尙書翟鑾行邊言嘉峪關最臨邊境爲河西第一隘墻壞淤損宜加修葺仍於濠內湊立邊牆每五里設墩臺一座以爲保障因使兵備道李涵監築起於卯來泉之南訖於野麻灣之東北長百餘里版築甚堅耜耨不能入二十年巡撫楊博言嘉峪關外先年止有近關大草灘石煙墩黑山兒墩台三座嘉靖八年添築扇馬城上柏楊下柏楊回回墓紅泉

墩臺五座今行相視又宜於榆樹泉三條溝火燒溝古墩兒添築墩臺四座隆慶二年總督王崇古言嘉峪關三面臨戎勢甚孤懸宜設守備防禦從之

國朝設遊擊並駐巡檢咸豐三年重修關城今城二重相距僅丈餘內城東西二門外城三門一在正西一東北一東南其南邊牆自外城西南隅北邊牆起自外城東隅傾圮殆盡閒有烽臺遺址距關東六里有木坊題嘉峪東關西一里道左石碑題天下雄關嘉慶十四年立關西北五里大木坊題肅州嘉峪西關雍正十二年

建光緒八年重立節錄國朝文綬陳嘉峪關外情形疏嘉峪關前住關外廣闢田疇也查嘉峪關舊例每日將關門常閉惟是有餘里安西以外設官安營星羅棋布無異內地矣乃關吏循照舊例仍行常閉凡有經過者俱查驗年貌詢明姓名註冊方得開關放行不免守候稽延之累在關外立業墾田者既願招致親朋內地無田可種者亦頗相攜出門乃皆阻於一關未免趨趨不前應

甘肅新通志

卷九

輿地志 關梁

六

請飭設該地方文武官嗣後將嘉峪關每日辰開酉閉進關者仍行盤詰出關者聽其前往不得阻遏農民將見攜朋呼侶自相招引民戶日增矣明陳其學詩鐵騎行邊倚佩刀西風歷歷幾亭泉孤城斗著黃雲脊萬堞斜連白雪尻屬國書通傳舊縣磨崖劍氣定誰曹一聲腸斷梅花引隱几侵尋早二毛紫峪橫霄客路窮壯懷長嘯對秋蓬風翻雲海塞烟外雪漲天山夕照中回紇叩關先貢馬牙蠻隔塞未歸鴻伊州歌徧黃花戍草色離離故壘空蒼茫西海有無閒多病書生愧抱關日暮倚樓風萬里天涯彈峽月千山駭鳴玉壘移封舊雁帶金城振旅還守捉灘頭遞刁斗獨吟秋色水潺潺國朝鄂爾泰送查大將軍出嘉峪關詩宣麻西下領諸侯小駐籌邊望戍樓關塞地連青海曲營屯人過赤金頭旌旗一變思干羽捷伐重光問虜酋高築受降城倍遠期君飲至赴皇州提督周達武詩山河襟帶限西東南挾黃流一徑通塞上重樓空突兀道旁古冢半英雄遠開國祚推元盛輕戮賢豪陋呂隆往事不堪聽鼓角蒼崖白日浩溟濛防邊自古建雄關聖代於今臥鼓閒萬里胡天皆赤子千秋頡利入清班風騰滄海鯨鯢吼月冷荒城劍戟環報國孤懷揮老淚愁看雕捲陣雲閒

石關兒口都司志云在衛西八十里又斷山口在衛西九十里

溝山口小口子俱去城七十里白石兒口去城九十里榆樹泉口

去城一百里皆嘉峪關外賊徑嘉靖二年七年巡撫楊博修築今

略石關兒在關西北五十里石峽天險峽外有扇馬營嘉靖中置去衛一百六十里今爲索囊王兒台吉及綽力兔合首氣台吉任牧地

通商稅關在州城西北里許又一里道北有舊烽臺

金佛寺堡在州東南九十里明初置嘉靖二十八年巡撫楊博重修土城近山周二里四十丈都司志又有紅山堡在東南十里永安堡在東南八十里紅寺堡在東南九十里今略永安堡在堡西十里

觀音山口在州東南七十里州境諸口多隘惟此口路闊山寬豐樂川從此發源引渠溉田有重岡峽在西南一百八十里各山之總峽也峽窄而陡行人必牽馬魚貫以過舊爲黑番小宛卜族住牧又紅山口在東南七十里明時烏思藏番僧曰普爾咱住牧於

甘肅新通志

卷九

輿地志 關梁

七

此後分爲大宛卜小宛卜二枝云

文殊山口在州西南三十里文殊山北明嘉靖中南山海寇由淖泥山出天生橋潛入文殊山口搶掠參將柳棟自嘉峪關斬斷山峽又設卯來泉墩以扼其衝都司志又有黃草壩堡在州西南十五里塔兒灣堡在西南二十里今略口南爲濫泥山可通天生橋此口無守賊由此以進塔兒灣黃草壩皆受其荼毒矣又有小峽在口內峭壁窄選人馬艱行其險可守

卯來泉堡在州西南七十里東至金佛寺七十里西北至嘉峪關四十里明置土城在半山周一百四十丈西南二面皆倚山爲險山北即番人走集之所今略云黑番伯刺宛沖族住牧者也堡西有腸子溝去州一百九十里又紅泉墩去州一百五十里南山討來川諸夷入寇必從堡南渡河若堡扼險則必從腸子溝至紅泉

墩於長城盡出入也

野馬灣堡在州西北五十里西南至嘉峪關五十里北近邊牆明萬曆四十四年置土城周一百四十丈

新城堡在州西北三十里西至野馬灣二十里北臨邊牆明置土城周二百五十丈

小鉢和寺在新城堡西三十五里鉢和寺有湖在堡西北一百里山口有榆樹泉可以飲馬鉢和而西即柏楊林路極平坦可通車西夷往來必取道於鉢和也

兩山口堡在州東北二十五里東至下古城堡二十五里西至新城三十里北臨邊牆明置土城周一百二十丈

下古城堡在州東北五十里東至雙井堡四十里北臨邊牆東北至金塔寺五十里明置土城周二百八十丈今略有大口子在堡

甘肅新通志

卷九

輿地志 關梁

矣

北二十里爲夷人南出捷徑明嘉靖二十七年巡撫楊博增築墩塘備之

紅口子今略云在東北六十里接鎮夷所界嘉靖三十五年增築墩臺威虜城在北六十里舊爲蒙古額力刻窟隆佳牧天倉墩在東北二百六十里其西十里有夜摸墩皆戍守處又坤都虜在東北五百里爲蒙古罕墩台吉佳牧

河清站堡在州東南一百里東北至鹽池堡六十里西南至金佛寺五十里明置亦名上河清堡并置驛於此土城周二百五十丈明嘉靖中西番入犯各堡俱被殘破惟上河清堡及永定堡以堅厚得免萬曆二十一年以地僻移驛於鎮夷雙井堡四十四年廢爲民堡

清水堡在鎮夷南一百五十里明初置土城周二百七十丈係火

夷出入要路設兵防守

九九山口在清水堡東南三十里山口可通西甯然重岡複嶺狹隘難行有黃草榆林乾壩凡三壩引水灌田皆黑番喃唔兒族住牧地

城南橋在州南一里

楚壩橋在州東南金佛寺觀音山口內跨討來河山水漂浮林木紛糅水從下流其木日久堅定漸積如橋人馬行其上明嘉靖中參將崔林魯斬斷楚壩以禦寇後年久又復成梁又名阻壩橋謂諸水皆阻於壩中

公濟橋在東關外一里紅橋在州東五里皆跨水磨河

清水橋在州北十里跨清水河

永固橋在州東北三里其下即討來支渠繞城東北流者也

甘肅新通志

卷九

輿地志 關梁

九

天生橋在州東北三十里討來河水從西南來至此入地伏流不數武而出入從地上行宛然如橋故名

州同駐王子莊

王子莊堡在城西三十里

高臺縣

榆木山口在縣西南七十里即舊榆林溝口榆木山東起甘州梨園堡西盡於此高臺紅崖之大道也山中皆黃番住牧都司志西四十里曰老康口南五十里曰循字溝口八十里曰花兒砦口一百二十里曰楊旗口天口子一百三十里曰盤道口曰水關

暖泉堡在縣南少西九十里東北至榆木山口二十里又有順德堡在口南十三里及鎮羌楊旗等堡俱明初置後以番夷蹂踐廢嘉靖中巡撫楊博添紅崖防守始漸修復今略有半個山在縣東

南八十里新墩在縣南六十里仄稜在南八十里明海子在縣西北六十里皆番夷住牧

紅崖堡在縣西南一百二十里明初置城周二里嘉靖二十六年設防今略拜浪河在北二十里消雪成流可以灌田紅土坡在河南九十里討來川水流環城下水關口在南四十里綽呼口在南七十里皆諸番住牧

黑泉堡在縣西五十里明置并置驛於此

平川堡在縣東北四十里明初置城周二里有四壩堡在其西二

十里舊屬甘州衛後改屬高臺按採訪四壩堡今屬撫彝

兔兒關在縣西北一百五十里又縣西四十里石圈兒口乾柴溝

口西北五十里黑山溝口八十里平頭溝口九十里石梯子溝口

一百里石槽溝口一百五里石壩溝口一百一十里石圈兒口北

甘肅新通志

卷九

輿地志 關梁

百

一百四十里千人口一百九十里毛目墩口俱虜出沒要路明嘉

靖二十七年巡撫楊博自高臺西抵鎮夷修築壕牆延七十餘里

深溝堡在鎮夷東南二十里明置在黑河南平川土城周二百丈

鹽池堡在縣西北一百三十里明置城周一百八十丈

雙井堡在縣西北一百七十里明置城周三百丈

黑河渡在縣西百里

納凌橋在縣東南一里

豐稔橋在縣東南二十里又站家渠橋在縣東南三十里縣志作一里

定甯渠橋在縣西北三里又縣西北十里新開渠橋五十里黑占

水橋

天成橋在鎮彝城北五里黑河上長五十丈闊一丈二尺高一丈

三尺計十洞十一墩東西各置牌坊欄杆康熙間建

雙樹屯在城南七十里雙城子在城北四十里

花海子在城西北二百餘里由王子莊之紅沙灘一帶直入可徑行出口不必度嘉峪關也

筆坑泉在城東四十里東通駙馬府南通甘涼一帶北通蒙古之古六奈

安西直隸州

柳溝衛在州東一百五十里即布隆吉爾城雍正二年築四年改柳溝所為衛治此

蘆柴溝墩在州西南穴楞墩在州南四十里

柳溝堡在州東二百一十五里距柳溝衛七十五里東南至靖逆六十里土城周一里三分東北至布魯湖墩四十里境外正北一

甘肅新通志 卷九

輿地志 關梁

查

百二十里至木龍泉又一百三十里至一肯亦馬幹古墩又二百四十里至鐵布什古墩其間多係戈壁間有水草鐵布什古墩地方千餘里係灰忒上巴濟住牧通北套阿濟山巴里坤來路

踏實堡在州東南九十里舊屬柳溝衛轄在衛西南一百五十里東北至雙塔堡一百二十里土城周一里三分有奔巴兔墩院在

西南一百里石包城墩院在南二百里瓜州南山口在西北九十里接安西界堡正南外境白石包城至三道宮阜河五十里又二

百五十里至額爾得尼布喇有二路一東至一肯薩喇爾金水源二百八十里一西南至烏喇打坂五十里其間多係山溝路徑乃

海上諸夷往來要路有泉道草頭並無夷人住牧自烏喇打坂西南至大小柴旦鹽池戈壁係通噶斯大路最屬衝要

疆地勢踞南東遠色參差入望中雪嶺雲從天際出石包逕與塞垣通依沙曲曲泉流碧編戶叢叢柳綻紅策馬鎮城山路近峻崖

國朝汪澂踏實堡詩

月影挂
洞弓

雙塔堡在州東一百三十里舊屬柳溝衛距衛西三十五里土城

周一里一分雍正六年築國朝汪澐雙塔堡詩塔影參差舊跡

紅日東來照女牆草色滿郊干騎壯河流雙雁一川長幽情更愛禽魚盛閒向溪林釣獵忙

橋灣堡在州東二百二十里東南至柳溝堡四十里城周一百四

十四丈雍正十年築舊駐都司同治十年為回匪所破居民無孑

遺都司移駐四家灘遂移橋灣之名沈青崖橋灣堡詩數雉城成一彈丸停驂荒服

且鐵櫃兩山對鎖東西峽十水爭流上下灘回鶻犁環塞外教倉芻粟入雲端從今款貢烽煙靖襟帶清流倚檻看

外境柳溝衛正北至疊墩子一百四里又八十里至石板墩又八

十里至白墩子又二百一十里至金溝峽又一百二十里至鏡兒

泉其間多係戈壁閒有水草通北套阿濟山巴里坤哈密來路最

關緊要

甘肅新通志

卷九

輿地志 關梁

五

平橋在城南五十八里

黑水橋在柳溝衛西南九十里

天生橋在柳溝南九十里

敦煌縣

陽關在縣西一百四十里紅山口為陽關廢城土人於其地掘漢

甃以為視以居玉門關之南故曰陽關路南有唐壽昌縣故址採

訪册云關南有湖曰南湖近巴彥布喇居民堵引泉水為河開田

種植誌稱色爾騰河支流不遠由巴彥布喇至厄卜兒北今以形

勢證之是即色爾騰河之舊灌田餘水積而成湖周圍草木暢茂

土脈肥沃遊牧屯田兵馬兩便陽關因南湖而設防猶玉關據西

湖而為守也關外沿山小路及南湖別徑南通羅布淖正南抵柴

旦木右扼新疆之臂左探青海之源然非南湖田腴草美亦無從

防守是陽關為敦煌之險要而南湖又為陽關之腹心以指南針測之湖在縣之正西於紅山口測之適在關之正南是湖之得名以關而關之舊蹟以南湖僉足徵也光緒二十二年回逆劉四伏由西甯逾柴旦竄敦龔鄧艾渡陰平故智倘非電線靈通預為儲兵以待其害可勝言哉

明陳集陽關詩昔在瓜沙地今入花門場漢時開四郡此日少敦煌子至皋蘭境契舊錢我觴我行陽關內未遠故人傍故人莫勸酒願贈瓊瑤章酒醉有時醒名言佩不忘芝蘭常在懷如坐君子堂室遠人則邇斯以慰殊鄉

〔玉關〕在縣西一百七十里無關樓雉堞可考縣志謂即小方盤城其地一望平衍近據西湖關前即臨湖之草灘其湖涸時水約數頃漲則汪洋沿湖草萊盛茂可屯兵牧馬

韋昭云玉門關在龍勒則應在沙州西北今其遺址不可考矣石晉高居誨使于闐記曰肅州渡金河西百里出天門關又西百里出玉門關漢班昭為兒上疏但願生入玉門關即此按居誨所記乃漢罷玉門關所置之玉門縣是非舊玉門關也 唐宋濟詩斂轡遵龍漢銜悽度玉關

甘肅新通志

卷九

輿地志 關梁

三

今日流沙外垂涕念生還 明陳棐詩遙遙金河水崑崙玉關高萬里天方道五年土魯曹禹貢球玕今來瑣葡萄甸四夷稱咸賓干矛可戢韜昔因哈密印幾年經略勞勞中事夷狄議論徒紛囂近時稍息肩赤斤類散逃防微戒堅冰憂心常怛怛大宛許獻馬西旅絕貢蔡中國事羈縻閉關起 叫騷安邊建長策密席有夔皋

〔峽中泉墩〕在縣東一百二十里

〔千佛峽墩〕在縣東南四十里

〔沙棗墩〕在縣西南三十里〔巴顏布刺墩〕在縣西南一百二十里

〔黃墩堡〕在縣東北六十三里東至〔百齊堡〕七十里土城周四里三

分設守備駐防東北三十里有〔阿阿沙石墩〕撥兵防汛又外境西

北二百二十里至〔博洛勒井〕又一百五十里至〔博洛兔昔〕又八十

里至〔阿阿砌〕又一百五十里至〔苦水〕又六十里至〔哈受布刺吉墩〕

去哈密僅一百餘里其間六百餘里多係戈壁並無夷人住牧亦

無行人往來係通哈密要路

國朝汪際黃墩堡詩郊原四望盡平疇壁壘新增雉樓浩淼河源來

黨水嶙峋山色見沙州營開甲帳風清畫戍靖烽
煙月照秋五堡邊疆推險隘伊吾北去是咽喉

百齊堡在縣東北一百三十里東至安西一百五十里西至黃墩堡一百七十里土城周一里五分

外境西北二路一路至葫蘆斯太一百里又六十里至饒烈半金又八十里至博西蓋由博西蓋西南七十里至巴汗麻密兔又六十里至鄂布弄博西蓋西北一百二十里至一肯麻密又一百四十里至綽湖洞其間五六百里有水草無夷人住牧綽湖洞係通他楞木河來路最屬衝要又一路西北至巴焉布喇大卡路墩一百二十里又二百里至多布溝西南一百五里至葫蘆斯太又七百三十里至依孫察汗齊老兔路當孔道西通伊犁地方他楞木河南通西海等處要路最屬衝險其間一千餘里並無夷人住牧正南一百八十里至黨城自黨城東南至額爾得尼布喇六百里

甘肅新通志

卷九

輿地志 關梁

一區

有水草無夷人住牧西通色爾騰西南通阿落一切麻鞋戈壁大小柴旦鹽池戈壁最關緊要

黨橋在城西門外咸豐六年重建後屢修屢圮光緒二十九年復被河沖去僅存牌樓

玉門縣

沙岡堡在縣北

南山隘口五處曰安站口距城一百三十里東至野馬兔口九十里曰董大口距城一百二十里南北皆山峭壁雄峙曰圓墩子口距城一百一十里曰昌馬爾口距城一百四十里曰大崖頭距城一百八十里各口南通青海黑番常由此出掠

惠回堡在縣東二百里木城周一里二分雍正五年築有惠回墩至後柳灣墩二十里又十五里至鬪馬墩又四十里至巴楞墩又

五十里至赤金峽墩

國朝汪漕惠回堡詩地啟邊關第一程敦

甲騎營山擁曉煙村店集風吹沙徑野泉
清昇平萬里遊蹤遠車馬鞞鞞過堡城

天東渠橋西邊渠橋俱距城三十里

甘肅新通志

卷九

輿地志

關梁

一百五

